

# أملّي


رواية

الطبعة  
2



البراق للنشر والتوزيع

عَمْرُو الْجُنْدِي



حينما يتحول الجميع إلى مجرد ساقطين،  
تصبح الجريمة هي الفعل الطبيعي الوحيد..  
وحين يصبح الدهر هو المنقذ من السقوط،  
عليك أن تتوقع المزيد من الجرائم.





عمرو الجندي

أملّي

رواية

الرواق للنشر والتوزيع

رواية

9 مئتي

عمرو الجندي

■ الطبعة الأولى..... أبريل 2012

■ الطبعة الثانية..... نوفمبر 2012

الغلاف: أحمد مراد

المراجعة اللغوية: محمد الكشك

رقم الإيداع: 8418 / 2012

الترقيم الدولي: 0-18-5153-977-978

جميع حقوق الطبع محفوظة

3 شارع إدريس - أول شارع الوحدة - إمابة - الجزيرة

هاتف وفاكس: 33100951 (202)

محمول: 01147379183

rewaq2011@gmail.com

facebook.com/Rewaqa.Publishing



للنشر والتوزيع

حصريات صفحة

روايات مصرية للجيب

على الفيس بوك

by

Ramo

الفصل الأول

# حصريات صفحة روايات مصرية للجيب على الفيس بوك by Ramo

- 1 -

فى يوم ١٥ يناير، وفى هذه اللحظة كان المكان ممتلئًا بالمتقنين فى مقهى  
لبالى المعروف فى وسط القاهرة، وكان يجلس فى ركن مميز وخاص جدًا  
الكاتب والصحفى الشهير عماد عز الدين، وأثنين من أصدقائه، وكذلك  
كان الأستاذ يوسف أباطة صاحب دار نشر الكلمة الحرة على وشك الجلوس  
صائخًا بلهجة مرحة:

"زملاء المهنة هنا، يا هلا يا هلا.. ماكنتش متخيل إنى كنت هالاقيكوا  
فى الليلة البردى".

فالتفت إليه الجميع وقد ابتسموا مرحبين بصديقهم العزيز الذى لا تخلو  
كلماته من المرح، كان عماد عز الدين ومجدى الزينى وخالد مختار يجمعهم  
صداقة قديمة منذ أيام الدراسة، وقد تعرفوا إلى يوسف أباطة من خلال الحياة  
العملية.

عندما عاد كل شىء إلى هدوئه قال عماد عز الدين موجهاً الكلام إلى  
يوسف أباطة:

"أخبار روايتى الجديدة إيه يا يوسف؟ يا ترى زى الروايات اللي فاتت؟"  
فألها بغرور وأنهى كلماته مبتسمًا باعتزاز وثقة.  
فابتسم يوسف أباطة قائلاً:

"انت مغرور أوى يا عماد، ما انت عارف كويس أوى انها مكسرة الدنيا.. دى ثمرة إنتاجك الأدبى والسياسى كمان".

فتتململ خالد مختار فى مكانه موجهًا بصره إلى مجدى الزينى الذى كان يجلس فى مواجهته، وكانت نظراته تحمل العديد من المعانى، وقد لاحظ عماد عز الدين ذلك، وسرعان ما قال وهو يوجه حديثه لمجدى:

"أخبار روياتك الأخيرة إيه يا صديقى؟ ماسمعتش عنها حاجة يعنى!"  
وابتسم ساخراً.

فابتسم مجدى الزينى ابتسامة عريضة وكان طريقة عماد المستفزة، التى تعود استخدامها عند الحديث عن أعماله، لم تنل منه هذه المرة، ثم قال:  
"سبتلك كل حاجة يا عماد.. الأدب، والسينما.. آه صحيح.. سمعت أن روياتك الأخيرة هاتتحول لفيلم سينما، مش كده برده؟"  
فقال خالد مختار:

"آه ومش هابتجها حد غيرى".

فضحك يوسف أباطة قائلاً:

"يبقى كده ضماً فشلهوا والحمد لله".

فضحك الجميع، وفى هذه اللحظات اقتحم جلستهم الكاتب والصحفى الشهير أشرف زيدان وهو لا يقل عن مجدى الزينى فى شىء؛ حيث يعتبر منافساً قوياً لعماد، وربما أكثر قوة من مجدى الزينى؛ وذلك لأن عماد يكرهه بشكل خاص ولا يكره له أى نوع من الاحترام، ودائماً ما ينقلب ضده فى جميع البرامج التلفزيونية واللقاءات الأدبية التى يتم استضافته فيها موجهًا إليه الاتهامات المختلفة، ودائماً ما يصفه بالكاتب الفقاعة الذى سيزول سريعاً.

فصمت الجميع وألقوا التحية عليه بكل احترام، عدا عماد الذى نظر إليه نظرة يملؤها الكره قائلاً:

"إزيك يا أشرف، يارب تكون بخير"، كانت لهجته وقحة وتحمل عكس ما يتمنى.

فابتسم أشرف ابتسامة باهتة قائلاً:

"أنا أحسن منك بكثير، المهم تكون أنت بخير".

فنظر إليه عماد وقد اقتضبت ملامحه، وامتألت عيناه بالغضب ثم قال كأنما غيظه بصعوبة:

"إم.. وماله يا سيدى".

فقال أشرف بسخرية وقد بدا أنه يحاول أن يكظم عصبيته وهو ينصرف مبتعداً:

"حبيت بس أقول لك إن روياتك الأخيرة ماعجبتيش بس للأسف عاجبه اللى بوظت عقولهم برواياتك".

ثم أدار ظهره موجهًا لعماد نظرة حادة بعد أن ابتعد خطوتين قائلاً بلهجة فوية:

"خليك متأكد يا عماد إن نهايتك قرّبت.. قرّبت أوى".

- إزاي تجرأ؟! - قالها عماد وهو ينهض من مجلسه غاضباً، بينما استمر أشرف فى طريقه غير عابث بغضب عماد الذى أمسك به الجميع محاولين تهدئته بقدر الإمكان، وقال يوسف أباطة:

"إهدى يا عماد.. إهدى شوية يا أوى.. ده يبحاول يغيتك، متحسوسش إنه قدر يستفرك".

بينما قال مجدى الزينى:

"ما انت استفزيت يا عماد من البداية.. ده غير انه بنى آدم بارد.. مش ريك بتعصب من أقل حاجة".

بدأ عماد فى استعادة هدوئه وما زالت عيناه متعلقتان بأشرف الذى غاب

وسط زحام المقهى، وقال وكأنه يحدث نفسه "يقصد إيه بنهايتي قرّبت؟  
الكلب ابن الكلب ده! بيهددني أنا سيده وتاج راسه" ١٩!

ثم ارتفع صوته قائلاً بحدّة وهو يقف مرة أخرى:  
"والله ما انا سايبك في حالك يا أشرف الكلب وهاتشوف هاعمل فيك  
إيه يا جيان.. يا وسخ"، كانت كلماته غاضبة تحمل الوجد والتهديد.

فأجلسه خالد مختار وهو يقول بعتاب واضح:

"كفاية بقى يا أخى واقعد، الموضوع مش مستاهل ده كله".

فحاول يوسف أباطة ترطيب الجو قائلاً:

"يا أخى.. الروائي الأولي في مصر.. وسينما.. والشهرة والأضواء، كل  
ده وكمان مش عايزه يفضفض عن نفسه، يا أخى دى ضربتين في الراس  
بتوجع".

فابتسم عماد ابتسامة باهتة قائلاً وهو يحاول لملمة نفسه:

"وهو مين أساسًا الحيوان ده علشان يتحداني" ١٩!

بعد أن عاد الهدوء اعتدل خالد مختار في جلسته، ونظر إلى مجدى الزينى  
قائلاً:

"مش هاتجوز بقى يا مجدى ١٩؟ انت دلوقتى ٣٨ سنة، يا أخى الليلى فى  
سكك عندهم عيال فى إعدادى".

فتملل مجدى فى مكانه وهو يلمس نظارته بأصبع السبابة الأيمن وكأنه  
يحاول التفكير فى الهروب من السؤال ثم قال:

"كل شىء نصيب يا خالد".

- أيوه، أيوه.. كل شىء نصيب، حتى العنوسة نصيب.

قالها يوسف فضحك الجميع، بينما ظل مجدى الزينى على هيئته متمعضاً،  
وابتسم ابتسامة باهتة وظهرت فى عينيه لمحة من الذكريات، وفى هذه اللحظة

مال يوسف أباطة على عماد الذى كان هائماً فى عالم آخر وكأنه لم يخرج بعد  
من المشادة التى دارت بينه وبين أشرف زيدان، وهمس له قائلاً:

"انت ماصالحتش هند لسه" ١٩!

- هند، هند مين يا عم ١٩؟ دى لسه عايشة فى دور الزعلانة والمجروحة  
والكلام اللي بالك منه ده.. دى حتى يا أخى ماحاولتش تظمن علياً  
من يوم ما راحت لأهلها من عشر أيام،

- كفاية عجرفة بقى يا أخى، مش انت اللي زعلتها.. يبقى انت اللي  
لازم تصالحها.

فضحك عماد ساخراً وهو يقول:

"وهو فى ستّ فى الدنيا دى كلها يا يوسف تستحق اننا نترجأها علشان  
نرضى علينا" ١٩!

فنكس يوسف رأسه ثم نظر إلى عماد نظرة عتاب على قوله هذا ثم قال  
وهو يرفع رأسه:

"بس هند طيبة يا عماد، واتعمّلت غباوتك وعجرفتك كثير أوى،  
وماتستحقّش منك كده".

- يا عم بطل كلام فى الفاضى بقى وانسى، إحنا هنا علشان ننسى  
هموماننا.. ننسى شوية أرف الشغل، مش هانقعد بقى نتكلم عن

الستات الخاينة - قالها بنوع من القرف والاشمئزاز.

فحدجه يوسف بنظرة ثابتة وغاضبة وهو يقول:

"هند أشرف منك يا عماد، عار عليك لما تقول عنها كده.. دى مراتك..  
حرام عليك".

فصمت عماد مبتسماً بلا مبالاة ثم قال بعد وهلة قصيرة:

"ماتعجب نفسك يا يوسف وانسى، الموضوع كله ولا على بالى".

كان صوت عماد عاليًا خلال المناقشة، وسمعه الجميع، فقال خالد:  
 "إزاي ولا على بالك يعني؟! انت عايز تدمر بيتك واستقرارك والسلام"!  
 - وهو من إمته الاستقرار مرتبط بالست يا خالد؟!، بالله عليك يا  
 أخى ركز في كلامك كده وشوف انت بتقول إيه.. وبعدين انت  
 عارف رأيي كويس أوى في الموضوع ده - قالها عماد بكلمات  
 مملوًا المرارة.

فقال مجدى الزينى وهو يشير بيده:

"يا جماعة سيبوه في حاله.. مش ده الوقت المناسب اللي تتكلم فيه  
 عن أمور زى دى، ومانتسوش انه لسه متضايق من اللي حصل مع أشرف  
 زيدان".

فنظر إليه عماد عز الدين نظرة غاضبة قائلاً بحدّة وتعال:

"مايقدرش ابن الكلب ده حتى يضايقنى، لا هو ولا غيره".

فانحنى يوسف أباطة عليه قائلاً بهدوء:

"إهدى كده يا أخى.. واسمعى بقى.. الأهم من ده كله.. مش هاتسمع  
 الكلام بقى وتهذى اللعب شوّية؟"

- لعب إيه؟

- مقالات اليومين دول وخصوصًا مقالك الأخير.. الناس دى مش

سهلة، وأديك شايف كمية التهديدات اللي جتلك فى الفترة الأخيرة.

- ماتقلش، وبعدين بقالمهم فترة محدش بيكلمنى.. أقصد محدش منهم

بقى بيهددنى - أنهى كلماته مبتسمًا بتعجب وتأمل.

- قصدك إيه؟!

- والله ما انا عارف.. خير ان شاء الله، ومانتقلش على اخوك.. أخوك

جامد.. بس يا إما بيدبروا حاجة جديدة يا إما زهقوا.

- والله أنا خايف عليك.. أهم حاجة خلّى بالك من نفسك وخفّ  
 اللعب شوية.

نظر إليه عماد عز الدين لوهلة سادها التأمل والتفكير، ثم قال وهو يهز  
 رأسه:

"خير ان شاء الله".

وبعد وهلة عاد الجميع إلى حيويتهم وبدؤوا فى مناقشة العديد من الأمور  
 بجدية لا تخلو من المرح والضحك، ثم انصرفوا جميعًا؛ عماد عز الدين فى  
 رفقة خالد مختار، ويوسف أباطة ومجدى الزينى كل إلى طريقه.

## حصريات صفحة

## روايات مصرية للجيب

## على الفيس بوك

by

Ramo



فى التوقيت الذى غادر فيه عماد عز الدين وخالد مختار المقهى كان محمد عطية البالغ من العمر ٢٨ عامًا يجلس على جانب أحد الشوارع فى إمبابية بصحبة عدد من الأصدقاء، كان طويل القامة، متوسط البنية، أسمر الوجه، له ملامح جذابة تتخللها علامات الشقاء والبؤس، وكان شابًا متعلمًا من أسرة فقيرة.

فى تلك اللحظة كان حزينًا ومسطولًا، يتشارك لفاقة "حشيش" مع أصدقائه محاولًا تناسي الظروف الصعبة التى تقتل حياته كل يوم؛ فلديه من الأخوات ٦ جميعهم يصغرونه وفى مراحل تعليمية مختلفة، ووالده متوفى، ووالدته مريضة، وكان ملزمًا بتوفير المال لمساعدتهم على قضاء حاجاتهم المختلفة من طعام وشراب وملبس ومصاريف للتعليم، نعم كان محمد عطية هو العائل الوحيد لأسرته.

وفى هذه اللحظة كان صامتًا للغاية ولم يحوِّله تأثير الحشيش كالعادة إلى مهرج يضحك بلا انقطاع، ويمثل بارع يستطيع تقليد كل الفنانين المعروفين، ولا حظ أحد أصدقائه ذلك فهم قائلًا بمرح:

"مالك يا فنان؟! باين الدماغ ما طلعش الماركة الريمو يا جدعان!"  
وضحك الجميع.

فنظر إليه دون أن يتكلم، فأردف صديقه قائلًا بجديّة:

"مالك يا محمد؟! خير.. فى حاجة ولّا إيه؟!"

لم ينظر إليه محمد، لكنه بعد برهة من الصمت قال:

"أمى تعبانة أوى ومحتاجة لعملية فى أسرع وقت، وانت عارف الحالة

مانسمشش".

فقال أحدهم:

"لا حول ولا قوة إلا بالله".

فردّ صديقه:

"ولا يهملك يا محمد. إن شاء الله خير".

فصاح محمد فجأة قائلًا:

"إزاي؟! .. إزاي بس؟!"

- رُوِّق يا أخى كده، وخليك مؤمن بالله، وخذلك نفس من السيارة بالراحة كده وانت تنسى كل حاجة.

فنكس رأسه حزينًا حيث علم أن أصدقائه فى حالة نصف يقظة، ولكن

سرعان ما قال أحدهم وقد بدا فى لهجته كأنه تذكر شيئًا:

"محمد!"

فالتفت إليه محمد قائلًا بلهفة:

"نعم".

- إنت عارف الكاتب المشهور اللى اسمه عماد ولّا إباد.. مش فاكرك..

الكاتب ده يا أخى اللى كلمتنا عنه قبل كده؟

- تقصد عماد عز الدين؟!

- مش عارف.. تقريبًا هو.. المهم يعنى انت حكيت لنا على ما افتكر

انه راجل طيب وابن ناس.. ده غير ان باين من كلامك إنه بيعزك..

ما تروحه.

فنكس محمد رأسه وهو يرمش بعينه سريعاً، وبدا نوع من المرارة على  
ملاحظه ولم يتكلم، بينما سمع صديقه يقول:

"يا أخى روحله وكلمه عن ظروفك.. مش هاتخسر حاجة يعنى، مش  
يمكن يساعذك؟ الراجل ده غنى زى ما قتلنا، وعملية أمك مش هاتكلفه  
كثير، وبعدين دى هاتزود من حسناته".

فقال محمد وكأنه يحدث نفسه:

"إنت مش فاهم حاجة".

- إيه؟

- مافيش حاجة.. مافيش حاجة.

- أمك بتموت وانت لسه بتفكر، أنا مش فاهمك!

فأخذ محمد نفساً عميقاً من السجارة، ثم رفع رأسه وهو ينفخ الدخان  
بهدهو، مفكراً بعمق، فسمع أحدهم يقول:

"أنا علشان امى ممكن أقتل.. هو فى بعد الأم يا جدعان!؟.. ها" ١٩

فالتفت نحوه محمد عطية فجأة وظل ينظر إليه طويلاً بنظرات متأمله  
ونافذة وقد بدأت الأفكار تتخبط فى رأسه، وشرع تأثير الحشيش يملك منه،  
وظهرت فى عينيه لمحة من الذكريات، ثم انطلق بمشى بعيداً عنهم فصاح  
أحدهم قائلًا:

"إنت رايح فين فى الساعة المتأخرة دى يا فناان؟!؟"

فقال بلهجة غامضة وحادة وهو يتعبد مسرعاً دون أن يلتفت إليهم:

"رايح الحق أمى وأخذ حتى.. ولو ماكنش بالذوق يبقى بالعافية".

وانطلق سريعاً حتى غاب عن أعينهم.

- ٣ -

كان المكان هادئاً فى العجوزة حين وصل عماد عز الدين إلى منزله، وكان  
لور خافت يغطى المنازل حيث كانت الأشجار تحيط بكل العمارات فى  
المنطقة، خرج من سيارته ودخل إلى العمارة التى يسكن فيها، ولاحظ عدم  
وجود البواب فقال لنفسه مستنكراً:

"راح فين الحيوان ابن الكلب ده؟! أكيد نائم ولا تلاقىه فى القهوة.. فلاح  
ومتخلف.. مش قالح غير انه يطلب منى فلوس عمال على بطال وبسبب  
ومن غير سبب.. البلد كلها بقت بتاخذ وماتشغلش.. حاجة تترف.."

دخل إلى منزله الخالى تماماً من أية روح بشرية فدار فيه بعينه بعد أن أناره  
كاملاً وكأنه يتفقد، ثم هز رأسه مستنكراً وحدهه ولكنه سرعان ما قال  
"أحسن" وكأنه يعزى حاله، ثم ذهب إلى غرفته وكان على وشك تبديل  
ملابسه لكنه سرعان ما عاد فى قراره قائلًا "مش دلوقتى.. بعدين"، ثم اتجه إلى  
غرفة مكتبه وجلس على كرسيه الوثير خلف المكتب وأشعل سيجاراً وشرع  
فى قراءة كتاب ملقى على مكتبه.

بعد ثلث ساعة تقريباً وصل محمد عطية إلى العمارة التى يسكن فيها عماد  
عز الدين، وما كان منه إلا أن دخل ولم يجد البواب أيضاً فاتجه مسرعاً إلى



المصعد ومنه إلى شقة عماد عز الدين، وظل يدق الجرس بلا مجيب، ف شعر بأنه لا يوجد أحد على الإطلاق، فقرر أن يعود من حيث أتى، لكنه سرعان ما تذكر باب المطبخ الذى يتركه الكاتب الشهير مفتوحاً فى أغلب الأوقات، ورغم استعباده لهذه الفكرة إلا أنه قرر أن يتقصى أمر الباب، وبالفعل ذهب إلى هناك فوجدته موارباً جذاً بحيث يبدو للمار وكأنه مغلق، ففتحه وانسل داخل المنزل ولكنه لم يغلقه خلفه، ولم يجد شيئاً غريباً فذهب مباشرة إلى غرفة النوم وفتحها بهدوء جذاً، وشعر بأن أنفاسه فى هذه اللحظات قد أوشكت على النهاية وأنه سيموت لا محالة من شدة الخوف لو مر فأر من جانبه؛ فلم يكن محمد تلك الشخصية التى يمكنها أن تقتل أو حتى ترتكب أى نوع من الجريمة؛ فهو مسالم بطبعه، ولكن للشيطان دائماً آراء أخرى؛ فهو يعلم فينا دائماً الجانب الذى لا نعلمه عن أنفسنا.. الجانب المظلم.

فى هذه اللحظات كان يلعن الحماس الذى ظهر فجأة عليه عندما سمع كلمات صديقه بأمر القتل لأجل الأم، فأحياناً يجرفنا الحماس إلى نهايتنا. وشرع ينظر يميناً ويساراً، والغريب أنه وجدها فى حالة فوضوية ولكنه لم يكثر كثيراً، انتظر للحظات وهو يحاول جمع رباطة جأشه، وبعد أن تأكد من عدم وجود أحد فى الشقة فتح الدولاب فوجد مبلغاً كبيراً من المال وصندوق مجوهرات، وبمجرد أن مده يده سمع صوت أحدهم يمشى فى الشقة فأصيب بالهلع، فأسرع بأخذ صندوق المجوهرات، ووقف خلف الباب يستمع بهدوء إلى الصوت الذى اختفى بعد دقيقة تقريباً، ف شعر بأن هذا الصوت لم يكن إلا من وحى خياله المصاب بالهلع هو الآخر، ولكنه وارب الباب بهدوء لكي يستطيع أن ينظر إلى الخارج، وبعد أن شعر بأن كل شىء هادئ خرج على أطراف أصابعه والخوف يتملك منه، وأخذ يتلفت يميناً ويساراً بسرعة والرعب يقفز من عينيه.

وفى طريقه إلى الهروب سمع صوت ارتطام شىء فى المطبخ فارتجف من شدة الخوف وانطلق مسرعاً نحو باب الشقة ودعا الله ألا يكون مغلقاً بمفتاح وهو يلهث وبالفعل وجده كما توقع، ففتحه بالقدر الذى استطاعه من الهدوء، وبعد أن خرج وأغلق الباب خلفه حاول أن يأخذ نفسه ولكن بلا جدوى؛ حيث شعر بأن الأرض عميد من تحته، فهبط السلم مسرعاً ودون أن يحدث عليه بقدر الإمكان، وأثناء خروجه من باب العمارة اصطدم بقوة بالباب، ولكن لم يكن حظه مشؤوماً بالكامل، ولم يقع منه صندوق المجوهرات الذى ألقاه تحت سترته، فنظر إليه البواب دون أن يتكلم وكأنه مصاب بالصدمة، ولكن محمداً حاول جمع شتات نفسه واتسم قائلاً له:  
"مساء الخير، مش تخلى بالك.. كنت هاتوقنى".

فقال البواب وهو يرفع يده عيبياً وما زالت علامات التعجب واضحة على وجهه والشroud فى لهجته:  
"أسف يا أستاذ.. ماقدش".

- حصل خير

وانطلق محمد فى طريقه وهو يلهث، ثم لمس الصندوق بيديه من فوق السترة وهو يقول "غبي.. متخلف، ده انا أفقر خلق الله، إزاي اعمل كده؟! إزاي أسيب الغلوس وآخذ صندوق مجوهرات مش عارف هيوادىنى على فين؟! يا ترى هاعرف أتصرف فى الذهب اللي فيه؟.. أكيد عماد عز الدين هايبلغ عن السرقة وهافرغوا البصمات..".  
ثم قال وكأنه يطمئن نفسه:

"عادى المهم امى.. أنا ممكن ابيع الذهب ده.. حتى لو هايبيعه بنص الثمن لأى تاجر من اللى شغالين فى الذهب المسروق.. ودول كثير.. وإن شاء الله الغلوس هاتكفى.. أهم حاجة انقذ امى..".

الإجابة.. ماتشغليش بالك وسيبيني فى حالى لو عايزانى اكمل معاكو اهناء..  
الله يخليكى".

فصمت أمها وهى تنظر إليها نظرة شفقة، وبعد وهلة قصيرة قالت أختها  
دهاء، وكانت تشبهها كثيرًا:

"لازم تحطّي نهاية للى انتى فيه ده، بطلى هبل بقى وبلاش السلبية اللى  
انتى فيها دى".

- أنا مش مجنونة ولا سلبية يا دعاء..

- لأ.. إنتى أكثر من كده يا هند، وبجد مش فاهمة ليه بتعملى فى  
نفسك كده، حرام عليكى، إنتى لسه صغيرة وحلوة وألف مين  
يتمناكى.. مش فاهمة بجد.. ليه مصرة تكملّى مع البنى آدم الغريب  
ده - قالتها باستنكار حاد.

- ماتنسيش انه لسه جوزى وإهانتة إهانة ليا.

- والنبي بلاش شوية الإخلاص والهبل بتوعك دول وفوقى.. ده مغرور  
ومتخلف.. أنا مش فاهمة بتحييه على إيه!

و لم تردّ هند على أختها بل ظلت تنظر إليها نظرة غريبة وغير مفهومة،  
وبعد لحظات أردفت أختها تقول:

"إنتى نسيتى عمل فيكى إيه من كام شهر؟ وكان مع مين؟ ده إيه الخسة  
والدناوة اللى هو فيها دى؟ وكمان لسه بتدافعى عنه.. السؤال اللى بجد  
مش لاقباله إجابة هو.. إنتى بتحييه بجد يا هند، ولأ إيه بالظبط اللى مخليكى  
تكملّى معاه؟.. أنا مش عارفة انتى خايفة من إيه ولأ باقية على إيه؟ ولأ  
تكونى خايفة على المظاهر الاجتماعية الكدابة اللى فى المجتمع الرخيص  
اللى احنا عايشين فيه؟.. المجتمع اللى بيبيح كل حاجة للرجالة والسنت نبقى  
ساقطة لو عملت أقل حاجة؟ أنا مش فاهمة بمتنم إيه ده اللى احنا عايشين

- ٤ -

قبل ذلك بنصف ساعة كانت هند الألفى زوجة عماد عز الدين تجلس أمام  
التلفاز تشاهد أحد الأفلام العربية الكلاسيكية فى صمت وقد وضح عليها  
الحزن والقلق معًا، كانت متوسطة القامة، نحيلة إلى حد ما، صاحبة وجه  
فاتن، وكانت يميزها عيناها العسلية الواسعتان الجميلتان اللتان تغطيها  
أهداب طويلة وريقة، وكان يجلس فى مواجهة والدتها وأختها، ولاحظت  
والدتها شرودها فقالت لها بنبرة حنونة:

"إنتى بخير يا هند؟"

و لم تسمعها هند حيث كانت شاردة، فرفعت والدتها من نبرتها أكثر لكى  
تنبهها مكررة السؤال مرة أخرى، فما من هند إلا التفتت بهدوء قائلة:

"فى حاجة يا ماما؟"

- بسألك.. إنتى بخير؟

- آه.. أنا بخير يا ماما.

- مش باين يعنى يا هند.

فتهدت هند بضيق قائلة:

"يا ماما أرجوكى، كام مرة سألتى السؤال ده وفى كل مرة بكرر نفس

فيه!.. بلا أرف.. ماتبصليش كدا.. مش عارفة بجد بتحببه ولأ في حاجة تانية أنا مش فاهماها!.. أصل ده بالنسبالي مش حب.. ده تخلف.. واتي عارفة كويس أوى اتى عندى حق في كل كلمة بقولها بس طبعًا مش عازرة تصدق زى كل ست غيبة".

- كفاية بقى يا دعاء أرجوكي، أعصابي ماتنحلمش ده كله.. وبعدين احنا مش ملايكه، إحنا كلنا بتغلط يا دعاء.. فاهمة.. كلنا بتغلط.

- فيه فرق بين الغلط والخطيئة.. الغلط تقدر نسامح عليه، أما الخطيئة بقى فاللي بيسامح عليها ربنا، واحنا مش ربنا يا هند.

فصاحت هند في أختها بحدة وغضب وهي تهتم من مجلسها:

"إنتي قليلة الأدب والذوق، وماتعلمتيش ازاي تتكلمي مع اللي أكبر منك حتى لو ماكنوش في مستوى تكبيرك اللي بيديكى الحق في إنك تجرحي مشاعرهم".

صاحت أمهما وهي توجه حديثها للدعاء:

"بس بقى يا دعاء واخرسى خالص.. سببي أختك في حالها"، ثم يهدوء قالت لهند:

"ماتزعليش من حد غيرى يا هند.. معلش بقى اتنى عارفة اختك وقلة ذوقها"، ونظرت لدعاء بحدة.

فأمسكت دعاء بالمجلة التي تقرأ فيها وهي تتمتم:

"عيلة غريبة ومتخلفة".

أغلقت هند باب غرفتها وجلست خلفه على الأرض، ثم أسندت صدرها إلى ركبتيها وأخذت تبكي بشدة وبصوت مكتوم وهي تقول لنفسها "حرام.. والله حرام".

## الفصل الثاني

حصريات صفحة  
روايات مصرية للجيب  
على الفيس بوك  
by  
Ramo

- 1 -

في صباح اليوم التالي القارس البرودة، وعندما كانت الساعة تدق التاسعة صباحًا، كان خالد مختار في هذه اللحظة يحكم إغلاق سيارته أمام منزل عماد عز الدين، وظل واقفًا للحظة ينظر إلى العمارة التي يسكن فيها الأخير، وبدأ عليه أنه يراجع ذكرياته ويرتبها بشكل يسمح له بتذكر شيء ما ربما نسيه أو خاف أن ينساه، هذا ما بدا عليه في هذه اللحظات، وبعد وهلة قصيرة هز رأسه من أعلى إلى أسفل وكأنه تأكد أن كل شيء على ما يرام ثم انطلق تجاه مدخل العمارة، ورأى البواب وهو يعتف أحد أولاده، فطلت عيناه متعلقتان بهذا المشهد حتى دخل المصعد ومنه إلى شقة عماد عز الدين.

كان المكان هادئًا للغاية، بل كان باردًا وجامدًا كالمت، فدق جرس الباب بهدوء ولكن أحدًا لم يجيب، فحاول مرة أخرى بلا يجيب، استرسلت أفكاره بسرعة وتهكم في نفسه على ذلك الموقف السخيف الذي يتعرض له في هذه اللحظات، وسرعان ما انتشل هاتفه من أحد جيوبه وشرع يثق على عماد وهو يتمتم "اصحى يا كسلان وانا مواعيد مهمة"، ولكن بلا رد، فوضع أذنه على الباب يسترق السمع محاولاً أن يتأكد من عدم وجوده، وبالفعل كان يسمع صوت الهاتف الذي يثق عاليًا وكأنه يثق في الخلاء، ولكن كان الجرس ينتهي بلا شيء.

سرت قشعريرة في جسده، ولكن هذا لم يمنع أفكاره من رسم خطة للدخول، فدخل من باب يؤدي إلى السلم ومنه إلى باب الخدمة حيث يمكنه أن يرى باب مطبخ شقة صديقه عماد، وبالفعل وجده مفتوحاً على مصراعيه، فتعجب لللحظات ثم دخل بهدوء إلى المنزل وهو ينادى بحلر "عماد"، ولأنه يعرف البيت جيداً اتجه أولاً نحو غرفة النوم التي وجدها في حالة فوضى عارمة؛ فأبواب الدولاب جميعها مفتوحة، والملابس ملقاة على الأرض بشكل فوضوي، والأدراج أيضاً جميعها مفتوحة، فانطلق مهرولاً والغزع والقلق يتملكان منه نحو غرفة مكتب عماد الواقعة في آخر الطرقة التي توجد بها غرفة النوم، وحينما دلف إلى الغرفة جمحظت عيناه واصفر وجهه فجأة، وذهبت كل صور الحياة من ملامحه، وظل جامداً في مكانه وهو ينظر إلى عماد عز الدين الذي كان في وضع مرعب للغاية؛ فقد كان جالساً على كرسي مكبته ورأسه إلى الخلف والدماء تغطيها، وقد بدا أن شيئاً قد اخترقها حيث توجد آثار دماء على الحائط الخلفي له، بينما كانت يده متدليتين على جانبيه، وفمه موارباً قليلاً.

تراجع خالد مختار خطوتين للوراء غير مصدق ما يرى، وحاول بكل الطرق أن يستفيق من الصدمة ولكن بلا جدوى، دارت بعقله العديد من الأفكار الغريبة والمتناقضة، وكلما حاول التقاط إحداها تبخرت وتركته وحيداً كالصنم، وبعد وهلة قصيرة نظر خالد حوله بلا هدف وكأنه يستنجد بأي شيء، ثم هرول فجأة نحو السلم ونزل بسرعة وكأنه نسي أمر المصعد ليستنجد بأي أحد، فرأى البواب ما زال منشغلاً بتوبيخ ولده فقال له وهو يحاول تجميع أنفاسه التي ذهبت من شدة الخوف والهلع:

"قد.. قتلت.. قت.."

فنظر له البواب متعجباً وقال بقلق:

"في حاجة يا أستاذ؟"

وفجأة قالها كاملة بصوت عال وكأنه يدفعها خارجاً:

"قتلوا.. قتلوا عماد عز الدين."

بعد ٢٠ دقيقة تقريباً طوّقت الشرطة العمارة بالعديد من أفراد الأمن، وكانت شقة عماد عز الدين تعج بالعديد من الأشخاص من رجال شرطة إلى فريق البحث الجنائي وفريق الطب الشرعي، وكذلك خالد مختار الذي كان هارداً ومذهولاً، والبواب الذي وقف في أحد الأركان يبكي ويوبخ نفسه قائلاً "أنا السبب.. أنا السبب".

كان فؤاد الأسيوطي رئيس المباحث في هذه اللحظات واقفاً يوجه رجال الأمن لما يجب أن يفعلوه، وفي هذه اللحظة نظر إلى خالد مختار نظرة ثاقبة، لم يكن فؤاد الأسيوطي كبيراً في السن بل كان أقرب ما يكون صغيراً بالمقارنة مع عمله؛ فقد كان حاد الذكاء مجتهداً مما جعله جديراً بهذا المنصب، ورغم كل ذلك فقد كان يعيش حياة شخصية أقرب ما تكون مؤسفة؛ فإن طلاقه من زوجته التي جمعتها بها قصة حب من تلك القصص التي يمكن وصفها بالقصص الخالدة جعلته مدمناً لعمله بلا طلب لشفاء، وربما كان ذلك سر نجاحه، أحياناً وراء كل رجل عظيم جرح أعظم، كان فؤاد الأسيوطي شخصية هزامة تتحلى بالقيم والمبادئ على عكس العديد من رجال الشرطة الآن، وكان وحيداً يقضي أوقاته بين شقته وعمله، نعم لم يكن هناك شيء آخر. وضع سيجارة في فمه دون أن يشعلها واتجه نحو خالد مختار قائلاً:

"معاك؟" وأشار بيده وكأنه يعني كبريتاً أو ولاعة.

فأوماً خالد مختار برأسه بالإيجاب ودسّ يده في أحد جيوبه وأخرج له ولاعة، فأخذها منه وأشعل السيجارة وهو ينظر إليه بتأمل وكأنه يفحصه ويدرسه، ثم أعطاهه اللاعة وهو ما زال ينظر إليه ثم قال:

"شكراً".



فاوما خالد مختار برأسه دون أن يتكلم حيث كان الذهول مازال مسيطراً عليه، وأدار فؤاد الأسيوطي ظهره وفجأة التفت مرة أخرى إلى خالد مختار قائلاً:

"خالد مختار المنتج السينمائي.. مش كده.. أنا عارفك.. أنا آسف على اللي حصل للكتاب عماد عز الدين.. كان صاحب قلم مميز وخاص الحقيقية، وخسارته خسارة لنا كلنا.."، ومد يده قائلاً:

"أنا فؤاد الأسيوطي رئيس المباحث."

فانتبه خالد وصافحه بهدوء وشروء قائلاً:

"أهلاً وسهلاً."

- أهلاً بيك بس قول لي انت هنا ليه من بدرى أوى كده؟! يعنى إيه اللي جابك بدرى للمجننى عليه؟!

- كان في ميعد بيني وبين عماد.. كان وانا كام مشوار.. شوية أمور كنا لازم نخلصها.

- إم، مفهوم.. مفهوم.

وصمت للحظات ثم قال وهو يتنقل في الشقة بعينيه:

"واضح انها جريمة قتل مع سبق الإصرار والترصد.. مش بعيد بيان بعد كده انه قتل بغرض السرقة.. ده الواضح من الغوضى اللي في الشقة.. مش عارف!.. بس أعتقد ان القاتل يعرفه كويس."

فنظر إليه خالد مختار بتعجب لهذا الاستنتاج، وقد وضع أن فؤاد الأسيوطي لم يكن مهتماً كثيراً بما يقول، حيث ما زال ينظر إلى الشقة ويتأملها، وفجأة سمع صوت خالد يقول بتردد:

"وليه.. وليه بتعتقد ان القاتل يعرفه كويس؟!"

ولم يلتفت إليه فؤاد الأسيوطي ولكنه قال بلا مبالاة:

"ها.. مش عارف.. ده مجرد تخمين مش أكثر.. مايفيش في الشقة أى اثر لاقتحام لحد دلوقتي، ولو افترضنا ان القاتل دخل من باب المطبخ اللي لغيناه مفتوح، فأكيد كان على علم من قبل كده انه مفتوح.. أو يمكن متساب له مفتوح.. إم ليه لا؟!.. قليلين أوى اللي بيسيوا باب المطبخ مفتوح.. أظن ان القاتل عارف المعلومة دى كويس.. أقصد موضوع باب المطبخ.. أظن انه عارف، ولو ماكانش.. ده يبقى قاتل عنده إصرار لتنفيذ مهمته، وعنده خطة

بديلة مسبقة ومدروسة كمان كويس.. باعتبرهم بؤساء.. بؤساء اللي قرروا ايهم ينهوا كل شىء رغم أنف الظروف.. بس غريبة!.. إنت متزعج ليه كده ان القاتل على معرفة بالمجننى عليه؟!"

والتفت إليه قائلاً فجأة:

"هو انت قتلته؟"

فجحظت عيني خالد من السؤال قائلاً:

"إنت بتقول إيه؟! - قالها بنفور وضيق.

- يبقى ماقتلتوش، ويبقى كده ممكن اكون غلطان في ظني - كان يقولها بغموض.

وبعد وهلة من الصمت اتجه فؤاد الأسيوطي إلى البواب، وأجرى معه مائدة قصيرة، وكان يوجه نظراته من وقت لآخر إلى خالد مختار الذي كان يتابع حديثه مع البواب بشغف، وما كان يشد انتباه خالد بتعجب عندما كان فؤاد الأسيوطي يشير إليه من لحظة لأخرى وهو يتحدث إلى البواب، وبعد دقائق اتجه فؤاد الأسيوطي مرة أخرى نحو خالد وهو يقول:

"تقدر تمشي دلوقتي يا أستاذ خالد، إنت محتاج للراحة بس على شرط.. إلك تجيبي النهاردة علشان آخذ أقوالك"، ودسّ يده في جيبيه وأعطاه كارناً

قائلاً:

"وده الكارت الخاص بيا، لو عايز تكلمني في التليفون في أى وقت..  
يمكن تفتكر حاجة ماتحملش التأخير.. إنت عارف اننا في عرض كل  
معلومة ممكن تفيدنا في قضيتنا"، ثم أشار له على رقم في الكارت قائلاً:  
"وده رقمي الخاص.. هستاك"، قال كلمته الأخيرة بغموض ولكن  
لهجته لم تخل من الود.

- ٢ -

كان محمد عطية يجلس في غرفته مذهولاً أمام الصندوق الذى سرقه، لم  
يكن يتصور للحظة واحدة أن ما جازف من أجله لم يكن أكثر من صندوق  
مهورات ثقيل لا يحوى سوى بضعة أوراق، دار بعقله الكثير من التساؤلات،  
لم يتسبم ساخراً من نفسه ومن حظله الأسود، واقتنع بأن القدر لا يخفى له سوى  
البرص والعذاب ولا مفر من مواجهة مصير أمه المزمع إن لم ينقذها قريباً.. قريباً  
جداً.

بعد فترة من الهدوء والخوف الذى تسلسل إليه أيضاً قرر أن يعود إلى شقة  
عماد عز الدين بأية طريقة ممكنة ليعيد الصندوق الفارغ من أية قيمة مادية  
إلى مكانه، ولكنه بعد وهلة قرر أن يُبقى على الصندوق خوفاً من أن يكون  
عماد عز الدين قد أبلغ عن سرقة، ولكنه قال لنفسه مهدتاً: "معقول يبلغ عن  
صندوق مالوش أى قيمة" ١٩

♦♦♦♦

ظلت هند تنظر إلى خالد مختار طويلاً وقد غابت عنها عن الوعى فلا  
لنكاد تراه أو ترى أى شيء آخر بمجرد أن سمعت خبر مقتل زوجها، وقد  
بدأ خالد حزناً للغاية وهو يحاول قدر الإمكان أن يمسك دموعه متردداً

حصريات صفحة

روايات مصرية للجيب

على الفيس بوك

by

Rama

يبحث عن الكلمات بصعوبة بالغة، فيأله من حظ سعي الذي أوقعه في هذا الموقف الصعب والذي لن ينساه طيلة حياته، وبعد برهة قصيرة سادها الصمت والأفكار المتناقضة والمختلطة والسريعة أيضاً وضعت هند يدها على صدرها وأطبقت بقبضتها بقوة على البلوزة التي ترتديها وظلت قابضة عليها، وانقبضت ملامحها وشرعت دموعها تنهمر وعيناها ترتجفان من هول المفاجأة؛ فلم تتصور للحظة واحدة أن يكون الخبر على هذه الشاكلة، نعم.. إنها الآن تقف وسط أشد كوايسها.

وفي المساء كان خالد مختار يتوسط مجدى الزينى ويوسف أباطة في مكتب الأخير وكان الصمت هو المسيطر الوحيد، ومازالت الصدمة تسيطر عليهم حيث قال يوسف أباطة الذى اصفر وجهه بعد لحظات طويلة من التفكير:

"أنا مش مصدق.. معقول عماد مات!.. فجأة كده!!"

فقال خالد مختار:

"قصدك قتلوه".

فقال مجدى الزينى:

"ومين دول اللي قتلوه؟! مين اللي ليه مصلحة فى قتله؟!"

فقال خالد مختار وهو يمسح بيده اليمنى على شعره وكأنه يستفيق:

"مش عارف، بس لحد دلوقتي مش مقتنع خالص انه اتقتل".

وعاد بذاكرته للحظة وهو يغمض عينيه وكأنه تذكر شيئاً مؤلماً ثم قال:

"أنا شفته وهو قاعد على مكتبه وشفت المكان اللي دخلت منه

الرصاصة.. منظر فظيع وبشع.. أنا ماكنتش متخيل ان المخ فيه كل كمية

الدم دى!.. معقول يكون اتحرق؟! ولو فعلاً اتحرق.. طب ليه؟!.. إيه السبب

اللى يخلي عماد يتحرق؟!"

- وإيه اللي خلاك تقول كده؟! مش انت قلت انهم لقيوا الشقة

متهدلة؟! - قالها مجدى الزينى.

فقال يوسف أباطة متهمكاً:

"عماد يتحرق؟!.. آخر واحد ممكن يتحرق فى الدنيا دى هو عماد عز الدين.. بس يا خالد وبطل هبل".

فنهز مجدى الزينى رأسه وهو يقول:

"بالظبط.. أنا موافقك يا يوسف.. عماد لا يمكن يتحرق.."

صمت خالد مختار للحظات وكأنه لم يسمعهم، ثم تنهد بعمق مرير وقال: "ده كان سعيد ومرح جداً فى آخر أيامه، وكان نشيط بشكل غريب ومقدم على العمل بشكل رهيب وفى نجاح مستمر، لا لا لا.. مستحيل يكون اتحرق" - أنهى كلماته وهو يشير بيديه معترضاً.

فقال مجدى الزينى بهدوء:

"مش عازيزين نسبق الأحداث.. المسألة كلها غامضة، ولازم نحط فى اعتبارنا ان عماد ماكنش من النوع اللي بيبين اللي جواه.. كان كتوم جداً - الله يرحمه - وخصوصاً فى مسائل شغله، وكان دائماً مايتكلمش غير عن الظاهر منها، وبعدين احنا كمان مش عارفين إيه ملايسات الموضوع بالظبط.. أنا شايف اننا نستنى شوية قبل ما نحكم على أى حاجة".

- الظابط ده كان غريب.. غريب أوى - قالها خالد مختار بهدوء وكأنه يتحدث نفسه.

- أى ظابط؟! - قال يوسف أباطة متعجباً.

- الظابط اللي بيققق فى القضية.. اسمه فؤاد الأسيوطى.

قال مجدى الزينى:

"هما حققوا معاك؟"

- مش بالظبط.

- غريب!

- وإيه الغريب فى كده!؟



- مش عارف، بس فى اهتمام سريع بالموضوع! - قالها مجدى الزينى متعجبًا.

- طبقًا دى جريمة قتل، وعماد شخصية عامة، وماتساش انى أول واحد شفته مقتول - أنهى كلماته بمرارة وأسى.

- إم، فهمت بس إيه الغريب فى الظابط يعنى؟! - قالها يوسف أباطة بلا مبالاة.

- مش عارف، بس تحسه شخصية كلها على بعضها كده تركيبة غريبة.. مش زى بقية الظباط الللى طالعين فيها ومتسلطين.. أنا كنت عنده فى مكتبه بعد العصر بعد ما عديت على هند، واتكلمنا كثير، والغريب بقى انه مافتحش تحقيق معايبا بشكل رسمى، ومعظم الللى اتكلمنا فيه حاجات بعيد عن القضية.. آه كنت هنسى.. أظن انه هيستدعينا كلنا للتحقيق بشكل رسمى.. مش بعيد تجيلنا الاستدعاءات بكرة.

قال يوسف أباطة:

"ده شىء طبيعى، هيسألنا طبقًا الأسئلة المعتادة عن حياته وشغله والكلام ده.. إنتوا عارفين ان المعلومات المهمة مش هيقدر ياخدها من حد تانى غيرنا.. ماتسوش اننا صحابه".

فقال مجدى الزينى:

"إحنا آخر حد شافه على ما أظن".

هز خالد مختار رأسه قائلًا:

"أظن كده".

بدا يوسف أباطة شارفًا فى معظم الأوقات، ولكنه قال فى هذه اللحظة:  
"أظن اننا نعرف القاتل.. ده مش بس نعرفه.. ده احنا نعرفه كويس أوى كمان".

فنظر له الاثنان نظرة دهشة، ثم قال خالد مختار متلهفًا:

"ومين هو يا ترى"؟!

"باشك فى شخص معين، لما اتأكد هقول لكم".

فقال مجدى الزينى:

"تقصد أشرف زيدان والخناقة الللى حصلت امبارح؟ معقول كان بيهدده بالقتل؟.. ماخطرش على بالى حاجة زى كده!.. مش عارف بصراحة"!

فقال خالد مختار:

"وليه لآ؟!.. كل شىء وارد فى الدنيا دى"!

و لم يعلق يوسف أباطة بكلمة على حديثهما، ولكنه قال وهو ينقل بصره

إيهما بنظرة ذات مغزى:

"لما اتأكد هقول لكم".

## حصريات صفحة

## روايات مصرية للجيب

## على الفيس بوك

by

Ramo

فقطعه فؤاد الأسيوطي قائلاً بلهجة حادة بعض الشيء:  
 "عارف.. عارف ده كويس.. بس بما إنك هنا، خيلنا مانضيّش وقت،  
 وانا مش هاخذ من وقتك كثير، ودردشتنا هتكون في صلب القضية.. إنت  
 من إمتي تعرف عماد عز الدين؟"  
 فكر خالد مختار قليلاً ثم ردّ:

"من سنين طويلة، من أيام ثانوى تقريباً".  
 - جميل جميل، إيه رايبك لو قلت لك ان عماد عز الدين مات مقتول  
 فعلاً، والواضح لي ان حد دلوقتي إن القاتل استخدم باب المطبخ..  
 واضح ان المجنى عليه كان سايب الباب.. تقريباً نسي يقفله..  
 إنت عارف ان الهفوات دى.. ساعات بتسبب كوارث زى ما انت  
 شايف..

- بخصوص باب المطبخ هو دائماً كان يسييه موارب.. أنا عن نفسي  
 دخلت من باب المطبخ لما لقيته مش بيردّ علينا، ولما دخلت لقيته..  
 لقيته مقتول.. دى عادة عماد.. مايقصدهاش طبعاً، بس في الآخر  
 هي عادة وحشة جداً.  
 - هو عماد من النوع اللي ممكن يتنحر؟

- لأ طبعاً.  
 - ولية لأ طبعاً؟  
 - مش عارف.. بس عماد مش الشخصية اللي ممكن تعمل حاجة زى  
 كده، وكمان عماد إنسان ناجح في كل حاجة، فإيه مرور الانتحار؟!  
 - إم، مفهوم، بس ممكن يكون في حاجة انت ماتعرفهاش؟  
 - لا ما اظنش.. بالرغم من إن عماد عنده أسرار كثير بس أيّا كانت  
 الأسرار دى مش ممكن تدفعه للانتحار.. بس انت مش بتقول انه  
 انتقل؟!

- ٣ -

### قبل المشهد الثاني بساعات

جلس خالد مختار على كرسي في مكتب فؤاد الأسيوطي الذي وصل للتو  
 قائلاً بابتسامة:

"أهلاً يا أستاذ خالد، آسف اني اتأخرت عليك، إنت عارف طبعاً طبيعة  
 شغلنا".

- ولا يهمك، وشكراً على كل حال.

- تشرب إيه؟

- ولا حاجة شكراً.

- أدينا مستنيين تقرير الطب الشرعي لما تشوف الدنيا هتودّينا على فين.  
 هز خالد مختار رأسه دون أن يتكلم، بينما قال فؤاد الأسيوطي مسترسلاً  
 في حديثه:

"قلت لك النهارده الصبح اني عايزك، والحقيقة اني عايز ادردش معاك  
 شوية قبل ما افتح أى تحقيق رسمي" - قالها كمن يأمر ولا يطلب.

اندهش خالد مختار للحظة ثم قال:

"طيب ماكنش ممكن تأجلها شوية.. بصراحة حالتني النفسية ماتسمحش  
 بأى دردشة، وانت فاهم..".

- قصدك ليه حظيت احتمال الانتحار؟

- أوه.

- يعنى تقدر تقول.. باتأكد منك - كانت نيرته تحمل المكر، ثم أردف بعد هدوء:

"قول لى بقى.. انت بتقضى وقت فراغك فين يا أستاذ خالد؟"

- مع صحابى.

- بسألك فين؟ مش مع مين!

- فى الغالب فى وسط البلد، بس ساعات بنروح مدينة نصر، هناك كذا مكان بتتردد عليه.. إحنا عمومًا دلًا سوا.

- تقصد مين بإحنا؟

- عماد الله يرحمه، والأستاذ مجدى الزينى، والأستاذ يوسف أباطة، وأنا.

- إم، مجدى الزينى الكاتب والنصحى، ويوسف أباطة الناشر.. مش كده؟

- أوه.. هو كده بالضبط.

- إم، ونعم الصحبة.. مش هسألك بنشك فى مين او مين ممكن يكون له يد فى قتل عماد؟ ده سؤال سابق لأوانه، بس انت شايف ان طريقة عماد فى شغله وحياته ممكن تخلى حد يحاول يقتله؟.. الدافع هو مفتاح كل شيء، زى ما انت عارف.

ظل خالد صامتًا يفكر فى هذا السؤال الذى رآه غريبًا، بينما قطع صمته

صوت فؤاد الأسيوطى وهو يقول:

"هما كثير أوى للدرجة دى؟"

فنظر إليه خالد متعجبًا ثم قال:

"أيا كانت الخلافات فى أي بيئة عمل، ما اظنش انها هتأدى للقتل"

- إنت غلطان.. طبيعة العمل الصحفية - وخصوصًا الجريئة - ممكن تهلك صاحبها فى لمح البصر، وانت عارف ده كويس، مش دول الجنود اللى يتحارب الفساد بأفلامهم ومواقفهم اللى بتشيل الغشاوة من على عيني ناس كثير.. ده شغل الصحافة والأدب.. وبالتالي همّا معرضين دائمًا لردود قوية وعنيفة من الجانب الفاسد؛ لأن الفساد فى بلدنا معروف، وليه أنياب ممكن تنهش أى حد يحاول يفضحه.

- مش عارف بس معقول تكون الحكاية كده؟

- إنت شايف إيه؟

صمت خالد للحظة وقد بدت فى عينيه الحيرة، ثم قال:

"مش عارف بجدا عماد كانت بتجيله مكالمات كثير أوى كلها تهديد وعلشان يوقف حملاته الصحفية ضد بعض الناس الفاسدة طبعًا.. بس ماكانتش حاجة بتحصل.. يعنى فى الآخر كانت كلها مجرد تهديدات مالهاش أى هدف أكثر من إنهم يخونوه.. بس صدقنى الموضوع كله بالنسبة لى غامض ومش قادر استوعبه".

- يا ترى تعرف حد من اللى كانوا بيهدوه؟

- للأسف ماعرفش؛ لأن عماد ماكنش يقول أى حاجة أكثر من إن جاله مكالمات تهديد.. عماد - الله يرحمه - ماكنش بيتكلم عن شغله كثير.. والمشكلة كمان ان عماد ماكنش بيخاف من حد ولا بيعمل حساب لحد..

- بس أكيد كنتوا - على الأقل كأصحاب - قريين ليه، بتخمنوا مين أصحاب الاتصالات دى؟

- أكيد طبعًا.. غالبًا بيكون رجال الأعمال اللى بيكتب عنهم فى تحقيقاته ومقالاته، وخصوصًا رجال الأعمال اللى ليهم علاقات واسعة مع.. مع..

الشكوك حواليه رغم انه ممكن بيان عادى لأى ظابط تانى، بس اللي مش عادى انه آخر واحد شاف عماد حى وأول واحد شافه مقتول.. وكمان أنا لسه ماخدتش منه اللي انا عايزه.. واضح انه لسه تحت تأثير الصدمة.. بس رغم كده أقدر أقول انه شخصية متماسكة وقوية، ويمكن ده اللي مدعم شكوكى فيه".

## حصريات صفحة روايات مصرية للجيب على الفيس بوك by Ramo

- رجالة الحكومة الفاسدة.

- بالظبط.

- عادى.. إيمم.. طيب تعرف حد منهم؟

- رجالة الحكومة الفاسدة؟!

فايتسم فؤاد الأسيوطى قائلاً:

"لأ.. اللي كانوا يبهددوا عماد".

ابتسم خالد مختار ابتسامة باهتة ثم قال:

"هو فى كام رجل أعمال شريف فى مصر؟! "

أوما فؤاد الأسيوطى برأسه متفهماً ثم قال:

"تمام.. أنا مش عايز أكثر من كده دلوقتى.. هشوفك تانى إن شاء الله قريب.. هيجيلك الاستدعا على البيت.. بكره بالكثير".

نظر إليه خالد مختار للحظة ثم أوما برأسه قائلاً:

"وليكن، شكراً، مع السلامة".

- مع السلامة.

تأمله فؤاد الأسيوطى وهو يغادر المكتب، وابتسم ابتسامة ذات مغزى، وبعد أن خرج دُون شيئاً على ورقة أمامه، ثم اعتدل فى جلسته وشبك أصابع يديه الاثنتين ملقياً بظهوره للوراء على كرسيه، ومغمضاً عينيه، وأخذ يفكر بعمق..

"خالد مختار صاحب ملامح بريئة.. مش ماشية خالص مع جسمه الضخم.. شخصية مشهورة وغنية وذكية جداً علشان يوصل للى وصل ليه فى سنين قصيرة.. ممكن يكون هو؟!.. ليه لأ؟!.. مش عايز احكم بسرعة.. أنا لسه ماكوتنش انطباعى عنه.. عموماً أنا مش هستنيه واخرجه من دائرة الشك.. وبعدين لسه بدرى على ما اقدر أحدد خيوط الحكاية كلها.. شكلها حكاية طويلة يا فؤاد.. بس وجوده فى مسرح الجريمة كشاهد عيان أول بيشر

كان كل شيء ضيق في حياته، الرزق والحياة والأمل، هكذا كان يرى محمد الأمر في وسط سنة من الأخوة وأم مريضة.

جلس يستكر ما فعله؛ ليس لكونه اقتحم شقة عماد عز الدين، ولكن استكر الفعل نفسه أياً كان المجنى عليه، فتيًا للمخدرات التي تبرز شيطان أنفسنا، وبعد لحظات من التفكير وقف أمام الصندوق ينظر إليه وكأنه يفكر في حل يخلصه من آلام ضميره قائلاً لنفسه "أزاي بتمنى شفا أمي وأنا حرامي؟! أزاي أواجه ربنا واطلب منه ببجاجة بعد اللي عملته؟! وبأى وش ممكن أقابله؟"، وشرع يبكي بقوة واضعاً وجهه بين كفيه وقد انحنى في جلسته.

كان محمد شخصية طيبة تتمتع بجانب كبير من الفضيلة رغم أنف الظروف، والشيء الوحيد الخطأ الذي كان يفعله على سبيل التنفيس والهروب من بؤسه هو لفافة الحشيش التي يتشاركها مع بعض أصدقائه، وحاله حال العديد من الشباب الآن.. لم يكن مواظباً على الصلاة كمعظم المسلمين، ولكن كان تمسكه بالله غريباً إلى أبعد الحدود، فأحياناً يكون الفقر أكبر نعمة حيث يستمر التمسك بالله هو الملاذ الوحيد لمثل هؤلاء، بعكس الطبقات الأخرى التي ربما لا تجد بينها ذكر الله إلا في حالات استثنائية للغاية، وهكذا هي تلك الطبقة المصرية، قد تراهم بلا شيء، ولكنك حتماً ستجد الإيمان، وربما تشعر أن الأمر قد يسير على هذا المنوال، ولكن هناك فلسفة أخرى قوية تدعم هذه الحالة الغريبة من التناقض لدى البعض.. حيث يتقسم الإنسان إلى جزأين: جزء يحب الله ويحاول إرضاءه، والجزء الآخر المتمثل في الهروب والبأس من رحمة الله. فكيف تجتمع هذه الحالة الازدواجية في شخص واحد؟! في الظاهر قد يبدو الأمر عادياً، ولكن في عمقه.. يحتاج الأمر إلى تفكير عميق ودقيق، فكيف نعبده صباحاً ونتحول إلى العكس ليلاً

- ٤ -

في المساء كان محمد عطية يقاوم ضميره الذي غاب بالأمس عندما اقتحم شقة عماد عز الدين محاولاً أن يقتنع نفسه بأن ما أقدم عليه لم يكن أكثر من محاولة شيطانية يائسة لإنقاذ أمه، ولكن هل تكمن كل الحقيقة في هذه النقطة، وهل يعمل الشيطان في الطريق الإيجابي؟!.. إنه - في قرارة نفسه كان يسير - متجهًا لقتل عماد عز الدين وسرقته.. القتل والسرقه.. لا يبدو للمتأمل - منهما فعلاً يعكسان البطولة أو النية السليمة بأي شكل من الأشكال؛ فالقتل لأجل الأم ربما يعتبره البعض نوعاً من البطولة، ولكن تظل الحقيقة ثابتة بأن كل الأفعال الشيطانية تظل شيطانية حتى وإن كانت تحمل في ظاهرها أهدافاً سامية.. شعر محمد عطية في هذه اللحظات بأن الأمر لم يكن فقط متعلقاً بأمه، ولكن كان هناك دافع آخر ليفعل ما فعل.. هل كرهه لعماد عز الدين هو الدافع الحقيقي؟! هل يكره عماد عز الدين إلى هذا الحد؟! ولكن امتلاك الدافع ليس كل شيء.. فقد يملك البعض الذكاء الإجرامي ولكنه لا يملك الشجاعة لتنفيذ ما وصل إليه ذكاؤه.. الأمر معادلة صعبة..

ظل يروح ويجيء في غرفته، حيث تتكون الشقة القديمة الطراز من أربعة غرف، وتعد تلك الشقة هي الشيء الواسع الوحيد الذي يملكه في حياته، فقد



بحجة الهروب أو التنفيس؟! .. انا لا أرى أن هؤلاء من يدعون حب الله ويرتكبون الاخطاء ليلاً يحبون الله بالفعل، لكنهم يعلقون كل أخطائهم على شماعة الفقر والبطالة وغيرها من المشكلات الاجتماعية الأخرى التي تخلق المجرمين على اختلاف أنواعهم، حيث يعودون إلى الله بأقنعة وقلوب زائفة.. فهم مع الله بقلوبهم ومع الشيطان بأفعالهم، فكيف يعقل هذا الأمر؟! إن الأمر كله يمكن تلخيصه في الازدواجية الإجرامية، ولا يمكن استثناء محمد في هذه الحالة من قائمة المجرمين.

بعد دقائق من البكاء الشديد على حاله وحال أمه قال وهو ينظر إلى السقف وكأنه يناجي الله "يارب إنت اللي عارف أد إيه أنا ضعيف.. والله أنا ما سرقت علشان السرقة والسلام.. أنا محتاج.. وأمي تموت وعاجز عن مساعدتها ومش عارف اعمل إيه"!

بعد دقائق استعاد محمد هدوءه بصعوبة، وظل يمسح دموعه بكفيه، وأخذ نفساً عميقاً وظل يتطلع إلى الصندوق بهدوء، وبعد لحظات فتح الصندوق ونظر إلى الأوراق التي بداخله وهو لا يعلم ما الدافع الذي دفعه ليفعل ذلك؛ فإنها أخيراً مجرد أوراق، ولكن الأكيد انه كان مشتتاً لا يعي بالضبط تصرفاته من فرط حزنه وضيقة، وانتشل ورقة من الصندوق وفتحها وشرع في القراءة بدون اهتمام كبير وكأنه يفعل ذلك بدون وعي، وفجأة اتسعت عيناه من مفاجأة قراها، فظل يقرأ بنهم شديد حتى أنهاها كاملة، وشرد للحظة، ثم بلع ريقه وظلت عيناه تتحركان بشكل غير مستقر يميناً ويساراً، ثم بدأ بسرعة مجنونة ينتشل الأوراق واحدة تلو الأخرى من الصندوق ويقرأ ما فيها، وكلما شدت انتباهه ورقة التقطها ووضعها بجانبه، ويطوي أى ورقة أخرى تبدو بلا أهمية له ويرميها في الصندوق، وظل هكذا لساعة تقريباً وهو مندهش تماماً مما يقرأ، فظهر عليه علامات الفرحة تارة، وتارة أخرى تظهر عليه علامات

الغيرة والقلق، ولكنه كان دائماً يفكر.

أشعل سيجارة بعد أن انتهى تماماً وجمع الأوراق المهمة، ثم أفرغ الصندوق من الأوراق الأخرى ووضع ما هو هام بدلاً منها، وظل يفكر في الأمر، وينفخ الدخان بهدوء ويهز رأسه برضى من وقت لآخر وكأنه قرر شيئاً، ثم سرعان ما يعود ويهز رأسه بالتفنى وكأنه غير راض عن قراره، وحينما شعر باستحالة التفكير في الأمر في هذا التوقيت، وضع الصندوق في درج خاص له في الغرفة ثم انطلق إلى غرفة والدته ودخل عليها قائلاً بوجه يحاول أن يتسم:

"عاملة إيه النهاردة يا ماما؟"

فردت بهدوء المريضة حيث كانت تلازم الفراش:

"الحمد لله يا حبيبي على كل حال، إنت اللي عامل إيه؟ طمّنى عليك".

- أنا بخير طول ما انتي بخير يا ست الكل.

- لا، لا يا محمد، أنا عايزك أقوى من كده، ده حملك هيتقل قريب يا ابني.

فارتعشت عينا محمد ومرمش كثيراً وهو يقول:

"تقصدى إيه يا ماما؟"

- يا حبيبي خلاص النهاية قريت.. وانا عايزة أطمئن عليك وعلى

اخواتك قبل ما امشي.

- ماتكلميش كده الله يخليكى، إنتي هتعملى العملية وهتقومي

بالسلامة إن شاء الله.

- يا محمد ماتعيش نفسك وتحمل نفسك زيادة عن طاقتك، في النهاية

كلنا هنموت وكل واحد بياخد نصيبه، أنا عايزة بس اكون مطمئة

عليك وعلى اخواتك.. وسامحني يا ابني ماكتنش الثمنى تكون دى

حالتنا بس هقول إيه يا محمد.. أدى الله وادى حكمته.. ما باليد حيلة

يا ابني.

حاول محمد أن يمسك دموعه بلا فائدة، ثم أجابها والدموع تجري في صمت على خديه:

"ماتضعفش أرجوكي، واعدك اني هدبر فلوس العملية قريب أوى ان شاء الله، وهتخفي وتبقي زي الفل.. أنا بجد ماقدرش اعيش من غيرك".

مسحت والدته على رأسه وهي تقول:

"ربنا يكون في عونك يا ابني ويعينك على حملك، وخليك متأكد يا حبيبي ان اللي مكتوب لازم نشوفه.. المكتوب مايفش منه هروب يا محمد.. ربنا معاك يا حبيبي.. ربنا معاك".

ظل محمد يقبّل يديها ووجهها بمشاعر جياشة وهو يبكي قائلاً:

"بحبك يا ست الكل، بحبك يا أمي.. ده انا افديكي بروحي".

خرج من غرفتها محاولاً التماسك، وبعد لحظات من التفكير ظهرت في عينيه نظرات شيطانية، وفي عقله أفكار سوداء، فهل دخل محمد على امه ليلوذ بقلبا الذي يتوهج بحب الله وينسى همومه في النظر إلى وجهها، أم دخل عليها في هذه اللحظات بالذات ليشعل دافعاً جديداً يحثه على عمل إجرامي آخر؟!

- ٥ -

في اليوم التالي، وفي تمام الساعة الحادية عشرة صباحاً، ذهبت هند بأرجل مثقلة إلى شقتها بناء على طلب فؤاد الأسويطي رئيس الباحث؛ لكي تتحرى عن ممتلكات الشقة، ورافقتها أختها دعاء، كانت هند ترتدى الأسود والحزن ينصر وجهها، وكانت عينها محمرتين من شدة البكاء، وكان وجهها ذابلاً كزهرة تقاوم الخريف، وحينما دخلت استقبلها فؤاد الأسويطي بنفسه بشكل ودود ويعين دارسة متشككة أيضاً، وبعد الكلمات الاعتيادية قال لها:

"أهلاً يا مدام هند.. معلىش بقى اني طلبتك في الظروف دى، بس انتي أكيد مقدره ظروفنا، وأدنا بنشتغل بإدنا وسنانا علشان نقبض على القاتل في أسرع وقت، ومش هافتح أى تحقيق معاكى دلوقتى إلا لما نحسّى بتحسّن إن شاء الله".

نظرت إليه هند نظرة حزينة وأومات برأسها دون أن تنطق، فاسترسل في كلماته قائلاً:

"عايزك بس تبصى في الشقة، ممكن تكون حاجة ضاعت.. حاجة بالهصة، واحنا عموماً قمتا برفع البصمات، وإن شاء الله يوصلنا الموضوع ده لطرف الخيط".

بدأت هند تتجول في الشقة بمساعدة أختها، تنظر هنا وهناك دون أن

- آه.. حاجة أخيرة.. إحنا ماحر كناش الفلوس اللي كانت فى الدولار من مكانها.. هى كانت كده؟  
صممت للحظة وكأنها تذكر ثم قالت:  
"آه، ودى كمان حاجة غريبة بصراحة؛ لأن الصندوق كان جنب الفلوس، وواضح ان عماد ماحاولش يشيلهم من مكانهم؛ لأن انا اللي معاهم بنفسى فى الدولار بالشكل ده".  
صممت للحظة ثم قالت وقد فاض بها الكيل:

"حاجة تانية حضرتك؟"

أوما برأسه ثم تنهد قائلاً:

"لا.. وعموماً ده الكارت الخاص بيا، لو افتكرتى أى حاجة تقدرى لكلمينى فى أى وقت، وان شاء الله هكون فى انتظارك علشان نفتح التحقيق بشكل رسمى".  
- أكيد، شكرًا.

ظل يتابعها بعينه مستغرقاً فى التفكير، وبدا وكأنه يكون فكرة أولى عنها، حيث بدت له رقيقة، ولكن عينيها تحمل هالة غريبة من الحزن، ليس حزنًا من ذلك النوع الذى تراه عند فقدان أحدهم، ولكنه حزن صاحبها عمراً طويلاً لئلا يقل عن عمرها كثيراً، ولكنه ابتسم أخيراً بريية قائلاً فى نفسه "أحياناً المجرمين يتبقى عندهم ملامح الملايكة".

كان من الصعب جداً أن يخرج أحد من دائرة شك فؤاد الأسيوطى، فهو شخصية متشككة للغاية، ولا تعمل قاعدة الاستثناء لديه إلا فى ظل ظروف خاصة وخاصة جداً، ومن المستحيل أن يستثنى هند الألفى زوجة القاتل من دائرة الشك رغم ما تحمله من ملامح ملائكية؛ فأدواته فى فهم لغز الجريمة كانت قوية وكبيرة.

تتكلم، ثم وصلت إلى غرفة النوم وفتحت الدولار، فوجدت مبلغ العشرين ألف جنيه كما هو، وتذكرت حينما أعطاهها عماد ذلك المبلغ وأخبرها بأن تتركه بالمنزل ولا تودعه البنك، ولكنها فوجئت باختفاء صندوق المجوهرات، فظلت تبحث عنه، وذهبت إلى غرفة المكتب ولكنها لم تجده أيضاً، وبعد أن تأكدت من اختفائه اتجهت إلى فؤاد الأسيوطى قائلة:  
"كل حاجة فى مكانها تقريباً، وما فى أى شىء ناقص غير حاجة واحدة".

- إيه هى؟

- صندوق مجوهرات.

- إيه مواصفات المجوهرات التى كانت فيه؟

- ماكانش فيه أى مجوهرات؟

- ماكانش فيه أى مجوهرات!.. مش فاهم!

- عماد كان يبخط فيه أوراق مهمة.. كان شايف انه مكان أمين.. دى عادة عند عماد.

- غريبة جداً!.. لما الأوراق مهمة أوى كده.. ماحطهاش ليه فى أى بنك؟

- مش عارفة.. هو ماكانش بيايمن أى حد عمومًا، وشايف ان وجود الأوراق فى البيت أحسن من أى مكان تانى.

- إيه نوعية الأوراق دى؟ وتخص إيه؟

- مش عارفة.. عماد ماكنش بيتكلم أبداً عن شغله ولا عن أى أمور تخص مصالحه الشخصية.

- إم.. مفهوم، ممكن تدبني مواصفات الصندوق؟

- صندوق مجوهرات زى أى صندوق مجوهرات، ودلوقتى لو سمحت

ممكن تعذرني.. أنا مجهدة جداً.. فيه أى حاجة تانية دلوقتى؟!



انجحت هند نحو الباب ومنه إلى السيارة الخاصة بأختها دعاء، ولكن دعاء قالت لها:

"أو بس.. نسيت تليفوني في الشقة، هروح أجيبه".

- روحى وهاتيه بسرعة.. ماتتأخريش يا دعاء.

- فى السريع.. ماتتقلقيش مش هتاخر.

دخلت دعاء الشقة مرة أخرى وبدأت تبحث عن فؤاد الأسبوطى الذى كان جالسًا فى غرفة مكتب عماد عز الدين، وحينما رآها قال بدهشة لا تخلو من الريبة:

"فى حاجة؟!"

- حبيت بس أقول لحضرتك حاجة.

- إتفضلى.

- عايزة أقول لك إن فى ناس كثير أوى نفسها تقتل عماد.

فقال فؤاد الأسبوطى باهتمام وتشكك:

"ناس مين؟! وليه بتقولى كده؟!"

- عماد ماكنش زى ما هو ظاهر أدام الناس شخصية لطيفة.. عماد كان شخصية حقيرة.. ومعاملته لأختي كانت وحشة أوى.. حبيت بس أقول لك بمكن الموضوع ده يساعدك؛ لأن أكيد كل صحابه هيفهموك انه كان ملاك، وأكيد القضية متعبه زى ما كان هو كمان إنسان متعب لكل اللي حو اليه.. أستاذك لأن أختي بتستنانى.

أوما فؤاد الأسبوطى برأسه بهدوء وريبة وقد شرد قليلاً ثم قال:

"إتفضلى".

ظل فؤاد الأسبوطى يفكر كثيرًا فى أمور متعددة بعد مغادرة دعاء التى

لسبه أختها كثيرًا، ولكن يقفز الذكاء من عينها بشكل لافت، وهذا ما أثار ريبته؛ لأن الأذكاء لا يصدر منهم ذلك التصرف الأحمق فى مثل هذه الظروف وأمام الشخص الخطأ، فكيف يتجاسر أحدهم على التهليل وإظهار المرح بمقتل أحد أمام رجال الشرطة؟! وسكن للحظات ثم حدث نفسه "جايز تكون الحكاية غريبة شوية، بس محطتها فى اعتبارى.. الذكاء اللي بيهدئ من عينها هيخلينى اتانى فى الحكم عليها.. بس السؤال الحقيقى بقى: ليه كل الحماس اللي هى فيه ده؟! فى الآخر هو جوز أختها.. عمومًا الوقت هيبين كل شىء"، وحاول جاهدًا جمع الخيوط التى يستحيل تجميعها فى هذه اللحظات، ولكنه كان فطنًا ويعلم جيدًا أن هناك أمور لم تنكشف، وغرف «معلقة من الأسرار لم تفتح أبوابها بعد، وأن هناك الكثير من الحقائق التى لا بد لها أن تنفجر قريبًا، وخلال تفكيره دخل عليه أحد الضباط قائلاً:

"فؤاد بيه، تقرير الباحث الجنائية".

نظر بيهدهوء وظل يتابعه ثم قال:

"ده اللي توقعته بالظبط، تلت أنواع من البصمات، واحدة للمجنى عليه وواحدة لخالد مختار والثالثة بمجولة".

ثم نظر إلى الضابط قائلاً:

"عايزك تقارن البصمات دى بكل المسجلين خطر فى الجرائم اللي شبه دى".

- حاضر يا فندم.

ظلت عينا فؤاد الأسبوطى زائغتين، ثم قال وكأنه يحدث نفسه:

"يا ترى بصمات مين دى؟!"

الفصل الثالث

حصريات صفحة  
روايات مصرية للجيب  
على الفيس بوك  
by  
Ramo

فى صباح اليوم التالى وبعد ليلة طويلة هجر فيها النوم محمد عطية حيث استولى عليه القلق والتفكير والتوجس.. كان جالساً على أحد مقاهى النت (سبير) يتطلع فى صفحته الخاصة على الفيس بوك، وبينما يقرب الصفحات الإلكترونية فى شرود وتفكير عميق فى الأوراق التى وجدها فى صندوق المجوهرات، إذا به يجد أمامه خيراً اقتلعه من مكانه وأصابه بالصدمة الشديدة؛ كان خير مقتل عماد عز الدين بملاً صفحات الفيس بوك، وبعد لمظات من الشرود والذهول فتح محمد عطية الخير وشرع فى قراءته حيث كان مكتوباً "العثور صباح أمس على الكاتب والصحفى الكبير عماد عز الدين مقتولاً فى شقته بالعجوزة، ولم يتم القبض على القاتل حتى هذه اللحظة، وتشير التحريات إلى أنه قتل فجر الأحد، وقد رجحت المباحث الجنائية أن الجريمة تمت بغرض السرقة، ولكن حتى الآن يبقى سر مقتله غامضاً حيث.... إلى آخره!!"

ظل محمد عطية جامداً فاقدًا للوعى، وقد غاب كل شىء عن عينيه، وذهب فى تفكير عميق غير مرتب، ثم بدأ يسترجع الأحداث بسرعة مشوشة: "لما كنت هناك، ماكانش فيه حد فى البيت، معقول يكون الصوت اللى سمعته ده كان صوت القاتل؟! لا.. لا.. لا مستحيل.. طيب لو ماكانش صوت القاتل

## حصريات صفحة

روايات مصرية للجيب

على الفيس بوك

by

Ramo

يقي صوت مين؟!.. أنا الملتحش أى حد فى البيت، وبعدين الشقة كانت هادية أوى! يكونش عماد عز الدين نفسه؟!.. ليه لآ؟!.. ولو فعلاً كان صوت القتال.. مين هو؟! وليه قتله؟!.. إيه بس الحظ الوسخ ده؟! وبعد لحظة فكر وهو يتطلع فى الشاشة دون هدف "بصماتى... يا نهار اسود.. بصماتى.. ده بصماتى أكيد مغرقة الدنيا هناك.. أنا زاي نسيت الحكاية دى؟! أنا على كده هلبس الليلة كلها وانا ماسرفتش غير شوية ورق ممكن يودبنى فى داهية.. داهية إيه بس.. ده مش بعيد أتعلم ولا اتقتل.. أنا فى مصيبة بجد.. يا نهار اسود!.. أنا نسيت كمان!.. ده البواب شافنى وأنا نازل من عند عماد عز الدين، وأكيد هيدبهم أوصافى... أيوه ما هى ناقصاه هو كمان البواب الزفت ده.. أنا كده رحى فى داهية رسمى".

نهض من مجلسه بسرعة منطلقاً خارج المقهى وهو تلفت حوله يمينا ويساراً، شعر بأن الأرض مئيد من تحتة، وأصاب قلبه الانقباض والنقل الشديدين ولكنه ممالك نفسه محاولاً التحكم فى خوفه اللعين الذى يكاد يفضحه، ولكن خوفه لم يخل من الحذر وهو ينظر فى وجوه وأعين المارة، كان يشعر بين لحظة وأخرى بأن الشرطة ستقبض عليه فى أية لحظة، بل كان يشعر بأن كل من يمر بجانبه يعلم بجرمته التى لم يرتكبها.

وصل إلى منزله وهو يفكر فى أمور متعددة، واختلطت الأمور فى رأسه، وقف يراقب أمه من خلف الباب وهى ساكنة بلا حراك فى مكانها تنتظر رحمة الله.. إما بالشفاء وإما بالموت، وبدأت الهموم تنصهر قلبه، وانهمرت دموعه فى صمت غريب وثقيل، وشعر بأنه لا مكان للهرب ولا منفذ مما هو فيه، وتذكر أخوته وكيف سيعيشون بعدما يزوج به فى السجن بتهمة القتل والسرقة معاً، ولكن.. أى سجن؟!، إنهم بالتأكيد سيعدمونه، وستخسر عائلته عائلها الوحيد أيضاً من بعد أمهم، وليس بعيداً أن تكون نهايته هو قبلها،

لل يفكر بصعوبة وهو يقاوم الخوف، وفجأة تذكر الأوراق التى وجدها، أو مضت عيناه، وشرع بعض الهدوء يتسلل إليه.. هدوء تصاحبه تأملات هريرة، أخذ يفكر فى كل حرف قرأه فى كل ورقة، ثم نهض من مجلسه وفتح درجه الخاص بعد أن أحكم إغلاق غرفته عليه حتى لا يقطع خلوته أحد، وعاد يبحث بين الأوراق عن شىء معين بسرعة، يقلب فيها بنون، ويعيد قراءة أجزاء منها بسرعة وكأنه يحاول أن يجد شيئاً أو يتأكد مما رآه سابقاً.. أهو على؟! حتى وقف أمام اسم ما.. فلمعت عيناه، وردد الاسم وهو يهز رأسه بهدوء شديد حيث بدا عليه الانغماس فى التفكير:

"أدهم أبو العز".

وفجأة اقتلعه صوت يصيح عاليًا، كان الصوت بناديه، يبدو أنه صوت أحد أصدقائه، وضع الأوراق بسرعة فى مكانها وخرج إلى البلكون ووقف دون أن يتكلم فقال صديقه:

"صباح الفل يا فتان، ماتعرفش الأخبار ولآ إيه؟"

أخذ نفساً عميقاً وكأنه يستغيق، ثم هز رأسه بالنفى قائلاً بريية:

"أخبار إيه؟!"

— مش لقيوا صاحبك مقتول فى شقته.. عماد عز الدين يا جدد انت.. قرئت الخبر النهاردة فى الجرنال.. ما انت عارف انى متشف.. قفلت اعدى عليك أقول لك يمكن تكون ماعرفتش.

اصطنع محمد الحزن والدهشة حين سمع الخبر بشكل ملحوظ؛ فلم يكن بهيجيد التمثيل على الإطلاق، ثم قال:

"لا إله إلا الله، لا حول ولا قوة إلا بالله".

— يقولوا ان القتال كان داخل يسرق.. أكيد هيقفشوه.. هو هيروح فين.. شكل الدنيا مقلوبة علشان صاحبك.. أيوه يا عم ما هو من الناس الثقيلة حتى وهو ميت..

ارتجف محمد وابتسم ابتسامة باهتة وعصبية ثم قال:  
"كويس.. كويس"، وفكر بسرعة ثم قال "بقول لك إيه.. أنا عايزك فى  
حاجة ضرورى.. استثنائى خمس دقائق بس ونازل لك".  
- قشطة.. فى السريع بقى علشان ورايا مصلحة عايز انجزها.  
- مش هتاخر..

- ٢ -

فى هذه اللحظات كان البواب يجلس فى مواجهة فؤاد الأسيوطى فى  
بلدة عماد عز الدين وهو يشرب فنجاناً من القهوة حيث قال له:  
"ماقلقش يا عم ابراهيم وجاوب على أسئلتى.. مش عايزك تخاف من  
أى حاجة ولا تردد فى أى إجابة.. ممكن الحاجة اللي تشوفها انت تافهة  
إلى مهمة بالنسبىالى.. اتفقنا يا عم ابراهيم!"  
- تحت أمرك يا بيه.  
- إيه اللي حصل ليلة الحادث؟  
- مش فاهم يا بيه!  
فاحتدم وجه فؤاد الأسيوطى وقال بغضب:  
- راجل انت.. ففتح محك معايا شوية.. أقصد شفت إيه ليلة الحادثة؟  
شفت حاجة فى العمارة مثلاً ما تعودتش تشوفها؟ حصل حاجة  
غريبة يعنى؟ جالك حد وطلب منك حاجة أو سأل على حاجة  
وماكانش من سكان العمارة.. الحاجات دى يا عم ابراهيم اللي  
بدور عليها.. يله.. ركز كده وافتكر.

نظر إليه عم ابراهيم البواب القادم من الشرقية منذ سنوات حيث لم يعمل  
بى بهذه العمارة من يوم مجيئه من بلده الأم إلى القاهرة.. كان قصير القامة،

## حصريات صفحة

## روايات مصرية للجيب

## على الفيس بوك

by

Ramo

هزبل البنية، لا يصلح حتى لحراسة نفسه، أصلع وأسمر البشرة، يحمل وجهه بلاهة تكفي خمسة أشخاص ليبدوا أغبياء، بدأ بفرك رأسه بيده اليمنى وكأنه يتذكر، ثم قال منفعلًا وكأنه تذكر شيئًا:

"آه يا بيه، افكرت.. أنا خبط في شاب صغير كده كان نازل من العمارة أول ما جيت من بره".

- شاب..!

- أبوه يا بيه.

- مش من سكان العمارة؟

- لأ يا بيه.

- دى أول مرة تشوفه..؟

- لأ يا بيه..

- يعنى إيه؟

- أقصد شفته قبل كده بتاع مرتين ثلاثة على ما افكرت يا بيه..

- وياترى المرات دى كانت قريب ولا من زمان؟

- لأ من فترة يا بيه.. مرة شفته من حوالى سنة، وآخر مرة شفته يطلع من شهرين كده.

- مش ممكن يكون عامل من اللى بيوصلوا الطلبات للبيوت يا عم إبراهيم؟

- لأ يا بيه.

- ممكن يكون قريب حد من سكان العمارة يا عم إبراهيم..؟

- كل شىء جايز يا بيه.

- يعنى إيه كل شىء جايز يا راجل انت؟!.. معنى كلامك انه ممكن يكون صاحب المجنى عليه، ولآ حتى من قرايه؟

امتعض عم إبراهيم وسكن للحظات ثم قال:

- ممكن يا بيه..

قال فؤاد الأسيوطى بضجر من سلبية عم إبراهيم:

- مواصفاته إيه يا عم إبراهيم.. قول؟

شرح عم إبراهيم فى إعطاء التفاصيل لفؤاد الأسيوطى وهو يشير بيديه للأولاً وصفه بقدر الإمكان بينما كان فؤاد الأسيوطى يكتب كل حرف يقوله الأبواب بدقة متناهية، وبعد أن انتهى قال:

"إمتى رجعت المجنى عليه من بره"؟

- مش عارف يا بيه..

- نعم.. إزاي مش عارف؟!

- ما انا ما كنتش موجود لما رجعت من بره يا بيه، بس لما رجعت شفت عربيته فى مكانها فعرفت انه رجعت.

- لا والله أفدنتا يا عم إبراهيم كتر خيرك.. أم.. طيب قول لى انت غيب فى مشوارك كثير؟

- حوالى نص ساعة.

- حلو أوى.. يعنى الشاب ده خبط فيك أول ما رجعت؟

- أبوه بالظبط يا بيه.

- والساعة كانت كام وقتها.. ياترى تفتكر؟

- آه يا بيه فاكر.. حوالى الساعة اتنين بعد نص الليل.

- وممكن يكون المجنى عليه رجعت من بره أول ما انت رحمت مشوارك.. صح كده؟

- أبوه يا بيه.. ممكن.

- إم.. قول لى يا عم إبراهيم.. ماحصلش أى خناقة قبل كده بين المجنى عليه وأى ساكن من سكان العمارة؟

- لا.. لا يا بيه.. أبداً، إحنا ساكننا كلهم محترمين، ومافيش حاجة زى



دى بتحصل عندنا فى العمارة.

- طيب ماشفتش المجنى عليه متعصب ومتزفر قبل كده؟

لم يتكلم البواب وكأنه يفكر ثم قال:

"الأستاذ عماد عز الدين الله يرحمه كان عصبى أوى، ودلّما كان بيشتمنى بسبب ومن غير سبب، بس انا اتعودت على كده" - أنهى كلماته بمرارة.

- إم.. قول لى يا عم إبراهيم مافيش مرة من المرات.. مثلاً.. وأنت معدى من جنب باب شقة المجنى عليه.. بقول مثلاً مثلاً معنى.. ومن غير قصد.. ها.. سمعته يتخانق مع مدام هند مراته؟

رد البواب بسرعة قائلاً وهو يشير بيديه:

"إلا يتخانق.. طبعاً يا بيه سمعته.. ما انا زى ما قلت لسيداتك انه عصبى.. ده غير انهم فى خناق علطول عمّال على بطّال.. ده حتى آخر مرة حصلت بينهم خناقة كبيرة وكان صوتهم موصل لآخر الشارع.. ده حتى مدام هند سابت له البيت من قبل ما يقتل بيحى عشر تيّام".

- إنت متأكد ان مدام هند ماجتش الشقة خالص من عشر تيّام؟

- أيوه يا بيه.. طبعاً.. متأكد.

- وجبت الثقة دى كلها منين يا عم إبراهيم؟!.. ده انت مش عارف

مين بيدخل ويخرج من العمارة يا راجل!

لم يتفوّره البواب بأية كلمة، ونكس رأسه للأرض قليلاً ممتعضاً ثم قال بعد برهة بلهجة تحمل العتاب:

"يا بيه ما كنتش غلطة معنى.. وبعدين معنى انا كنت بشمّ على ظهر إيدى وعارف ان الله يرحمه هيتقتل فى الليلة دى.."

- خليّنا فى الست هند يا عم إبراهيم.. ها؟

نظر إليه لوهلة ثم قال:

"الست هند ست طيبة أوى، وكل اما تشوفنى بتدنى فلوس، ولو

المفتيش بتدوّر عليّ أو على أى حد من العيال وتديه فلوس.. هيا علطول كده بتحب تظمن علينا.. ولو كانت جت يا بيه أكيد كنت هعرف".

نظر إليه فؤاد الأسيوطى وهو يحط شفتيه ممتعضاً، وزفر زفرة خفيفة ثم قال:

- إم.. عم إبراهيم؟

- نعم يا بيه.

- يا ترى المجنى عليه كان بيحب الستات؟

فابتسم البواب بخجل قائلاً وهو ينكس رأسه إلى الأرض:

"كلنا بنحب الستات يا بيه".

فابتسم فؤاد الأسيوطى ابتسامة عريضة ثم قال:

"أنا بسأل عن المجنى عليه يا عم إبراهيم؟"

- والله مش عارف يا بيه.. بس انا كنت بلمحه بيبص لأى ست بتعدى

من جنبه من تحت نحت كده.

- أي ست!؟

- أيوه يا بيه.

- ومن تحت لنحت.. تقصد من غير ما حد ياخذ باله معنى..؟

- أيوه يا بيه.. الله ينور عليك.

- طيب ماحصلش مرة معنى قبل كده.. لما بتكون مدام هند مش فى

البيت بسبب خناقة من اباهم.. وجاب ست الشقة؟

- مش عارف يا بيه - قالها ممتعضاً وهو ينكس رأسه إلى الأرض بعد أن

سكن للحظة.

- معنى إيه مش عارف؟

- معنى إيه ممكن يكون ده حصل وانا ماشفتش.

- عم إبراهيم؟.. إنت بتكذب.. ولو ما كنتش بتكذب تبقى مصيبة

أكبر.. أنا عايز افهم إنت بتشتغل إيه بالظبط فى أم العمارة دى؟ -

قالها صانحًا بحدة وهو يشير بيديه في وجه عم إبراهيم بغضب.  
لم يتفوه عم إبراهيم بكلمة، ثم قام فؤاد الأسيوطى من مجلسه وهو يزر  
زفرة قوية محاولاً أن يكون هادئاً واقترب منه وربت على كتفه وقال:  
"يا عم ابراهيم.. أنت عارف ان مافيش حد غيرك ممكن يفيدنا بالمعلومات  
دى بحكم شغلتك، ومانتساش ان حاجة زى اللى حصلت دى ممكن تتسبب  
فى قطع عيشك.. مش من العمارة بس.. ده من مصر كلها.. وعلشان كده  
لازم تساعدنى ومانتخبش عليا أى حاجة.. ده غير انك مش واخذ بالك ان  
فى مصيبة بتستناك..".

نظر إليه عم إبراهيم نظرات فزعة بانسة، بينما استرسل فؤاد الأسيوطى فى  
حديثه قائلاً بلهجة الذى لا حيلة له:

"أيوه يا عم ابراهيم.. مصيبة ومصيبة كبيرة أوى كمان.. لو ماتتبتش  
غيابك وقت وقوع الجريمة مضطر أوجه لك تهمتين: القتل والسرقة.. شفت  
بقى انى خايف عليك وعايز اساعدك وانت اللى مش عايز تساعدنى".

فارتجف عم ابراهيم وشرع ييكى قائلاً:

"والله يا باشا ما عملت اى حاجة ولا سرقت ولا قتلت، واسأل الساكن  
اللى بعنى مشوار وانت تتأكد.. والله ما عملت حاجة.. أبوس إيدك أنا  
عندى عيال.. حرام.. بجد والله حرام".

وأجهش بالبكاء واضعاً وجهه بين كتفيه، فربت فؤاد الأسيوطى عليه وهو  
يقول بخبث وبرود:

"إهدا يا عم ابراهيم، أنا عايزك تهدا كده.. أنت راجل طيب.. وأنا  
هساعدك.. المهم انك تساعدنى.. قول لى بقى شفت قبل كده أى ست مع

المنجنى عليه فى غياب مدام هند؟

- أيوه يا بيه.. مرة واحدة.

- إمتى؟

من يجى تلت شهر.  
ومدام هند كانت أكيد مش موجودة؟  
أبوه يا بيه كانوا متخانقين.. كانت ساوية البيت وقاعدة عند أهلها..  
لكن أحلف لك بالله يا بيه انى ماشفتوش غير المرة دى بس.  
وماقلتش ليه كده بس من الأول يا عم ابراهيم؟  
دى أعراض ناس يا بيه، وانا قلت ان الحكاية مش مهمة يعنى.  
أى شىء مهم لينا يا عم ابراهيم - قالها بحدة.  
حاضر يا بيه.. مش هتكرر.

بس أفهم من كلامك ان ممكن تكون جت له ستات تانى وانت  
ماتعرفش؟

ممكن يا بيه.. أنا ساعات بخاف اسأل أى ست غريبة.. من اللى بيجوا  
العمارة.. لتكون جاية لأى حد من السكان وبعدين تعمل لى مشكلة..  
والستات يا بيه ماعداتش زى زمان.. بقى صعب أوى تعرف مين بنت  
الناس من الستات إياهم.. أعوذ بالله.. من ليسهم وكلامهم الوسخ..

الواحد مايقاش قادر يميز.. فانا بقصر الشر والسلام.. عايز اعيش يا بيه.

مفهوم، ودلوقتى تقدر تمشى، ومتشكرين يا عم ابراهيم.. هياخذك  
دلوقتى عسكري هيوديك أوضه كده.. هتلاقى ظابط قاعد هناك  
عايزك تبدله مواصفات الشاب اللى ادتهالى من شوية زى ما ادتهالى  
بالظبط.. ماشى يا عم ابراهيم؟

تحت أمرك يا بيه - قالها وهو ينهض بسرعة حيث عادت الحياة إلى  
وجهه بعد أن كان مصفرًا ومقتضياً.

وفر فؤاد الأسيوطى أول نفس من سيجارته مبتسماً بعد أن أجرى هذا

الصفيق وهو يقول بخفوت:

"إيه اللى بعد كده يا عماد؟!.. إيه اللى بعد كده؟".



كان في انتظاره صديقه سعد درويش الذى أخبره عن مقتل عماد عز الدين، لم يكن سعد متعلماً ولم يكن يعمل حيث كان من وقت لآخر يقوم ببعض الأعمال المشبوهة التى توفر له المال من آن إلى آخر، وكان على صلة بالعديد من المشبوهين وتجار المخدرات، وقد اتهم من قبل في قضية سرقة ولكن ثبتت براءته بفضل من ساعده، وكان صديقاً لمحمد منذ الصغر؛ فقد كان جاره ورفيقه في المدرسة الابتدائية التى كان يهرب منها دائماً، وانتهى به الأمر خارج رحلة التعليم ثمناً، وكان محمد يقدره رغم كل شيء لشهامته معه في العديد من المواقف، وكثيراً ما كان يقرض محمد المال ولا يسأله عنه أو يطلب منه سداه فيما بعد.

وحيثما رآه سعد ومعه ملبسه تعجب كثيراً قائلاً:

"إنت رايح فين يا معلم، إنت مهاجر ولأ إيه؟" - قالها مازحاً.

لم يتفوه محمد بكلمة لمدة دقيقة تقريباً وصديقه ينصب عليه بسيل من الأسئلة ولكن بلا إجابة، وخلال الأسئلة توقف محمد قائلاً لصديقه بخفوت وهدوء لا يخلو من الامتعاض:

"أنا متورط في قضية قتل وسرقة".

- بتقول إيه؟ - توقف مذهولاً مما يسمع.

- زى ما بقول لك كده، ومانيش وقت للاستغراب خالص، بس أحلف

لك بالله إنى ماقلتش لكن سرقت.

- ومين ده اللى متهمينك بقتله؟

- عماد عز الدين.

- الكاتب؟

- أبوه.

- بس ايه...

- ٣ -

حمل محمد عطية ما يستطيع أن يحمله من ملابس في حقيبة بالية ووضعها على ظهره واتجه سريعاً نحو الباب بعد أن ودع أمه والدموع تعتصر قلبه قائلاً لها إن الله وفقه في الحصول على عمل مجز في دمياط وعليه أن يسافر في الحال، ووعدها بأن تتم عمليتها قريباً حيث إن صاحب العمل قد وعد بإعطائه المبلغ على أن يخصمه من مرتبه على أقساط، وأخبرها بأنه رجل ميسر مادياً وطيب القلب، وحينما علم بظروفه وعده بمساعدته، ولكن كل ما قاله محمد لم يكن أكثر من تضليل وكذب ليقنع أمه ويهرب من أبدي الشرطة؛ فهو يتوقع بمجيئهم في أى وقت، فودعته أمه بعيون دامعة وهى تدعو له:

"تروح وتيجى بالسلامة يا ابني، ربنا يسهل لك حالك ويبعد عنك ولاد الحرام".

قتل يديها وانطلق والدموع تبلبل وجنتيه، ثم ودع أخوته سريعاً وهو ينظر إليهم وكأنها المرة الأخيرة التى سيراهم فيها، وبلع ريقه بصعوبة وحس دموعه بمجهود عظيم وهو يوعد أخته الصغيرة وأخبرها أنه سيحضر لها كل ما تحب وتشتهى في القريب العاجل؛ فقد كان يحبها كثيراً بشكل خاص حيث كانت تعنى له الابنة لا الأخت.

قاطعه محمد قائلاً:

"ما فيش آدمي غير فرصة واحدة بس علشان اتقذ فيها أمي.. الحكومة دلوقتي بتدور علينا، ولو قبضت علينا هتعدمني، وامى هتموت واخواتى هيتشردوا".

- وهنتقذ أمك ازاي؟!

- ما فيش وقت للكلام ده دلوقتي.. أنا عايز مكان اتداری فيه عن عين الحكومة ويكون مكان بعيد، وأنا عارف انك تعرف اللي يقدر يساعدني.

صمت صديقه للحظات وهو يفكر ثم قال:

"ماتخافش.. أنا عندي المكان، بس انا عايز افهم كل حاجة".

- هتفهم كل حاجة في وقتها يا سعد، بس بسرعة ما فيش أماننا وقت اتجها مسرعين وركبا في ميكرو باص متجه إلى أطراف القاهرة، ومنه نزلا ثم ركبا ميكرو باصاً آخر، ومن ثم أوقفنا سيارة "ربع نقل" وركبا في الخلف حتى بلغنا منطقة عشوائية على حدود القاهرة، فترجلا من السيارة، ووقف محمد ينظر يمينه ويساره ثم قال بريية:

"إيه المكان ده؟"

- ماتكلمش كثير وخليك ورايا.. أنا هعرفك على المعلم سيد الخولي.. ده راجل ابن بلد وجدع، تاجر مخدرات من العيار الثقيل، ولية نشاط على آذنه في السلاح.. يعني تانا تانا لحد ما ربنا يفتحها عليه.. إنت عارف بالسلاح سوقه حلو وييجيب.. بس اوعى وشك بقى.. المعلم سيد بالذات ليه هيبه ونفوذ ومحدش يقدر يتعدى على منطقتة حتى لو كانت الحكومة بجملالة قدرها.

توقف محمد جامداً في مكانه ثم صاح بخفوت غاضباً:

"إستنى.. إنت بتقول إيه؟! تاجر مخدرات وسلاح!.. أنا بهرب من الحكومة علشان ترميني في حضن تاجر مخدرات وسلاح؟!"

شده صديقه من ذراعه وهو يقول بحدة:

"أمال انت عايز تستخبي فين؟! قول لي انت!.. هو في مكان في مصر كلها الحكومة ماتعرفش تجيبك منه.. والله حتى لو استخيت في بطن امك هيجيبوك.. إنت هربان من الحكومة يا فناان.. مش واحد من الديانة اللي بيدانوك.. فوق كده وصحصح معايا واقبل الوضع ده دلوقتي لحد ما المصرف.. ماشي؟"

.. بس ..

- ما فيش بس، ما فيش أدامك حل تاني يا صاحبي.. يا تستخبي هنا، يا تروح تسلّم نفسك للحكومة احسن.. وبعدين ده المعلم سيد راجل سكرة وكل كلامه حكم، وهتشوف بنفسك.. إنتوا فاكرين نفسكوا إنتوا اللي متعلمين بس ولا إيه؟! - قال جملته الأخيرة متهكماً.

فكس محمد رأسه حينما شعر بأنه لا يوجد أمامه حل آخر، وسار خلف ربه مستسلماً لقدره، وحينها سمع من يصيح بقوة:

"إستنى ياله انت وهو.. إستنى يا ض.. إنتوا رايعين على فين كده؟!.. إنتوا فاكرينها تكية ابوكم".

همس سعد لصديقه قائلاً:

"ماتكلمش وسيني انا اتعامل".

وحينما توجه إليه صاحب الصباح ونظر إليهما تعرّف على سعد قائلاً:

"مين؟.. سعد درويش.. بتعمل إيه هنا يا لول؟"

- جاي اقبال معلمك يا خرنج.

- ومين ده؟

- صاحبي يا جدع.

- إم.. وعازين إيه من المعلم؟

- وانت مال امك؟!

- إم وماله.. تعالوا ورايا.. حبيبي يا سعد والله..

وانطلق الإثنان خلفه، وكان محمد من وقت إلى آخر يتلفت حوله في حذر، وقد شعر في هذه اللحظات بأنه في كابوس مرير؛ فلم ير شابًا واحدًا يقف بدون سلاح في يده، وقد تكهن من هيتهم جميعًا بأنهم مجرمين ومسجلين خطر، حتى دخلوا على المعلم سيد الذي كان جالسًا وسط بعض أصدقائه، كان يتميز بجرح طويل يشق وجهه من ناحية اليمين من الأذن وحتى بداية فمه، فنظر إلى الدخلاء وهو يقول بصوت أجهش مميز اكتسبه من شرب المخدرات:

"في إيه؟"

- سعد درويش عازيك يا معلم.

نظر خلف المتحدث فوجد سعد درويش ومعه غريب، فنهض من مجلسه، كان ضخيم الجثة حليق الذقن عيناه نافذتان ترعب من ينظر فيهما، ثم ابتسم قائلاً:

"إزيك يا سعد؟"

- أهلاً بيك يا ريس.. ليك شوقه والله.

- مين الأستاذ؟

- ده صاحبي.. ابن ناس.. جارت عليه الظروف، وانت فاهم بقى يا معلم.

- لا حول ولا قوة إلا بالله - قالها بحيث لا تشعر بجديتها - وإيه

المطلوب مني؟

- طمعناين في كرمك يا معلم.

- مش فاهم!

فأشار إليه سعد بحركة من رأسه، ففهم المعلم سيد أنه يريد على انفراد، فخرج معها ووقفًا بعيدًا ومحمد خلفهما، وقصّ عليه الأمر كاملاً، فتطلع المعلم سعد نحو محمد يتأمله بهدوء ثم قال له:

"وناوى تعمل إيه؟"

- مش عارف لسه، بس محتاج شوية وقت وانا هدبّر أموري إن شاء الله.

قال المعلم سيد وهو يشير بيديه:

"بس يا سعد الشيلة دى ثقيلة.. والحكاية مش سهلة وانت فاهم..  
والحكومة اليومين دول شادة حيلها أوى".

- بس انت أدها يا معلم.. وهما أسبوعين مش أكثر، ومن هتشوف وشه تاني.

نكس المعلم سيد رأسه وهو يفكر، ثم هز رأسه من أعلى إلى أسفل وقال  
"وجهها كلماته لسعد:

"إنت خدمتني كثير يا سعد وبالذات في آخر مرة، وانا مش ناسي  
جميلك.. وجه الوقت اللي أرد فيه الدين.. بس هما أسبوعين مش أكثر..  
وبعد كده أنا ماليش فيه.

- وده اللي انا مستنيه منك يا معلم.. أسبوعين زى الفل أكون عرفت  
ادبر أموري فيهم.

ودّع سعد صديقه محمد قائلاً:

"هبقى آجي أظمن عليك".

- مش هنسالك الجميل ده يا سعد..

- خليك في نفسك انت بس وماقلقش على أمك واخواتك.

- مش عارف اقول لك إيه يا سعد؟..

- ماتقولش حاجة.. سلام يا فنان.

أخذ المعلم سيد محمداً وانطلقا حتى بلغا منزلاً فدخلاه، ومن ثم دخلا إلى إحدى الشقق التي أدهشت محمد حينما رآها؛ فقد كانت راقية للغاية ومفروشة بأبهي الأثاث، ثم نظر إليه المعلم سيد وهو يقول:  
"البيت بيتك، ومش هسألك عن أى حاجة، وتقدر تروح وتيجى هنا زى ما انت عايز.. طول ما انت هنا أنا أقدر أحملك، لكن بره يا ابن الحلال أنا ماليش فيه.. وتوتو على كيبوتو".

أوما محمد برأسه شاكرًا المعلم بكلمات كثيرة، ونظر إليه المعلم نظرة أخيرة دون أن يردّ على سيل الكلمات التي شكره بها محمد، ثم غادر الغرفة، وبعد أن تأكد محمد أن المعلم قد ابتعد فتح حقييته بسرعة ودس يده فيها فأخرج الأوراق التي كانت بحوزته، فتنهد تنهيدة مريرة ونظر إليها وهو يفكر.

- ٤ -

كانت الإشارات بمواصفات محمد قد تم توزيعها على جميع أقسام البوليس والمدبريات ليم القبض عليه بأقصى سرعة ممكنة، وحينها كان يوسف أباطة جالسًا ينتظر مقابلة فؤاد الأسيوطى فى مكتبه، وعندما دخل عرفه بنفسه وحياه بلطف وود، بينما قال فؤاد الأسيوطى:  
"البقاء لله".

- ونعم بالله.. متشكر.
- مش هطول عليك.. إنت كنت صديق مقرب لعماد عز الدين؟
- أيوه كان أعز أصدقائى.
- وكنت بير أسراراه على ما أعتقد؟
- أيوه فعلاً، بس عماد ماكنش بيقول كل حاجة طبعًا؛ لأنه كان بيحب يحتفظ ببعض الأمور لنفسه.
- مفهوم.. إنت كنت معاه ليلة الحادث؟
- أيوه وكان معانا برده الكاتب والصحفى مجدى الزينى، والمنتج السينمائى خالد مختار.
- عارف.. إمتى مشى عماد من القهوة؟
- مشى حوالى الساعة واحدة بعد نص الليل.

- مشى لوحده؟

- لا، كان معاه خالد مختار.

- يعني خالد مختار آخر واحد شافه؟

صمت للحظة وكأنه يركز متكئاً بمرفقه على المكتب، ثم قال وهو يومي

برأسه:

"اظن كده".

- يا ترى كان فيه خلافات بينه وبين أى حد؟

فردّ وهو يشير بيديه على سبيل الشرح:

"بجاننا مليون بالخلافات، وده أمر طبيعي، لحد آخر ليلة.. حصلت خناقة

أو تقدر تقول مشادة بسيطة بين عماد والكاتب أشرف زيدان".

- وإيه سبب المشادة؟

- مش عارف بالضبط، بس انت عارف لغة المنافسة اللي أحياناً بتتحول

لشيء تانى، وأكد انت فاهمنى، غير إن عماد وأشرف دائماً بيتنافسوا

بعض.. سواء فى الأدب أو الصحافة أو حتى السينما، لدرجة إن عماد

ماكنش شايف منافس ليه غير أشرف.

- مفهوم، وإيه اللي حصل فى المشادة دى؟

- ولا أى حاجة غير شوية سب وشتيمة.

- إم.. معنى ماحصلش أى حاجة غريبة فى الليلة دى بالذات؟.. حاول

تفتكر يمكن يكون فيه حاجة حصلت ولقت انتباهك وانت ناسيها؟

ساد الصمت للحظات حيث كان فؤاد الأسويطى متطلعاً ليوسف أباطة

الذى انخرط يقلب ذكرياته فى هذه الليلة ثم قال:

- آه، حصل حاجة فعلاً.

- إيه هي؟

- فى الخناقة..

- إيه اللي حصل فى الخناقة؟

- أشرف زيدان قال لعماد "نهايتك قربت أوى".. كانت لهجته كلها

تهديد.

- وإيه اللي حصل بعدها؟

- ولا حاجة غير إن عماد اتعصب وقعد يشتم فيه، وبعدها الأمور

رجعت لطبيعتها.. زى ما قلت لك الأمور مايتعداش الزعيق

والسب.

- بس كان يقصد إيه بنهايته قربت؟

- مش عارف.. بس ما اظنش يقصد بيها حاجة.. كله فى الآخر مش

أكثر من شوية كلام يبطلع وقت الغضب.. وبعدين أنا اعرف أشرف

زيدان كويس.. أشرف إنسان محترم وذكى، والكلام اللي قاله لعماد

ده خرج فى وقت عصبيته مش أكثر..

- إم.. بس مش غريبة يكون التهديد بالطريقة دى؟

- آه.. طبعاً.. بس زى ما قلت لك ده مش أكثر من كلام.

- اعذرني.. أنا أدامى قضية غامضة والمجنى عليه شخصية عامة، وكل

دقيقة بكتشف إن فى حد عايز يقتله، ولو قعدت ابني كل حاجة

على حسن النية مش مهخلص، ومش هوصل لحاجة.. أنا عايز أفهم..

أشرف زيدان كان موجود وانتوا موجودين وحصلت المشادة؟

- لأ جه واحنا موجودين؟

- يعنى جه وبعدين قعد وبعدين شد مع عماد؟

- لأ.. جه علينا عطلول وعماد استفزه، وفجاه قال له كده.

- إم.. يعنى كان جاي مخصوص؟

تعجب يوسف أباطة من السؤال، وكأنه اتبه لأول مرة لهذه المعلومة، ثم



قال بهدوء لا يخلو من الرية:

- مش عارف.. بس واضح انه كان كده.

- واضح ان اللي بيكرهوا عماد كبير، وفيهم ناس كثير نفسها تقتله -  
قالها شاردًا بقصد.

- عارف.

- عارف إيه؟

- عماد كان ليه أعداء كثير أوى، بس ما اطنش انهم ممكن يفكروا  
فى قتله، وزى ما قلت لحضرتك الموضوع كله مايتعداش صيغة  
التهديدات والسب.. إنت ليه مش عايز تقتنع بالحكاية دى؟

نظر إليه فؤاد الأسوطى نظرة ذات معنى ثم قال بهدوء:

- أنا كنت بقرا فى الأخبار التحقيقات الصحفية اللي كان بيكتبها  
المجنى عليه، وخصوصًا التحقيقات اللي بيغجر فيها قضايا الفساد،  
وتحديدًا فساد رجال الأعمال.

- أيوه هو كان جرى، أوى، وماكانش بيخاف من حد.

- أسالك سؤال، إجابته مش هتخرج بره المكتب ده.. وده وعد..  
عماد عز الدين - الله يرحمه - كان بيكتب علشان يفضح الفساد

فعالًا ولآ علشان المجد الشخصى والشهرة والأضواء؟

لم يتفوه يوسف أباطة بكلمة، وظل ينظر إلى فؤاد الأسوطى طويلًا وهو  
شارد؛ حيث لم يتوقع سؤاله، فابتسم فؤاد الأسوطى وهو يقول بهدوء:

"علشان المجد الشخصى والأضواء مدام فكرت.. توقعت كده".

- إنت عارف ان الشهرة ملعونة، وفى الآخر مش بتدمر حد غير  
ولادها.

- عارف وماتقلش، أنا مستحيل أشوه صورته أدام محبيه، وهيفضل  
الموضوع سرّ بيّا.. إنت عارف ان فيه حاجات لازم اعرفها عن

طبيعة المجنى عليه علشان أقدر أوجه بحثى فى الطريق الصح عن  
القائل.

فقال يوسف أباطة وهو يشرح وكأنه يريد أن يوح بما فى صدره:

"عماد كان شخصية مركبة أوى.. ساعات كنت بحسه بيكرههم.. يدافع عن الفقرا  
أوى وبيخاف عليهم، وساعات كنت بحسه بيكرههم.. يدافع عن الفقرا  
وبعد كده الأقيه بيلعنهم ويقول دول عبء على المجتمع بتاعنا.. حتى روايته  
الأخيرة اللي حطّ فيها سيوت مباشر على الفساد، واللى نوزه فيها بشكل حادّ  
إلى بعض الشخصيات الفاسدة.. قال عنها إنها هتبقى فيلم سينمائى كبير..  
حسيت وقتها ان الموضوع مش مرتبط بقضية بيدافع عنها على أد ما هو  
مرتبط بالشهرة والأضواء والمبيعات الخيالية".

لم يتفوه فؤاد الأسوطى بكلمة وهو يستمع ليوسف أباطة، ثم هز رأسه  
وقد وضع عليه الحزن مما سمعه ولا يعلم لم، ثم قال:

- مش هعطلك أكثر من كده، بس أكيد لينا لقاء تانى؛ لأن فى حاجات  
عايز اعرفها، لكنى هكتفى باللى عرفته دلوقتى.

- متشكر.

- أنا اللي بشكرك.

أبّحه يوسف أباطة نحو الباب وفؤاد يتابعه بعينه، ثم قال له فجأة قاصدًا  
الك حيث كان يستخدم أسلوب المفاجأة فى إجراء التحقيقات:

"هو المجنى عليه كان بيحب مراته؟"

فتعجب يوسف من السؤال ورمش بعينه سريعًا ثم قال:

"أيوه كان بيحبها رغم الخلافات اللي كانت بينهم عطلول".

- يعنى كان بيحبها بس مش بيحترمها.

- تقصد إيه؟

- ولا حاجة.. يا ترى مدام هند كانت بتحبه؟



- أيوه هند بتحيه جدًا ولأبعد الحدود، أنا اعرفها معرفة شخصية..  
المشكلة ان عماد دائماً متعجرف وقاسى، ودائمًا بيتخانق معاها لأبسط  
الأسباب.

- طب لما الموضوع كده ماطلقهاش ليه؟

سكن يوسف أباطة للحظات وبدا أنه يفكر ثم قال وهو يهز رأسه متحيرًا:  
"يمكن عماد من النوع اللي بيحب يمتلك الشيء حتى لو مش عايزه".

- إم.. ده واضح، بس اللي بيتخانق مع مراته كثير أكيد شاكك فيها.

- عماد كان بيشتك فى أى حد.

- بسبب ومن غير سبب؟

- لأ طبعًا مش أوى كده.. هو ماكنش مجنون، بس كان شكاك أوى..

- كل شيء ليه دافع يا أستاذ يوسف.. عموماً متشكر مرة تانية.. تقدر  
تمشى.

- متشكر.. مع السلامة.

وغادر يوسف أباطة المكتب، بينما ظل فؤاد الأسيوطى ناظرًا بتأمل من  
نافذة مكتبه إلى السماء القائمة حيث كان يفكر في التحقيق ويحلله.

- ٥ -

بعد انتهاء مراسم العزاء فى الليلة السابقة، كان صمت رهيب يحتوى هند  
اللى كانت تجلس فى غرفتها وحيدة بلا حراك يذكر، شاردة البال، عينها  
مبتتان على لوحة معلقة على الحائط تملكها منذ أن كانت صغيرة، ورغم  
لبات عينها على هذه اللوحة فى هذه اللحظة إلا أنها لم تكن تراها؛ فهى  
فى عالم آخر تمامًا، كل شيء سار بسرعة.. وهرب أيضًا بسرعة.. وانتهى فى  
اللمحة واحدة، لم تكن تدرى فى لحظاتها هذه إن كانت بالفعل تعيش واقفًا  
السرًا أم أن الواقع الأليم هو من يعيشها على مر حياتها التى تراها مريرة للغاية،  
ولكن الحقيقة التى طالما هربت منها هى أنها من تختار ذلك الواقع الأليم  
دومًا لتعيشه بملء إرادتها حتى أدمته، فأصبح جزءًا تعيش له وتشكو منه فى  
الوقت نفسه.

وفى هذه اللحظات دخلت عليها أمها وتأملتها طويلًا بحزن وأسى وقلب  
مضطرب، كانت الأم تدرك فى هذه اللحظات أنها ضيعت جزءًا كبيرًا منها  
بتمثل فى بناتها بعد الاهتمام بالثروة التى تركها الأب؛ حيث أدى اهتمامها  
بالأموال إلى دفعها ثمنًا غاليًا فى إهمالها بناتها، وهذا ما زادها ألمًا.. وقد  
اكتشفت ذلك متأخرًا، ولكن المحاولة الأخيرة التى نخوضها ليست لإصلاح  
شيء ما؛ لأن وقت الإصلاح قد مر، ولا يمكن العودة للوراء، ولكننا نخوض

المحاولة الأخيرة حتى لا نشعر بالألم كاملاً من دمامة غبائنا وأنايتنا.  
لم تلاحظ هند وجود أمها حتى اقتربت منها ووضعت يدها على كتفها،  
فانتبهت هند والتفت إليها، ولما رأتها ابتسمت ابتسامة مريرة للغاية زادت من  
حزن أمها، وسرعان ما نكست رأسها فقالت أمها:  
"إزيك يا هند دلوقتي؟"

بعد صمت قصير ردت هند وهي تهز رأسها بالنفي بهدوء:  
"ما بقتش عارفة بجدي يا ماما، حاسة ان كل حاجة ما بقتش واضحة.. أو  
يمكن زي ما بتقول دعاء إني انا اللي مش عايزة اشوف الحقيقة.. أنا تعبانة  
أوى يا ماما" - أنهت كلماتها بمرارة.  
- معلش يا هند، وما تاخديش على كلام اختك.. ما انتي عارفة طبعها  
كويس وأسلوبها لما بتيجي تعبر عن وجهة نظرها.. وعارفة برده انها  
عمرها ما راعت مشاعر حد.

ابتسمت هند ابتسامة مريرة ثم قالت:  
"بس دعاء على الأقل بتقول الحقيقة يا ماما".  
فامتعضت أمها ثم مسحت على وجهها بحنان قائلة:  
"كل الأمور هتتصلح ان شاء الله.. ماتفكريش في حاجة دلوقتي، وخلى  
بالك من صحتك شوية.. ده انتي مؤمنة بالله يا هند.. خلى عندك ثقة في  
ربنا".

فأومات هند برأسها قائلة بخفوت:  
"ونعم بالله".  
وسرعان ما قالت أمها:  
"صحيح.. نسيت أسالك".  
- عن إيه؟

إيه اللي حصل لما رحتي شقتك؟  
- ولا حاجة.. طلب مني الطاباط اني أتأكد إذا كان في أى حاجة ناقصة  
من الشقة.. والغريبة اني ما لقتش أى حاجة ناقصة غير صندوق  
المجوهرات اللي عماد بيشتيل فيه أوراقه المهمة.. يعني المجرم ما خدش  
غير شوية أوراق تافهة.

غريبة دى يا هند!  
- أيوه غريبة فعلاً يا ماما.. أنا عطلول بسأل نفسي.. اللي حصل  
ده حصل ازاي بالطبط؟! يا ترى عماد قاومه وهو يسرق قتلته؟!  
ولأ حصل إيه بالطبط؟!.. الحقيقة مش عارفة، بس الأكيد ان طاباط  
البوليس هيطلبني في أقرب وقت للتحقيق.  
- إن شاء الله خير.  
- إن شاء الله.

في جرس الباب في هذه اللحظة، فنظر الاثنان نحو الباب ثم تبادلوا  
الانظرات فيما بينهما، ولكن سرعان ما انفتح الباب وسمعا صوت رجل في  
المخرج يتحدث إلى دعاء التي دعتهم بدورها إلى الدخول، فاستأذنتها أمها لتتظر  
من جاء لزيارتهم، وبعد دقيقتين تقريباً دخلت عليها أمها ثانية وهي تقول:  
"ده رئيس المباحث هنا! - قالتها بتعجب - طيب هخرج اقباله.. بس  
اديني دقيقتين اغتبر هدومي.

بعد دقائق، وبينما كان فؤاد الأسبوطي يحتسي قهوته، دخلت عليه هند  
لباس أسود وقد بدا على وجهها الحزن والإرهاق، فنهض من مكانه وهو  
يقول:  
"أنا آسف اني جيت من غير سابق إنذار.. بس انا قلت كده أفضل.."

لأن التحقيقات بتطول.. وطبعاً انا مقدر حالك في الوقت الحالي، وفي الوقت نفسه انا محتاج لكل معلومة ممكن تقيدنا في الوصول للقاتل في أسرع وقت" - كان يقول كلماته بنوع من الود والدهاء.

قالت وهي توميء برأسها:

- متشكرة، افضّل استريح.

- شكراً.

أخذ فؤاد الأسيوطي نفساً طويلاً ثم قال بنبرة عميقة:

"عرفت انك كتتي على خلاف مع المجنى عليه، وساية البيت من قبل الحادث بعشر تيام".

- فعلاً ده حقيقي.

- إتناو بتحصل بينكو دائماً الخلافات دى؟

- فصدك إيه؟! - قالتها بتعجب.

- أقصد يعنى اتناو كتناو بتتخانقوا كثير؟

صمتت هند للحظات وقد نكست رأسها بأسى وكأنها تعود بذاكرتها

إلى الورا:

"آه، كنا بتختلف كثير للأسف".

- إم.. هو خانك قبل كده؟

نظرت إليه هند فجأة بعيون متوهجة حيث لم تتوقع السؤال، وصمتت

للحظة ثم قالت وهي تهز منكبها:

"مش عارفة".

- يعنى إيه مش عارفة؟.. هو في ست في الدنيا مش بتحسن بجوزها لما

بيخونها؟

نظرت إليه بتأمل وامتعاض، وبعد لحظات من الشرود قالت:

- أنا كانت بتجيني اتصالات من ستات كثير.. كانوا دائماً يقولولى انه

بيخونى، وان ليه علاقات نسائية كثير، بس انا كنت دائماً بكذبهم..

وزى ما انت عارف مافيش ست هتتج تصدق ان جوزها ببيخونها

حتى لو كانت دى الحقيفة.. ده غير ان عماد شخصية مشهورة وغنية

وستات كثير أوى نفسها تدمر حياته الزوجية علشان يبقى الطريق

فاضى آدمهم.. عماد يعتبر لقطة لستات كثير أوى.

- وبالنسبالك كان إيه؟

لم تفوه بكلمة وظلت ساكنة للحظات، ثم قالت وكأنها غائبة عن الوعي:

"كان جوزى".

- بمناسبة الاتصالات، في حد هدده قبل كده؟

ظهرت في عينيها لمحة من الذكريات، وبعد لحظة قالت:

"مرة أو اثنين، وبالصدفة كنت أنا اللي برد".

- يا ترى اللي كان بتتصل ماكنش بيقول اسمه ولا حتى كان بيستخدم

اسم رمزى؟

- لأ.. بس أظن ان عماد كانت بتجيله مكالمات من دى كثير، هو

حكاالى قبل كده عن كام مكالمة وهو مضايق ومتعصب، بس الحقيفة

ماكنش بيهمه أبداً أى حاجة زى كده.. عماد ماكنش بيبخاف من

حد.

- إم..

سكن للحظات وهو يحتسى آخر رشفة من فنجان القهوة ثم قال:

"الصندوق المفقود بقى".

- ماله؟

- مش يمكن يكون عماد نقله؟

- لأطبعا.. مستحيل يكون نقله.
- إشمعنى يعنى.. كل شىء جايئ، وخصوصًا مع شخصية زى عماد؟
- زى ما بقول لك كده.. لو عماد يطول يخلى الصندوق ده معاه طول الوقت كان خلاه.. وده السبب انه شايله عطلول فى البيت علشان يبقى دايماً تحت عينه.
- طيب متأكدة ان كان فيه أوراق آخر مرة؟
- آه متأكده جداً.. الصندوق عمره ما فضى من الأوراق..
- إم.. مفهوم.. بس السؤال اللي محيرنى.. لو الأوراق دى تخص القضايا اللي بيكتب فيها.. فأأكد هتكون كتير طبعا، وخصوصًا ان المجنى عليه كتب فى تحقيقات كتير جداً.. وكل تحقيق بيكون ليه أوراق خاصة به.. صح كده؟
- أيوه.
- طيب تمام.. لزاى بقى كان يتخلص من الأوراق القديمة علشان يحط مكانها الجديدة؟!.. زى ما انتى عارفة الصندوق ايا كان حجمه مش هينفع يشيل كل الكميات دى من الأوراق.
- عندك حق طبعا.. عماد كان كل فترة من الفترات بياخذ أوراق من الصندوق وبعد فترة معينة يحط أوراق جديدة وهكذا.. بس بصراحة معرفش هو كان بيوديهافين
- ام.. مين تانى يعرف موضوع الأوراق ده؟
- اظن ان الكل عارف حكاية الورق دى، لانه مش بينشر تحقيق من غير ما ينه عن وجود أوراق ثبوته تدعم موقفه وتحقيقاته.. انت عارف ان كل تحقيق صحفى لازم يكون معاه مستندات تدعمه وخصوصًا لو الحكاية مرتبطة بفساد واحد من رجال الأعمال ولآ رجال السلطة.
- كلام جميل.. بس اللي اقصدته من سؤالى مين تانى كان يعرف المكان
- الى عماد كان يشيل فيه الأوراق؟
- أكد صحابه، هو مش بيخبي عنهم أى حاجة وخصوصا الأستاذ يوسف أباطة.
- قصدك انه كان يقول لهم إنها تحديداً فى الصندوق؟!
- لا أنا ماقدتشدت كده، بس أكد كان قايل لهم انها فى البيت.. أظن كده.
- وليه يا ترى بتعتقدى كده؟
- لأنى فى يوم سمعته بيتكلم عن الأوراق دى مع خالد مختار.. أظن كده.. أيوه فعلاً كان خالد مختار وكان بيكلمه فى التليفون وقتها.. وقال له ماتخفش عليا طول ما الأوراق معايا هنا.. كان واضح من كلام عماد ان خالد كان قلقان عليه وعماد كان يحاول يطمئنه.
- وكان قصده بـ"هنا" البيت طبعا؟
- أيوه..
- إم.. بس من التحريات واضح انه مش يياقن أى حد خالص؟
- ده مش صحيح، عماد كان يحب صحابه جداً.. يمكن كان مغرور ومتكبر حيتين، بس فى الآخر كان بيحبهم وبيقدرهم جداً - قائلها بصصيبة مبالغه.
- شعر فؤاد الأسيوطى بأن شيئاً غريباً غير من ملامح هند فى هذه اللحظات، وكأنه أثار شيئاً ما، ولكنه لم يفهمه، فأثر الصمت فى هذه اللحظات؛ حيث ان يعلم أن الصمت أقوى سلاح، فالشهود دائماً ما يقعون بأقوالهم أمام الصمت الطويل الذى يجعل الشاهد يتخبط ويشعر بنفاد الصبر، فيلوذ بافراغ ذهنه من الأمور المخفية، ولكن محاولته باءت بالفشل فسألها:
- "فى شاب بيتردد على بيتكم فى العجوزة؟"، وقام بوصف ملامح محمد عليه كما أخبره البواب.

ظلت هند تفكر طويلاً، ثم ردت:

"آه، أنا فائزة الشاب ده كويس، قابلته مرة وهو خارج من بيتنا.. كنت وقتها جاية من بيت ماما".

- وإيه انطباعك عنه؟ يا ترى فائزة؟

- ولا حاجة شاب عادى جداً.. كان خجول أوى، ولما شافنى وشه احمرّ وضرب لحمة كده، وما تكلمش ولا كلمة وخرج عطلول.

- وما سأتينش جوزك مين ده؟

- آه سألته.

- وقال لك إيه؟

- قال لى ده واحد من العمال اللي فى الجريدة وجابيله ورق مهمم.. بس

انت بتسأل ليه؟

- أصل البواب شافه ليلة الحادثة خارج من العمارة التى اتنوا ساكنين فيها.

- مش يمكن كان جايب حاجة لعماد؟

- ويمكن لأ.. وبعدين فى حدّ يشتغل الساعة اتنين بعد نص الليل؟

- إم.. طيب فى حاجة تانية؟

هز فؤاد الأسيوطى رأسه بالنفى ثم قال:

"لأ.. شكرًا يا مدام هند على وقتك، وآسف مرة تانية لإزعاجك، ودلوقتى أستاذن أنا، ولو جدّ أى شىء هبلّغك بيه ان شاء الله.. وان شاء الله هستناكى علشان التحقيق الرسمى خلال يومين بالكثير يكون جه تقرير الطب الشرعى".

أومات رأسها بالايجاب والامتنان أيضًا، ونهضت من مكانها لترافقه حتى الباب، وعندما انصرف فؤاد الأسيوطى أخرج من جيبيه علبة السجائر وأشعل

الغافه تبغ، واستخدم السلم بدلاً من المصعد وهو يفكر فى هذا التحقيق، وقد شعر أن هنذا تخفى شيئاً، أو أنها تكذب بخصوص شىء ما، ولكنه لم يكن يدرى ما هو بالتحديد، بينما كانت هند فى هذه اللحظات تقف أمام المرأة وتظر لنفسها طويلاً، وقد عادت بذاكرتها القريبة إلى حوارها مع الضابط الذى بدا ودوداً ولكنها أيقنت فى نفسها بأنه يتمتع بالذكاء، وعندما أعادت الحوار كاملاً امتعضت وشعرت بالحزن لأمر يخلج فى صدرها، وسرعان ما ألقت نفسها على سريرها، وبعد لحظات شردت وهى تفكر فيما مضى.. بل كانت تفكر فيما سبق معرفتها بعماد عز الدين.

Roma

الفصل الرابع

حصريات صفحة

روايات مصرية للجيب

على الفيس بوك

by

Ramo



- ١ -

بعد مرور يوم وقف محمد عطية أمام أحد المحال الصغيرة المزودة بهاتف في منطقة العباسية وقد بدا قلقًا للغاية بتلفت يمينا ويسارًا يحذر شديد وبذلك اكتسبه بالفطرة من المحال التي آل إليها أيضًا، وحاول جاهدًا ألا يلاحظ أحد نوتره الزائد، وبعدها وقف وابتاع سجائر ثم استأذن صاحب المحل في إجراء مكالمته، وكانت تلك المكالمه بمثابة التجربة التي يختبر بها شجاعته ومدى تماسكه، وبالفعل أذن له صاحب المحل، فالتقط محمد الهاتف وشرع في الاتصال بأحد الأرقام، وبعد لحظات سمع صوتًا يجيب على الجانب الآخر فردّ قائلاً:

"أنا عبد الظاهر الورداني رجل الأعمال، ممكن أكلم أدهم بيه؟"  
وسمع إجابة فرد قائلاً:

"أنا فعلاً كلمته في الشركة ومش موجود هناك كمان.. هو مافيش ليه أرقام خاصة.. أصل الموضوع مهم ومايحتملش التأجيل".

وسمع إجابة أخرى فقال:

"شكرًا، أنا سجلت الرقم.. مع السلامة".

شكر صاحب المحل وانطلق خارجًا، ثم سار شارعًا كاملًا وتلفت حوله

## حصريات صفحة روايات مصرية للجيب على الفيس بوك by Ramo

مبئياً ويساراً عدة مرات فلاحظ وجود أجد مجال الهواتف، فتوقف أمامه وشرع يفكر لبرهة، ثم دخل المحل وابتاع خطأ للهاتف النقال، وبعد أن خرج من المحل قام بتركيبه وتشغيله وشحنه ببطارية لزيادة الرصيد في دقائق معدودة بعد أن رمى رقمه الخاص حتى يتأكد أنه لا أحد بعد ذلك يمكنه الوصول إليه أو تعقبه، ومن ثم قام بالاتصال بالرقم الذى حصل عليه منذ لحظات:

فسمع صوتاً يقول:

"أدهم أبو العز، مين معايا؟"

سكن للحظات حيث سرت رعدة في جسده، ثم سرعان ما قال محاولاً جمع رباطة جأشه:

"إنت ماتعرفنيش.. بس انا بقى اللي فى إيدو روحك".

- روح مين يا روح امك يا حيوان يا ابن الكلب..

قاطعه محمد عطية بحدّة قائلاً:

"أنا عندى الأوراق اللي كانت مع عماد عز الدين".

فسكن الصوت للحظات ثم قال:

"مين عماد عز الدين؟! وأوراق إيه اللي بتكلم عنها؟!.. أكيد انت غلطان فى الرقم.. مع السلا..".

فقاطعه محمد عطية قائلاً بهدوء غامض حيث أكسبته لهجة أدهم أبو العز المتوجسة بعض الشجاعة:

"لو قفلت السماعه هتلاقى الأوراق كلها منشورة فى الجرايد بكرة الصبح وصفحة أولى، وتخيّل بقى لما تبقى فضايحك منشورة على عينك يا تاجر.. عايزك بقى تهدي كده وتسمعنى كويس".

ظل أدهم أبو العز ساكناً دون كلمات وكأنه يفكر، بينما قال محمد عطية:

"أنا عارف انك قتلت عماد عز الدين، ومن سوء حظك ان الأوراق معايا أنا".

- أنا ماقتلش حد يا ابنى - قالها بحدّة.

- لأقتله، بس ماعرفتش توصل للأوراق.

- يا ابنى بقول لك ماقتلوش..

- مش ده موضوعنا.

- إنت عايز إيه بالظبط؟

- إنت معاك الفلوس وانا معايا الأوراق.. المعادلة سهلة.. تدينى الفلوس أدبك الأوراق.

- مايقاش إلا انت يا روح امك يا ابن الحرام اللي هيبتر أدهم ابو العز!! فردّ محمد بحدّة قائلاً:

- لو اتجرات وحاولت بس تشتمنى مرة ثانية.. مجرد محاولة بس..

وحياة امي لاكون مدخلك السجن. كمان ساعة بالظبط.. ومش

بتهمه واحدة ولآ اتين.. لأ بتهم مش تعترف تعدّها، وانت عارف

كويس أوى أنا بتكلم عن إيه.. وحطّ فوق ده كله قضية قتل عماد عز

الدين.. يعنى هتلبسها هي كمان.. فاهدا كده واسمعنى كويس.

أخذ نفساً عميقاً ثم أردف يقول بهدوء:

"دلوقتي ولآ بعدين الحكومة هتعرف انك انت اللي ورا قتل عماد عز

الدين؛ علشان انت الوحيد اللي ليك مصلحة فى قتله بعد ما كان بيهاجمك

فى مقالاته فى الفترة الأخيرة، والغريبة انك ماكتنش بترّد، وانا فهمت طبعاً

ماكتنش بترّد ليه.. أناريه كان ماسكك من إيدك اللي بتوجعك بالأوراق اللي

كانت معاها.. واللي هي معايا دلوقتي.. إحتنا دافينته سوا يا أدهم بيه.. تسلّمنى

دبة المرحوم.. أسلمك الكفن، وبقى يا دار ما دخلك شر".

- وإيه اللي يضمن لى ان الأوراق معاك؟

- صفقات اللحوم الفاسدة مثلاً، يا ترى بتفكرك بحاجة؟ ولآ صفقة

الأراضى اللي انت لهفتها من دم الشعب الغلبان بتراب الفلوس  
وبانى عليها القرى السياحية اللي بتدخلك ملايين.. اللسته طويلة  
أوى يا أدهم بيه.

- أنا مش عارف..

وقبل أن يكمل كلماته قال محمد عطية بحدة:

"هتستعبط تانى يا أدهم بيه.. طيب إيه رأيك فى صفقة السلاح اللي انت  
بتوزدها البلد من مصانع السلاح اللي برة، واللى انت أساسًا بتملكها من  
الباطن يا باشا.. تحب أقول لك المصنع فين ولا كفاية كده؟"

أخذ أدهم أبو العز نفسًا عميقًا ثم قال بهداء:

"إم.. بس احنا كده لازم نتقابل!"

- وإيه الداعى يا باشا؟!، تبعت لى الفلوس أبعث لك الأوراق أو أوى  
طريقة تانية تريحك، ويقى يا دار ما دخلك شر، بس كله إلا اننا  
نتقابل.

- طيب وإيه اللي بضمن لى انى لما ادبلك الفلوس تدينى الأوراق؟

- مافيش ضمانات.. أنا اللي بحط الشروط.. تدينى الفلوس أدبك  
الأوراق.

- إم.. وعائز كام؟

- عشرة مليون.

- نانا!!!!!! اعم يا روح أمك.. إنت أكيد مجنووون؟! - صاح أدهم  
غاضبًا.

- إيه يا أدهم باشا.. النفوذ والجاه اللي انت فيه مايساويش عشرة مليون  
وآه! إيه؟! بلاش النفوذ والجاه.. رقبته ماتساويش عندك حاجة!؟

أخذ أدهم أبو العز نفسًا طويلًا ثم زفر بنفاد صبر قائلًا بعد لحظات وهو  
يحاول أن يحافظ على هدوئه:

"موافق."

- زى الفل.. يبقى كده اتفقنا، هتصل بيك قريب علشان نتفق على  
طريقة الاستلام والتسليم.

- بس إيه..

أغلق محمد الهاتف ثم انطلق فى طريقه وقد شعر ببعض الراحة التى لا  
تخلو من الحذر فى هذه اللحظات، وشعر أيضًا بالإعجاب من نفسه، فكيف  
استطاع أن يفعل ما فعل، وأن يتحدث هكذا ببأس وشجاعة!؟ سؤال غريب  
لم يجد له إجابة، بينما وقف أدهم أبو العز مذهولًا ومحاولًا بكل الطرق أن  
يجمع هدوئه بعد هذه المكالمة، ثم بعصبية اتصل بأحد الأرقام:

"عايزك تستفسر لى عن الرقم اللى هديهولك ده وترد علينا حلالاً."

- إيه اللى حصل؟ ومالك عصى كده ليه يا أدهم بيه!؟

- اعمل اللى بقولك عليه يا غبى وبسرعة.

- حاضر.. حاضر..

بعد نصف ساعة تقريبًا اتصل به نفس الشخص الذى تحدث إليه منذ قليل:  
"أدهم بيه، مافيش اسم بالرقم ده، واضح انه مش متسجل.. هتلاقيها من

الأرقام اللى بتتباع من غير عقود."

- إنت متأكد؟

- طبعًا متأكد.

- ده اللى توقعته.

- ليه.. فى إيه!؟

- مش شغلك.

وأغلق الهاتف بعصبية، ثم اتصل بأحدهم وأمره أن يأتيه فى الحال..

ثم ابتسم ابتسامة باردة تعكس شيئاً غريباً قد يبدو استخفافاً، فهز فؤاد الأسيوطي رأسه ثم قال:

"مش هطول عليك لأنني عارف أد إيه انت مشغول، بس..".

فقاطععه مجدى الزينى قائلاً:

"أيوه كنت هقتله.. بس القدر بقى اختار أداة تانية غيرى علشان ينهى حياته بيها.. دى إجابتي لو هتسألنى.. أنا مابحيش تضيق الوقت".

لهز فؤاد الأسيوطي رأسه ورمش بعينه كثيراً وكأنه لم يفهم ثم قال:  
"نقتل مين؟!"

- عماد عز الدين طبعاً.

- وتقتله ليه!؟

- عماد عز الدين عمره ما بطل يضايقتى.. دائماً كان بيحسنى انى ولا حاجة.. عمره ما حاول يحس أد إيه كان بيسته لئيا بغروره وعجرفته وتكرهه.. مع إننا المفروض أصحاب ومافيش حد يعامل صحابه كده - قال جملته الأخيرة بشكل غامض ومرير.

- مضايقة الصحاب لبعض عمرها ما كانت دافع للقتل، ما اظنش انها ممكن توصل لكده..!

- ولية لآ١٩٤١، الواحد ممكن يقتل مراته بسبب التانيب اللى عمال على بطال.. والكلام الكثير عن الماضى.. دائماً الست مابتنتساش الراجل عمل قبلها إيه.. رغم انه عمل ده قبل ما يعرفها، وللأسف بيحكى بحسن نية ومايعرفش ان بعد كده حياته هتتحول للجهيم.. والجهيم يا فؤاد بيه بيحول الزوج الطيب لقاتل.. هى دى الحياة.. ساعات بترتكب أشنع الجرائم بسبب أمور طبيعية، وللأسف رجال القانون مش بيقبلوها تكون دافع حقيقى فى قضاياهم، وبيدوروا على سبب

- ٢ -

كان يجلس فى سكون ودون حراك تقريباً، يمكن أن نقول إنه فى عالم آخر لا تعلم مداه، شاحباً بعض الشيء، ولا تبدو عليه أية علامات يمكن أن تعبر عما يجيش فى صدره، فقط شرود غريب متلفع بالغموض.

بعد لحظات من السكون كانت السيجارة بين أصابعه تأكل نفسها دون مساعدة منه، فلم يتذوقها أبداً، وفى هذه اللحظات دلف فؤاد الأسيوطى إلى المكتب فالتفت مجدى الزينى بهدوء إليه ولم يتفوه بكلمة، وقام بدفن السيجارة التى أكلت نفسها فى المكان المخصص وقد بدا وكأن الشرود مازال مستحوذاً عليه، فابتسم فؤاد الأسيوطى وسلم عليه بود، ثم جلس على كرسية المقابل له وقال:

"الظاهر انى جيتك من آخر الدنيا يا أستاذ مجدى".

وأشعل سيجاراً دون أن يرفع عينه عنه، ثم أردف قائلاً:

"إنت اتضايقت انى سينك تستنى كثير ولأ إيه!؟"

فهز مجدى الزينى رأسه نافيهاً بهدوء وبلامبالاة، كان هدووه يشبه ذلك الهدوء الذى يستخدمه أعظم ممثلى السينما الغربية جبكة، حيث يبدو الممثل وكأنه عاش هذا المشهد آلاف المرات فى حياته الحقيقية، ثم قال بمرود تام:  
"أبداً".

تاني علشان يرضوا نفسهم.. نفسهم واعتقاداتهم.. زى ما بقول لك  
كده يا فؤاد بيه.. أبشع الجرام ساعات كثير أوى بتكون أسبابها تافهة  
وغريبة.

نظر إليه فؤاد الأسويطى طويلًا نظرة ناقبة وهو يتأمل ثم قال:

"ويا ترى بقى انت من الناس اللي ممكن ترتكب جريمة لسبب تافه؟"

- ما انا قلت لك لو ماكنش اتقتل كنت قتله أنا.

- بس انا ما بحتلكش هنا علشان اسألك انت قتله ولا لأ.. ده سؤال  
سابق لأوانه.

- مش مهم، المهم انك عرفت الحقيقة اللي مايعرفهاش حد غيرك..  
وأعتبرها فرصة جتلى أعترف فيها بشيء كان بيعذبني من جوايا كل  
يوم.. وزى ما انت عارف الفرص ما بتجيش مرتين.. الأغيبا بس  
هما اللي بيتصوروا ان الفرصة ممكن تيجى مره تانية.. افكر كلامى  
ده كويس يا فؤاد بيه.

- إم - وهز رأسه متفهمًا وهرش فوق حاجبه الأيمن وكأنه يفكر ثم  
قال:

"بس من اللي اعرفه ومن تحريات المباحث اللي أدامى ان علاقتك  
بالمجنى عليه كانت علاقة جيدة.. حتى لو كان بينكوا بعض الأمور اللي  
دلّمًا بتحصل بين أوى اتنين صحاب.. ده مايلخيش احط فى اعتبارى الكلام  
اللى انت بتقوله ده، وعلى كل حال واضح ان ليك نظرة فلسفية جميلة فى  
الحياة.. نظرة كاتب ومفكر".

- متشكر.

- من إمتى تعرف المجنى عليه؟

- من أيام الدراسة.

- تفكر عماد عز الدين اتقتل ليه؟

- ليه؟ ولأ مين؟

- قلت لك ان (مين) دى سابقة لأوانها دلوقتى، وسؤالى واضح - قالها  
بجدية.

هز مجدى الزينى رأسه بهدوء، ثم قال بعدما أشعل سيجارة:

"حاجات كثير ممكن يتقتل بسببها عماد".

- زى..

- كان متعجرف ومتكبر، غير انه شخصية مشهورة.. والمشاهير - زى  
ما انت عارف - عرضة لكل شيء حقيقى وخيالى.. وأقصد بخيالى  
الإشاعات طبعًا.. ده غير ان مجال شهرته خطر لأنه بيكون لنفسه  
قاعدة أعداء.. لما بتفتح ملف فساد بتفتح معاه أبواب جهنم، ولازم  
تتوقع كل شيء سبب ممكن يحصل لك.. الموت بيبقى أسهلهم.. إحنا  
عايشين فى بلد ممكن يحصل فيها أى حاجة.. واللى ضميره صاحى  
فيها مايعرفش ينام مطمئن.. ده غير ان عماد - والأمانة لله - عمره  
ما قبل رشوة من حد على حد علمى.. وإلا ليه كان فى ناس كثير  
بتهدده؟!

- زى مين؟

- مش فاكرهم كلهم طبعًا؛ لأنه ياما حارب فساد ناس كثير، بس  
آخرهم كان على الحسينى، وأدمه ابو العز.

- إم.. طيب تفكر ان رفض الرشوة، والإصرار على مهاجمتهم يخليهم  
يقتلوه؟

- أكيد طبعًا، الناس دى تكره أى حد يحاول يفتح ملفاتها السرية، أو  
يحاول يفضحهم أدام الرأى العام حتى لو كانت الحكومة بتحميمهم.



- قصدك إيه؟!

- قصدى اللي فهمته يا فؤاد بيه، إنت عارف كويس ان فى كثير أوى من رجال الأعمال فمحدش بيحمى فسادهم ولا بيدارى عليهم غير ناس أصحاب نفوذ فاسدين فى الحكومة.. ما البلد دى يا إما يبقى معاك نفوذ تشتري بيه المال، يا إما معاك مال تشتري بيه نفوذ.. دى دائرة محكمة ومدروسة كويس ماتقلش عن المافيا فى حاجة.

- إم..

وساد الصمت للحظات، ثم أطفأ فؤاد الأسيوطى سيجارته وهو يتأمل جدى الزينى، وفى قرارة نفسه لم يتوقع لقاء كهذا، ثم قال:

- بس انت عارف ان مهاجمة الناس اللي زى دى محتاجة يكون معاك أوراق تدينهم، وإلا بكده بتديهم المساحة انهم يقضوا عليك بضربة واحدة.. يعنى لازم يكون فى مستندات وأوراق علشان يكون عندك الجراءة تكذب وتهاجم وانت قلبك مطمئن.. حتى على الأقل تبقى مطمئن نفسك من شرهم.

- أكيد.

- جميل، عماد بقى كان بيحجب الأوراق والمستندات دى ازاي؟! ..  
بمعنى تانى عماد كان ييامن نفسه ازاي؟

- مش عارف بصراحة، بس عماد كان بيستخدم كل الطرق والوسايل علشان يوصل للى هو عايزه.. بدفع رشاوى ماشى.. ستات كان يعرفها مثلا بتساعده مافيش مشكلة.. كل الطرق كانت مباحة لعماد.. عماد برده ماكانش سهل وكان عارف كويس أوى هو بيعمل إيه.. ده غير ان عماد عنده طرق غريبة وجهنمية فى الإقناع.. ده كان ممكن يقتنع الواحد انه يقتل امه من غير ما يتنزه له شعرة.. ماتبصليش كده يا فؤاد بيه.. صدقتى دى الحقيقة.

- بيرفض ياخد رشاوى بس بيدفعها علشان يوصل للى هو عايزه!! ..

- إم.. طيب هو كان ليه علاقات نسائية؟

- كثير - جاءت الإجابة واثقة بسرعة الصاروخ ودون تفكير.

- وإيه اللي مخليك متأكد كده؟

- ده صاحبي، وأنا عارف صحابى كويس.

- إم.. طيب تفكر الموضوع جريمة نسائية؟

- ليه لا؟! .. كل شىء جازي.

- يا ترى تعرف عماد كان بيخبي أوراقه المهمة فىن؟

- لا.. لا ماعرفش بالظبط، بس أحياناً كان بيخبيها فى البيت، أو ودعة

فى البنك.

- إم.. مفهوم.

ناول فؤاد الأسيوطى جمال الزينى ورقة عليها صورة مرسومة بالرصاص لشاب وقد بدت الرسمة لـ (محمد عطية)، ثم قال له:

"يا ترى تقدر تتعرف على صاحب الصورة دى؟"

نظر جمال الزينى فى الرسمة يتأمل لدقيقة تقريباً ثم قال وهو يهز رأسه:

"آه، أظن انى اعرفه."

- ومين هو؟

- الشاب ده انا شفته مرة قبل كده مع عماد.. الكلام ده تقريباً من

حوالى شهرين.. أبوه.. أبوه.. افتكرت كويس.. الكلام ده كان فى

شقة عماد..

- يا ترى زوجة المحنى عليه كانت موجودة فى التوقيت ده؟

رفع جمال الزينى رأسه قليلاً وكأنه يحاول أن يتذكر، ثم قال وهو يهز

رأسه بالنفى:



ابنسم فؤاد الأسيوطى له وهو يقول مداعبًا:  
"العزوية أحسن..".

فايتسم مجدى الزينى بمرارة قائلاً:  
"محدث عاجبه حاله".

- عندك حق، عمومًا شكرًا جدًا.. ولينا لقاء تانى عن قريب.

هز مجدى رأسه وسلم عليه، ثم انطلق فى طريقه مصطدمًا بأحد الضباط وهو يدخل إلى غرفة فؤاد الأسيوطى، بينما قال الضابط بحماس "عرفنا صاحب الصورة يا فؤاد بيه".

"مش فاكّر بصراحة".

- إم.. طيب (وأشعل سيجارة).. مش عارف اسمه؟

- إم.. أظن ان اسمه محمد.. عماد ناداه أدامى.. أيوه فعلاً.. اسمه محمد..

- وإيه صلته بالمجنى عليه؟

- مش عارف الحقيقة.. عماد كان ليه علاقات كتير جدًا، وبناس عمرك ما تتخيل انهم كانوا على صلة بيه.. أقصد علاقات غريبة لو قارناها بشخصية مشهورة زى عماد.

- هو عماد شاذ؟

ضحك مجدى الزينى عاليًا ثم قال:

"اعلرنى يا فؤاد بيه.. غصّب عنى.. سؤال غريب الحقيقة.. يعنى ازاي شاذ وازاي ليه علاقات نسائية"؟!

- عادى يعنى.. بتحصل.

- لاء، عماد ماكانش شاذ ولا حاجة..

- إم.. إنت رحّت فزين بعد ما مشيت من القهوة ليلة الحادث؟

- رُوحت علطول.

- يا ترى فيه حد يأكّد كلامك ده؟

- آه فيه.. البواب.

- إنت مش متجوز؟

- لا - قالها وهو ينكس رأسه.

نظر إليه فؤاد الأسيوطى بتأمل ثم قال:

"وما تجوزتش ليه؟ لو تسمح لى بالسؤال".

- أسباب خاصة ما فيش داعى لذكراها.

- مفهوم.. مفهوم.

حصريات صفحة

روايات مصرية للجيب

على الفيس بوك

by

Ramo

- يعنى انت مش عارف أصلاً، أمال مين اللى يعرف؟ - صرخ بحدة فى وجوههم.

- يا أدهم بيه، إحنا عاملين اللى علينا واكثر، الظابط اللى اسمه فؤاد ده كل تحركاته محسوبة أوى ومدروسة.. يعنى من الآخر عارف بيعمل إيه كويس ومخلى باله من كل حاجة.. والموضوع صعب أوى علشان نطلع بحاجة من وراه.

- ولا يدخل فى زمنى الكلام ده بتعريفه.. إنتوا بتقبضوا منى علشان تشتغلوا.. وتقبضوا انا كده.. وانا مش بديكوا فلوس علشان تفضلوا تنفجوا علينا.. أنا عايز الواد ده قبل ما الحكومة توصل له بأى طريقة.. وعايزه حتى - كان حادًا جدًا صارخًا، وعيناه تقذفان شرًا من النار من فرط الغضب.

- تحت أمرك يا أدهم بيه.  
- حتى لو وصلت الحكاية انكوا تخطفوا حد من عيلته.. - وسكن للحظة ثم قال:  
- هاتولى امه.

لم يتفوه أي منهم بكلمة، بينما قال أحدهم بتردد:  
"يا أدهم بيه.. شقة.. شقة الواد ده بتراقبها الحكومة ٢٤ ساعة فى ال ٢٤ ساعة.. فكرة اننا حتى نحاول ندخل البيت تعرضنا كلنا للخطر.. وكمان ممكن تعرض سيادتك للخطر لو ظهرت فى الصورة؛ لأن القضية بقت قضية رأى عام والحكومة مش ساكنة وشغالة فى كل حتة وعينها منفجلة".

- إم - وهرش فى رقبته وقد بدا أنه يفكر ثم قال:  
"طيب.. إتفضلوا انتوا وماترجعوش من غيره".  
جلس أدهم أبو الغز على كرسيه خلف مكتبه، ثم هز رأسه ممتعضًا قائلاً فى نفسه "أغيبا.. كل اللى بيشتغلوا عندى أغيبا".

- ٣ -

"راقبنا تحركات الظابط اللى ماسك قضية عماد عز الدين يا أدهم بيه زى ما أمرتنا".

أخذ نفسًا من سيجاره الغليظ دون أن يرد، وبدا أنه فى انتظار أن يكمل المتحدث كلامه، حيث كان المتحدث واقفًا أمامه وسط أربعة من الرجال مفتولى العضلات يرتدون ملابس سوداء، بالتاكيد هم حرس خاص لأدهم أبو العز.  
وقال المتكلم بعد لحظات:

"عرفنا يا باشا ان فيه شاب متورط فى القضية اسمه محمد عطية.. ومن ساعة كده تقريبًا الحكومة هجمت على بيته.. واحنا قمنا بشغلنا وعرفنا ان الواد ده ماقيش حيلته حاجة.. عيل غلبان بيجرى على عيلة كبيرة.. أمه وست أ.خوات.. واخوانه كلهم فى التعليم..".

- إم.. والحكومة ماقبضتش عليه طيبًا؟  
- بالظبط يا أدهم بيه، فتشوا الشقة بس ماکانش موجود.  
- يا ترى الواد متهم ولأ شاهد ملك؟  
- والله يا باشا مش متأكد بالظبط، بس الظاهر ان الواد متهم..

دق جرس هاتفه فإذا به يسمع صوتاً يقول:

"أدامك يومين تجهز فيهم المبلغ اللي اتفقنا عليه" كان صوت محمد عطية.

- إنت فين يا راجل؟! ده مصر كلها بتدور عليك - قالها ساخراً.

فقال محمد دون تفكير:

"أظن انهم هيدوروا علينا احنا الاتنين خلال يوم بالكثير لو مادفعتش

الفلوس".

وأغلق الهاتف..

- ٤ -

كانت دعاء تجلس فى إحدى الشقق بصحبة بعض الأصدقاء، وكانت فى هذه اللحظة مسندة رأسها إلى رجل أحد الشباب، بينما كان المكان يضحّ بالموسيقى الصاخبة، وكان آخرون يرقصون ويتناولون المخدرات؛ ففهم من بحقن نفسه بإبر تحمل مواد مخدرة، ومنهم من كان يتعاطى ما هو أقل تأثيراً كـ "الحشيش"، كان فى يد دعاء كوب له شكل القرطاس به قليل من الخمر، وكانت فى عالم آخر مستغرقة فى التفكير.

فى هذه اللحظات قال لها من تمام برأسها على رجليه:

"آه لو عرفوا يا دودو".

فاتبتهت له قائلة:

"ما يعرفوا يا أخى، أنا أساساً مَلَيْت العيلة دى، وخلص جيت أخرى.. بس عموماً ماتقلقش؛ هما اليومين دول واخدهم حوار عماد الكلب والقصة الكسبة بتاعة قتله.. بصراحة ماتعرفش أد إيه انا فرحانة باللى حصل له".

- إنتى بتكرهيه للدرجادى؟

- آه طبعاً، ده كان أكبر منافق وغيبى.. وخاين كمان.

- ممكن يكون عندك حق، بس ما اظننش انه كان غيبى.

فنهضت من مجلسها بصعوبة لتعتدل فى جلستها، ثم صاحت بحددة:

فتلملأ أدهم أبو العز فى مكانه وهو يتلفت يمينا ويساراً بحددة من فرط الغضب وكأنه لا يدري ماذا يفعل، مرت عليه اللحظات التالية فى توجس وحيرة وأعصاب منهارة؛ فأدهم أبو العز رجل الأعمال الذى لا ينتمى لأحد سوى نفسه، يعلم كيف يحمى نفسه من الأنياب الضارية، ويعلم تماماً كيف يدق على الحديد وهو ساخن ليظفر بأهم الصفقات التجارية، كانت له صفقات مشبوهة متعددة يساعده فيها بعض الرجال الفاسدون ذوو النفوذ فى الدولة، كما أنه كان يتاجر فى المنوعات، أية ممنوعات طالما وصلت إليها يديه، كان أيضاً شخصية عملية ذكية للغاية ولكنها لا ترحم كل من يعترض طريقها، يمكنه أن يشتري كل الضمائر.. نعم جميعها.. فإن لم يكن بالورد فيالقورة والوعيد، وكل من رفض له طلباً كانت نهايته معروفة؛ فلماذا أن يلقى له قضية ويزجه فى السجن ما تبقى من حياته، وإنما أن يصل الأمر إلى القتل، المهم أن يظل أدهم أبو العز رجلاً لا يستطيع أحد أن ينال منه، ولكنه فقط عماد عر الدين الذى وقف فى طريقه كعقبة كبيرة، يملك مستندات قد تودى نهايتها بأدهم أبو العز.. نعم تقسمه نصفين متفحمين للأبد..

"لا، كان غيبي.. فاهم..؟ كان غيبي.."

فنظر إليها المتحدث مرتعدًا من شكلها وهي تصيح ثم قال:

"ماشى ماشى.. إهدى اتنى بس".

فابتسمت ابتسامه خرقاء كتلك التى يتسمها المجانين حينما يحاول

الطبيب النفسى تهدئتهم، ورفعت الكأس الخاوية قائلة:

"فى صحة قتل عماد عز الدين".

فنظر إليها يتوجس قائلاً:

"فى صحة قتله".

وبعد ثوان قال لها:

"قوللى..".

- ها..

- تفكرى مين اللي قتله؟!

صمتت للحظة ثم قالت بغموض:

"ده قديم أكبر خدمة ليا ولكل اللي يعرفوه".

فقال مازحًا:

"إمم.. سيك اتنى.. قولى لى بقى أخبار حبيب القلب إيه؟"

- بصراحة.. ماشفتوش من مدة - قالتها بحزن.

وسكنت للحظة ثم قالت:

"بس كده أحسن فى الظروف اللي احنا فيها".

- إتنى لسه ماقلتيش للبيت انك اتجوزتى؟

- إنت اهبل يا ابنى؟! أكيد لأ طبعًا..

- بس مسيرهم يعرفوا..

- معقول؟!

- آه طبعًا.. مافيش حاجة فى مصر بتستخى أكثر من سنة.

- لا.. ما اطنش، أمى ست بخيلة ومشغولة عننا بسبب فلوس أبويا..

يعنى من الآخر مش فاضية لحد.. عندها كمية فلوس مااعرفش

هتصرفها إمتى، ولا شيلها فى البنك ليه أساسًا!.. وكل ما اجى

اطلب منها حاجة تقول لى دى فلوس المرحوم.. طيب لما هى فلوس

المرحوم مدفنتهاش معاه ليه وريحتنا؟!.. إيه فائدة الفلوس لو ماالتمتعناش

بيها؟!.. هى ست طيبة وكل حاجة بس أنانية ومايتحبش غير هند..

ده انا ساعات بحس اتنى لقيطة - وسكنت للحظات حيث وضحت

فى عينها لمحة من الذكريات، ثم أردفت تقول باشمتراز:

- هند.. البنوتة المدلعة من وهى صغيرة، عايشة اليومين دول دور البطلة

فى رواية الملهاش أى ثلاثين لازمة.. عارف انت البطلة اللي بتتجوز

راجل مايتحبوش وعايشة بين ذكرياتها بتدور على الحب القديم..

عارف انت الحوارات الفكسة دى.. هند خاوية وعاملة فيها مقهورة

مع إنها مقهورة بإرادتها هى.. وهى عارفة كده.. بس ماقتهمش بقى!

- إتنى بتكرهها أوى كده؟!

نظرت إليه بتأمل ثم قالت بغموض:

"لأ.. أنا مايبكرش هند، بالعكس، دى عمرها ما حاولت تذبذبنى أو

تضايقتنى.. بس هى صعبانة عليا بجد.. وبالعين أم الدور الغيبي اللي هى

عايشاه فى حياتها ده، ياما قلت لها ان حياتنا مش مسرحية درامية نتختار منها

الدور اللي يناسبنا أو اللي يمشى مع رتم حياتنا.. الحياة يا إما تعمل فيها الصح

وتعيش صح، يا إما تروح تموت نفسك احسن".

ونفضت من مجلسها وتناولت معطفها وسارت نحو الباب فقال:

"إتنى رايحة فىن؟!"

- إيه.. انت نسيت انى البنت البرينة اللي ماتعرفش حاجة عن الدنيا  
وماعندهاش أى خيرة فى أى حاجة؟! .. وماينفعش طبعًا بنت زى  
دى تتأخر عن البيت - قالتها ساخرة ثم ضحكت عاليًا.  
- إننى كداية، والله شكلك رايحة لحبيب القلب.

فرمقته بنظرة ساخرة ثم قالت:

"مافيش حبيب قلب يا ابني، على العموم زى ما قلت لك ماينفعش  
تتقابل بسبب ظروف اليومين دول.. أشوفك بكره .. باى".  
- باى.

الفصل الخامس

# Rama

- ١ -

جاء تقرير الطب الشرعى وكان فى هذه اللحظة بين يدى فؤاد الأسيوطى الذى كان فى حالة انتباه شديدة . عيناه نافذتان، وحواسه كلها تشعر وكأنها داخل التقرير . فقد كان فؤاد الأسيوطى ينظر إلى تقرير الطب الشرعى على أنه الصديق الذى سيزيل تلك الغشاوة التى غطت إحدى عينيه؛ حيث كان مؤمناً بأن القضية حتى الآن لم يظهر منها سوى جانب واحد فقط .  
كان التقرير يقول ..

"لقد توفى المجنى عليه مباشرة إثر رصاصة اخترقت الرأس، وتبين لنا أن الرصاصة التى تسببت فى الوفاة رصاصة من "مسدس ٩ ملمى"، ولا يوجد بالجنحة أى نوع من الكسور أو الخدوش، وقد حدثت الوفاة ما بين الساعة الواحدة والنصف والثانية والنصف بعد منتصف الليل .. إلى آخره".  
كان فؤاد الأسيوطى يعيد قراءة التقرير وخصوصاً الجزء السابق أكثر من مرة بصوت جهورى أحياناً وبصوت خافت أحياناً أخرى؛ فأحياناً يشعر بأنه يريد سماع صوته، وأحياناً أخرى يتوق إلى الهدوء والتركيز حتى من صوته .. وشرعت الأمور تدور فى رأسه سريعاً، والأفكار تتزاحم، والأسئلة تنهش فى عقله الضعيف . فأشعل سيجارة واثنين وثلاثة .. حتى انتهت جميع السجائر ولم يصل إلا لمجرد أسئلة .. أسئلة عميرة للغاية . . تزيد الأمر برمته غموضاً .

# حصريات صفحة

## روايات مصرية للجيب

### على الفيس بوك

by

## Ramo



"مافيش أى نوع من الكسور أو الخدوش، المكتب كان مترتب ونظيف لما لقينا الجنة.. ده معناه إن ماكانش فيه أى نوع من المقاومة.. الحمد لله ان الرصاصة اخترقت دماغ المجنى عليه واستقرت فى الحيط وإلا كنت هدخل فى موال المألوس آخر.. وده معناه ان أوضة النوم اللي لقيناها متبهذلة.. اتبهذلت بعد ما عماد اتقتل.. يعنى القاتل كان بيدور على حاجة.. حاجة معينة".

أخذ نفساً عميقاً وأكمل تكهيناته: "إم.. لو كانت الرصاصة ماعدتش من رأسه كنت دخلت فى متاهة "على بابا"، وأكيد مش هلاقى سمس اللي يفتح بمجرد الندا عليه.. لأن وقتها القاتل ممكن يكون قتله فى أوضة النوم اللي كانت مقلوبة، وبعد ما يقتله فى أوضة النوم ينقله لأوضة المكتب علشان يضل العدالة.. بس لأ.. العناية الإلهية دائماً فى صف العدالة.. أنا مش فاهم المجرمين اللي بيتصوروا ان ربنا واقف جنبهم وهما بيرتكبوا جرائمهم يفكروا كده ازاي؟.. ده إيه القرف والكفر ده!!

وبسرعة شرع بقلب فى الأوراق وفرد أمامه العديد منها وشرعت عيناه تتحركان بين الأوراق، يقرأ ورقة من هنا وملاحظة من هناك، فيهز رأسه للحظة راضياً عن شىء، ولكنه سرعان ما يبدو ممتعضاً لشيء آخر خطر بباله، ويتخلل كل ذلك سجائر لا تنتهى. مرت ساعة ونصف تقريباً وهو يفكر، ويهدوء.. أمسك قلمه وأتى بورقة، وشرع يكتب وهو يفكر:

"عماد عز الدين اتقتل بين الساعة واحدة ونص والساعة اتين ونص بعد نص الليل.. والبواب ماكانش موجود لما رجع عماد من بزه، واقدر اقول ان عماد رجع من بزه بمجرد ان البواب راح مشواره.. معنى كده ان عماد وصل تقريباً ما بين الساعة واحدة وربع وواحدة ونص بعد نص الليل".

١ - آخر واحد شافه.. خالد مختار.

٢ - مافيش كسور أو خدوش وده معناه ان محاصلش أى نوع من المقاومة بين القاتل والمجنى عليه، وده بيرجع ان فيه حاجة من الاتنين.. الحاجة الأولانية ان فيه سابق معرفة بين عماد والقاتل.. وقتها عماد هو اللي فتح الباب، وبعد دقائق حصلت بينهم مشادة.. فاتقتل عماد وهو قاعد على مكتبه، أو ممكن يكون القاتل كان مبيت نية القتل وفاجئ عماد من غير أى مشادات.. الحاجة الثانية ان القاتل عنده نسخة من مفتاح الشقة.. وكان بيراقب المكان كويس.. ومش بعيد القاتل كان مستخفى فى الشقة يستنى عماد لما يرجع من بزه، ولما حس انه خلاص كله تمام دخل عليه وقتله على طول.. أو انه دخل بعده وبرده عمل نفس الحكاية.

٣ - اختفاء أوراق رغم وجود المال - حاجة غريبة ومريبة فى الوقت نفسه ويعتبرها أكبر غلطات القاتل؛ لأنه لو كان عايز يضل العدالة كان أخذ الفلوس فيبان انها حادثة قتل بغرض السرقة.. إم.. ده معناه ان القاتل كان بيدور على حاجة معينة.. شىء يهمه هو بالذات، بس لو الموضوع مرتبط بس بالأوراق، يبقى عماد عز الدين اتقتل ليه؟ ما كان ممكن القاتل يجى فى غياب عماد ويسرقها وخلاص؟، أكيد كان القاتل عارف ان عماد مش هيهذله بال لو عرف بسرعة الأوراق.. النقطة دى مهمة جداً، بس عماد يقدر يعمل إيه من غير أوراق؟.. يا ترى القاتل شاف ان موت عماد أحسن علشان المسألة كلها تنتهى؟.. ما اظنش.. ده أمر مستبعد.. محدش هيحط نفسه فى دائرة الشك وخصوصاً بتوريط نفسه فى جريمة قتل.. ده اللي بياكد لى إن الدافع اللي مات بسببه عماد عز الدين مرتبط بحياته الخاصة مش بحياته المهنية..

مافيش مقاومة.. مافيش اقتحام.. جريمة قتل.. مافيش شيء اختفى.. غير شوية أوراق..

٤ - في التوقيت ده القاهرة شبه فاضية.. والطريق من القهوة لشقة عماد يياخد بالكثير من ٧ دقائق ل ١٢ دقيقة تقريباً.. وآخر واحد شافه حى هو خالد مختار، وأول واحد شافه مقتول برده خالد مختار.. إيمم.. غريبة.. ولو فعلاً اللي يفكر فيه صح.. إيه اللي هيخلى خالد مختار يقتل عماد؟ مافيش جريمة من غير دافع.. أنا حاسس انى هنتجنن!!  
"معقول الواد اللي اسمه محمد عطية ده هو اللي قتله؟!، ولا فى حاجة تانية مش واضحة؟!، والأوراق اللي كانت أهم الدوافع لقتل عماد عز الدين.. يا ترى الأوراق دى تخص مين؟! مين ده اللي يهمه الأوراق دى لدرجة القتل؟ ممكن يكون محمد عطية أداة تنفيذ؟ ولا إيه؟! معقول أشرف زيدان الكاتب اللي اتهور وهدد عماد هو اللي قتله بكل بساطة كده.. معقول بعد ما هدده فى مكان عام وأدام الناس؟!.. مافيش حد من فصيلة الناس دى يهدد وينفذ على طول ولا حتى ينفذ بعدين.. وبعدين فى حد بيتوى القتل يقوم يروح يقول للى هيقتله هقتلك؟ عموماً مافيش شيء مستحيل فى عالم الجريمة بس انا مستبعد الفكرة.

أداة القتل مفقودة والدوافع كثير.. صراع.. حقد.. سياسة قذرة.. وشوية أفتعة عاملين نفسهم نجوم مجتمع.. ونسوان وسخة.. يا ترى أى أداة من دول اللي قتلتك يا عماد؟.. أنا شايف يا صاحبي انك فعلاً كنت تستحق القتل."

اتصل هاتفيًا بأحد الضباط وأمره بأن يأتيه فى الحال، وحينما دلف الضابط إلى غرفة مكتب فؤاد الأسبوطى كان الأخير منغمساً فى أفكاره فقال وهو يتنحج:

"إحم.. فؤاد بيه؟"

فتنبه فؤاد الأسبوطى رغم أن عينيه مازالتا غائبتين فى مكان آخر فقال:  
"اقعد يا هانى".

- متشكر يا باشا.

- إنت متابع معايا قضية عماد عز الدين من البداية، وأنا عارف إنك ذكي، إيه اللي انت شايفه فى القضية دى لحد دلوقتى؟.. بس عايزك تقول لى رأيك وافتراساتك بعد ما تقرا التقرير ده - وناوله التقرير.

قرأه هانى فى دقيقة وأطرق برأسه مفكراً، ثم قال بعد لحظات:  
"واضح ان القاتل يعرف المجنى عليه، أو أن القاتل معاها نسخة من مفتاح الشقة".

- إم.. ها، وإيه كمان؟

- إم.. أنا ميال للافتراض الثانى أكثر يا باشا؛ لأن المجنى عليه شخصية ذكية جداً، واللى عرفناه كمان من تحرياتنا ان عماد شخصية متشككة أوى، يعنى يبشك حتى فى نفسه لو جاز التعبير، فأنا شايف أنه من المستحيل إن عماد ممكن يفتح الباب لحد شايف انه ممكن يئذيه أو مييت له الشر.. ده رأى.

- وده رأى سليم - وأخذ نفساً عميقاً من السجاعة ثم قال:

"إنت كلامك مذبوط يا هانى، بس فى حاجة مهمة أوى.. إن عماد ممكن يكون فتح الباب فعلاً؛ لأن القاتل ممكن يكون حد يعرفه كويس، وفى الوقت نفسه مايتوقمش منه كده".

- والله يا باشا ممكن يكون صح، بس المشكلة.. مين ده اللي يعرفه المجنى عليه كويس وفى نفس الوقت يجيله فى توقيت زى ده؟!..  
إيه الغرض من زيارة نص الليل دى؟! اللي كان آخرها قتل المجنى عليه؟!؟

- هو ده السؤال اللي يحيرني يا هاني - وأخذ نفساً من السجارة ثم قال بعد لحظة من الصمت:

"يمكن يكون محمد عطية هو اللي قتله؟! .. علاقته بعماد عز الدين كانت علاقة غريبة ومشبوهة، ومن التحريات اتضح لنا ان الشاب ده ما يشتغلش في أى جريدة.. ده غير انه فقير وبعيد تماماً عن حياة عماد.. فهل ممكن يكون الواد ده جاله مثلاً وطلب منه فلوس فحصلت بينهم مشادة فقتله؟"

- ليه لأ.. بس جاب منين السلاح؟

- يا هاني بيه، إنت عارف ان مسألة السلاح دى مابقتش صعبة اليومين دول، وبعدين صحاب الواد ده فيهم عيال كثير مشبوهة ويمكن يساعده.

- بضم صوتي ليك يا باشا، بس ده معناه ان محمد عطية كان ناوي شر من البداية.

- أظن كده، وإلا ليه راح له في ساعة متأخرة كده؟! وابتسم قائلاً:

"عماد مش شاذ ولا بيتعاطى مخدرات."

فابتسم هاني وهو يهز رأسه بالموافقة قائلاً:

"من اللي عرفناه إن أم الواد ده عيانة أوى، ولو ما عملتش عملية هتموت.. يعني دافع القتل عنده موجود.. فسرق الصندوق على أمل إنه يلاقى فيه حاجة تنفعه."

- ما هو ده اللي يحيرني يا هاني، الواد ده عمل كل حاجة ببرود أعصاب وخصوصاً زى ما انت عارف انه قابل البواب وهو نازل من عند عماد.. يعني الواد ده اختار باب الشقة وسيلة للهروب.. يعني مهربش من باب المطبخ اللي لو خرج منه محدش هيشوفه.. ومانتساش ان باب المطبخ بيودى على سلم جانبي.. يعني مخرج ثاني خالص

من العمارة.. تمام؟.. يبقى ازاي بقى يسبب الفلوس الجاهزة وياخد صندوق مجوهرات مش عارف هيوديه على فين؟! وكمان خرج من باب الشقة.. ده إيه الثقة دى (قالها ساخراً).. ومانتساش ان الواد ده في عرض جنينه، وأى قرش بالنسباليه زى مليون جنينه.

- ده سؤال كويس، بس مش يمكن ماخدش باله، أو يمكن اكتفى بالصندوق على أساس ان المجوهرات قيمتها في تصويره أكبر من قيمة الفلوس؟

- ما اظنش يا هاني بيه.. في حاجة ثانية مش واضحة.. ما فيش حد هيقتل ويعمل ده كله ويسبب مبلغ وراه بالسهولة دى، أنا ممكن اقتنع بحاجة ثانية.. إن الواد ماكنش أكثر من أداة لقتل عماد عز الدين وسرقة الصندوق اللي فيه أوراق مهمة.. ورغم اني شاكك في الحكاية دى كمان ولأسباب واضحة من كلامنا، إلا إنه الاقتراض الوحيد المقبول لحد دلوقتى، وأدبني يستجوب كل اللي في حياة المجنى عليه.. زى ما انت عارف حياة المشاهير مليانة علاقات شرعية وغير شرعية، وعلاقات مشبوهة كمان زى علاقة المجنى عليه بمحمد عطية كده.. ده غير الصراعات.. هتيجي بقى تجمع كل الأمور دى هتلاقى ألف واحد عايزين يقتلوا عماد عز الدين ألف مرة، ده غير ان في حاجة مهمة جداً يا هاني.. الواد اللي اسمه محمد عطية ده عمره ما دخل قسم بوليس ولا اتحرر ضده حتى مخالفة، يعني الواد ده مش مسجل ولا حاجة.. معقول بقى تكون أول جريمة قتل.. جريمة قتل؟.. ده لو أنا شايف ان الواد ده وراه سر كبير ودافع أكبر في قضيتنا دى.. ده لو كان فعلاً قتل.. واللى خايف منه بجد بقى.. إنه يكون الواد مش أكثر من عابر سبيل في قضيتنا دى.

- زى ما قلت لك.. كل شىء وارد، وحاسس ان بمراقبتنا ليهم هيبان  
حاجات كثير.

- تمام يا باشا.

انطلق هانى خارج غرفة المكتب وفؤاد الأسبوطى يتابعه بعينه اللتين  
سرعان ما غرقتا فى التفكير مرة أخرى.

## حصريات صفحة

## روايات مصرية للجيب

## على الفيس بوك

by

Ramo

هز هانى رأسه بالموافقة ثم قال:

"اظن ان الأمور هتوضح قريب أوى، وخصوصًا اتنا فى حالة بحث  
مستمرة وعلى نطاق واسع علشان نقبض على الواد ده".

- أمتنى يكون ده قريب أوى.. ده غير ان التحقيق مع أشرف زيدان أكيد  
هيوضح حاجات تانية لسه ماانكشفتش فى قضيتنا.

- إنت مااستجويتوش لحد دلوقتى يا باشا؟

- فى الأقصر ياسيدى.. شغال هناك على تحقيق صحفى مهم.. ده غير  
ان فى هناك مؤتمر عالمى هتقيمه الصحافة واستأذنى ابنى أدبيله فرصة  
يومين.. ماتنساش انه ههدد المجنى عليه ليلة الحادثة وفى حضور شهود  
عيان.. والموقف محرر جدًا بالنسبة ليه.

- بس يا باشا لو كان هو القاتل.. كده أدامه فرصة يأمن بيها نفسه أو  
حتى يهرب؟

- ماتقلقش، إحنا مراقبينه الـ ٢٤ ساعة لحد ما يشرف، وبعدين أشرف  
زيدان مش بالغباء ده.

- على كل حال أنا شاكك فى حكاية ان أشرف زيدان ممكن يكون  
القاتل؟

- مش شرط، كل شىء وارد فى عالم الجريمة.. وماينفعش نهمل تفصيلا  
ونخلى بالننا من الثانية.. كل شىء وارد يا هانى.. إنت بس كنف  
جهودك واعمل اللي قلت لك عليه، والأهم من ده كله ماتشلىش  
عينك من على بيت محمد عطية، وتراقب لى كويس يوسف أباطة  
ومجدى الزينى وخالد مختار وزوجة المجنى عليه واختها اللي اسمها  
دعاء..

- تمام يا باشا.. إنت شاكك فيهم ولا إيه؟

أمر ان ماياخذش رأى حد فى حاجة.. أكيد انت عارف الحكاية دى.. أما الأمور اللي انت بتتكلم عليها دى حتى لو حصلت عماد مش بتتكلم فيها".

- أي أمور؟! -

- التهديدات والحاجات اللي شبه كده.

- آه لو اعرف مين ابن الكلب اللي اتجرأ وقتله؟

نظرت إليه بدون اهتمام وقد وضحت عليها اللامبالاة ثم قالت بخفوت:  
"ربنا كريم".

- أنا سمعت انهم شاكين فى اكثر من متهم، ومنهم واحد ممكن تكونى عرفاه.

- مين؟! -

- شاب اسمه محمد.. جه لعماد قبل كده.. جاله فى الشقة.. أنا شفته معاه قبل كده.

- آه فعلاً، الطابط سألنى عليه.. (وهزت منكبها) بس انا مااعرفوش.. ماشفتوش غير مرة واحدة.

- وشكله كان إيه؟

- مش فاكراة يا مجدى شكله بالطيب.. بس شكله مش مجرم ولا حاجة.. يعنى غلبان وملخبط كده، وكان مكسوف ومحروج.. عارف انت

الكسوف اللي ببيان على الناس الفقرا لما تيجى تعطف عليهم..؟

- آه، فاهمك.. ممكن يكون عماد فعلاً كان يعطف عليه ولا حاجة. فابتسمت ساخرة وهى تقول:

"عماد ماكانش يعطف على حد يا مجدى وانت عارف ده كويس.. وعارفه أكثر منى كمان".

- غريب!

- ٢ -

"إزيك يا هند؟ عاملة إيه دلوقتى؟"

- بخير يا مجدى.. الحمد لله..

- أنا عارف ان الموضوع صعب، بس دى إرادة ربنا يا هند.. ربنا يعينك.

هزت رأسها ببطء وعيناها شاردتان وهى مطرقة إلى الأرض يتملكها الحزن، بينما كان مجدى الزينى ينظر إليها بترقب محاولاً أن يجد الكلمات ليضمد جراحها المريرة، وبعد هلة قصيرة قال وهو يشعل لفاقة تبخ:

"لازم تكونى عارفة ان ربنا دائماً يختار لنا الأصلح والأنسب فى حياتنا حتى لو كنا مش فاهمين كده دلوقتى.. أكيد بنفهم حكمته دى بعدين..

دلوقتى لازم تفكرى فى نفسك وفى اللي جابى.. وسكن للحظات ثم قال:  
"آه صحيح.. كنت عايز اسالك فى حاجة كده؟"

رفعت عينيها ببطء دون مبالاة وهزت رأسها متسائلة فقال مجدى:

"عماد - الله يرحمه - مقلكيش على أى حاجة غريبة حصلت معاه فى الفترة اللي قبل وفاته..؟"

هزت رأسها بالنفى وهى تقول:

"إنت عارف إني انا وعماد متخاصمين من قبل الحادثة بعشر تيام، ده



- إيه اللي غريب فى كده يعنى؟
- مش عارف...! بس إيه صلته بعماد؟! وإيه اللي يخليه يقتله لو كان فعلاً قتله؟!!
- يمكن الطمع.. أما صلته بعماد.. فهو قال لى انه عامل عنده فى الجريدة وكان جايله ورق مهم.
- أطرق مجدى الزينى مفكراً لتوان ثم قال:  
"إنتى عارفة ان عماد ممكن يعمل أى حاجة علشان يجيب الأوراق اللي دلماً بتدعم موافقه لما يجي يفتح أى ملف فساد".
- آه عارفة.
- ممكن يكون حد من اللي عماد كان بيحارب فسادهم دفع لمحمد ده مبلغ محترم علشان يقتل عماد ويجيب الأوراق.. اللي أساساً قبل كده ممكن يكون محمد نفسه هو اللي جابهاله.
- وهو انت متوقع ان عماد كان يقول الصراحة لما قال لى إن الشاب ده جايله ورق؟!!
- مش عارف.. بس ليه لا؟!!
- والله ما انا عارفة.. بس عموماً هو لما قال لى ماكانش باين عليه انه كان بيكذب.. بس فى حاجة تانية..
- إيه هي؟
- إن عماد أكثر راجل فى الدنيا بيبان صادق لما يجي يكذب.. شغله فى الصحافة أذاله خبرة واسعة فى الحكاية دى.. ما انتوا كللكوا كده يا مجدى ومن زمان أوى.
- قصدك إيه يا هند؟ يعنى انا كداب؟!!
- كللكم كده، والتاريخ شاهد على كلامى ده.. وهاتلى أى شىء يثبت

- العكس.. إنتوا كللكوا معجونين من نفاق وكذب وخيانة
- نظر إليها مجدى الزينى بعينين حزبتين متمعضاً والألم يعتصر قلبه ثم قال:  
"الله يسامحك يا هند، ده انا جاي أواسيكي واساعدك".
- وانا ما طلبت مساعدتة من حد يا مجدى.. لا طلبتها منك ولا من غيرك،
- ده حقك علينا يا هند، وعموماً أنا مقدر ظروفك والعصية اللي اتتى فيها، ودلوقتى اسم..
- ودق جرس الهاتف الحلوى لهند فأشارت له بيدها مقاطعة ثم ردت قائلة:  
"الو" .. أهلاً بيك.. الحمد لله على كل حال.. فى إيه؟.. إنت متأكد من كلامك ده؟.. أكيد طبعاً لازم ناخد بالننا من كل حاجة.. بس انت ليه ماتقلبت دلوقتى؟!.. خلاص تمام.. هكون فى انتظارك إن شاء الله.. مع السلامة".
- أغلقت الهاتف ونظرت إلى مجدى وأخذت نفساً عميقاً بينما قال هو:  
- أكيد ده رئيس المباحث فؤاد الأسيوطى.
- لأ..
- انتعقد حاجبا مجدى متعجباً ولم يحاول أن يسألها عن ماهية المتصل، ثم قال وهو يللم نفسه بعد سوء المقابلة التى قابلته بها هند:  
"استاذنك دلوقتى، وهبقى ارجع أطمئن عليكى، وسواء كنتى عايزة ده أو مش عايزاه.. ده حقك علينا يا هند، ولازم أكون جنبك فى المرحلة الصعبة دى".
- هزت رأسها مبتسمة ابتسامه ساخرة مريرة دون أن تنطق بكلمة، ورمقتها هدى للحظة ثم انطلق فى طريقه خارجاً من منزل أمها، وحين خرج جاءت إليها أمها وهى تقول:



"باين عليه زعلان أوى، إبه اللي حصل؟"

- مافيش حاجة يا ماما..

- يا بتى هوّنى على نفسك شوية، ده ماجاش إلا علشان يواسيكي..  
الراجل ماغلطش.

فقالت بهدوء لا يخلو من الحدة وهى تنهض من مجلسها بعصبية:

"وانا مش محتاجة حد يواسيني يا ماما".

فظفرت إليها أمها وهى تغادر، بينما أطرقت رأسها إلى الأرض وقد طافت بعينها لمحة من الذكريات.

- ٣ -

كان محمد عطية فى هذه اللحظة يقف فى مواجهة المعلم سيد الذى ظل واجماً مطرق الرأس يفكر وهو يمسك بـ"لاى" الشيشة بعدما سمع اعتراف محمد عن سر اختفائه عن العيون، ولماذا استعان بالمعلم سيد فى هذا الأمر، وبعد دقيقة تقريباً كان الصمت يخيم على كل شيء حتى على صوت الشيشة التى أصيبت بمفاجأة أطلقها محمد عطية فى وجه كل شيء، لم يبدُ على المعلم سيد أى نوع من التعبيرات؛ فهو صاحب ملامح غليظة وصلبة لا تفصح عن أى شيء، ولا تضيء بما يجيش فى أعماقه، وانطلقت منه بعد وهلة تنهيدة عميقة وكأنه عاد إلى الواقع مرة أخرى وقال:

"ده انت فى مصيبة يا ابني.. ده انت كده ركبت التروماى ومش نازل".

- عارف.

- الحكومة مش يهدالها بال غير لما تحطّ الكلبوش فى إيديك.. وفى قضيتك دى هتلبس الأحمر يعنى هتلبس الأحمر.. حتى لو جبت الجن يدافعوا عنك.

- يا معلم كل ده ولا يهمنى سواء عديمونى وآآ سجنونى وآآ حتى دتخلونى النار.. كل ده ولا فارق معايا فى أى حاجة.. كل اللى فارق معايا أمى اللى هتموت قريب لو مالحتهاش وعملت لها العملية،

## حصريات صفحة روايات مصرية للجيب

على الفيس بوك

by

Ramo

ده غير إخوانى اللي أكيد هيتشردوا من بعدى.. أنا مافيش أدماى حل تانى، واللى بدأتُه لازم اكمله.  
هز المعلم رأسه متفهما ثم قال:  
"بس انا عندى سؤال كده؟"  
- إيه هو؟

- انت بجد مقتلتش عماد عز الدين؟

- أحلف لك بإيه يا معلم انى ما قتلتُه.. أنا كان فى نيتى وأنا رابع له انى أقتله، وانت عارف الحشيش لما بيكون ثقيل بيحسسك انك لو فوت فى الحيط هتعدى من الناحية الثانية.. بس انا بقى اللي كنت هموت من الرعب ساعة ما دخلت شفته.

- بس الحكاية غريبة أوى يا محمد.. يا ترى مين صاحب الصوت اللي انت سمعته وانت هناك فى الشقة؟ وبعدين سيك من هو مين.. إيه الحظ النحس ده اللي بعتك فى ليلة غيرة زى دى؟ ده اللي أهم من ده كله.. يا ترى صاحب الصوت ده شافك ولا لا؟.. إنت ماسألنش نفسك السؤال ده؟!.. لأنه لو كان شافك أكيد هيدور عليك؛ لأنه فاهم إنك شفته، ووقتها ممكن تتحالك بالسرقة.. بس لو عرفت توقعه، وبيا سلام لو معاك محامى شاطر.. ممكن تاخذ حكم مع إيقاف التنفيذ؛ لأنك فى الوقت ده هتكون شاهد ملك.. اسألنى انا ده انا قاموس.

صمت محمد عطية للحظات وكأنه لا يعنيه ما قاله المعلم سيد ثم قال:

"وايه أريك فى موضوع الورق يا معلم؟"

فرع المعلم سيد رأسه ناظرًا له وهو يتحسس طرف الشيشة بشفتيه وقال:  
"لا إنت عجبتنى بالأمانة.. عملت حركة شديدة يعنى.. ضربة معلم، وبصراحة مستغرب.. جبت الجراة دى منين؟!"

- ده انا كنت هموت من الخوف وأنا بكلم اللي اسمه أدهم ابو العز ده فى التليفون.. أصل الحاجات دى كنت بتفرج عليها فى الأفلام الأجنبية.. أصلى مدمنها يا معلم.  
ضحك المعلم سيد ثم قال:

"بس اللي انت فيه مش فيلم يا محمد، ومش هتقدر تعيد مشهد واحد لو ماعجبكش يا برنس".

- عارف يا معلم - وهز رأسه ثم قال:

"بس يا معلم قلت إيه فى العرض اللي عرضته عليك؟"

- والله عرض ميه ميه وعشرة كمان، ويمكن يحول حياة أوى بنى آدم.. خمس أرناب مش قليلين برده.. بس فى حاجة انت ناسيها.. اللي زى دول مايدفعوش من غير دم.. ده إذا دفعوا.. ومش هيسبيوك حى.. حتى لو سلمتهم الورق ببلاش.. يا محمد انت زى اخويا الصغير.. صدقتى انا عارف الدنيا الوسخة دى ماشية ازاي.. مافيش حد دخل الكار ده بمزاجه، واللى دخل لازم يكمل.. واللى إيدُه اتعاضت بالدم مستحل يجب ورا، ويقى القتل عنده أسهل حاجة.. والمكتوب مامتوش هروب، وانت خلاص دخلت اللعبة.. يعنى انسى.

وضح لمحمد عطية أن المعلم سيد لم يكن فقط مجرمًا، بل كان حكميًا وشهيمًا أيضًا، فلم يفكر فى المبلغ الذى عرضه عليه محمد بقدر ما فكر فيه والإم سيؤول الأمر، ولم يطرده مثلاً عندما علم أنه معرض لكارثة تمثل فى مواجهة رجل له نفوذه وسلطته، وأنه بالتأكيد لا يريد الدخول فى مثل هذا الأمور الذى ستعرضه للخطر بكل تأكيد، ولكن المعلم السيد كان يرى أن كلمته التى أعطاها محمد منذ البداية والتى تتضمن حمايته لا يمكن أن تسقط.. فى

هذا المجال قد يبيع المرء حياته - حتى وإن كان مجرمًا - لمجرد أن يحافظ على كلمته؛ فهو يعتبرها جزءًا لا يتجزأ من رجولته، فإن سقطت كلمته سقطت رجولته.. هذا ما اعتقده محمد، ولكن الحقيقة في صدر المعلم سيد تختلف تمامًا؛ حيث كان يرى أن الملايين الخمسة التي ستأتيه ستغير حياته، وستدفعه ليزيد حجم تجارته المتنوعة.. كما أنه لن يخسر شيئًا.

بعد هدوء استمر لدقائق تخللها التفكير من الطرفين، قال المعلم سيد:  
"أكيد الحكومة ستتجوب سعد صاحبك.. وأنا عارف ان سعد مش هيوصلهم حاجة.. هو عيل جدع وراجل الصراحة، ومستحيل يبيع أصحابه، بس المشكلة مش في الحكومة.. المشكلة في أدهم ابو العز ورجاله".

- قصدك إيه يا معلم؟

- أي حد في الدنيا.. حتى لو هو مين.. يجي أدام الفلوس وينتج.. هي كده.. الفلوس ياما غيرت نفوس..

- لا لا.. ما اظن ان سعد ممكن يبيعي بالساهل كده - قالها مستنكرًا بحدة.

- والله يا ابني أهني.. بس عمومًا ماتلقش؛ لأنه مش هيجونك.. مش علشان الصحوية اللي بينكوا، بس علشان بيخاف مني ويعمل لي ألف حساب.. وعمومًا انا قبلت عرضك.

وقام ليصافحه وكأنه وقع اتفاقًا ثم قال:

"أما خطة التنفيذ فسيبها؛ لأن دول مش هيدوك حاجة من غير ما ياخدوا معاهار قبتك ورقبة أي حد يعرف موضوع الورق ده".

- للدرجادي؟!

- طبعًا للدرجادي واكثر.. إنت يا ابني حااط السكينة على رقبته بالورق اللي معاك ده.. وكل اللي يعرف موضوع الورق برده حااط السكينة على رقبته؛ لأن نشر ورقة واحدة من الورق ده يودي

في ستين داهية، ده غير الفضايح وخلافه.. وماتناساش ان فيه ناس كثير أوى متسنين انه يقع علشان مصالحهم طبعًا؛ لأن أدهم ابو العز عامل زى اللقمة اللي في الزور لناس كثير.. عايزك بس تعمل زى ما هقولك، وان شاء الله خير.. تعالى بقى اقعد جنبى علشان نشرب لنا حجرين ونسلطن كده.. علشان نعرف نفكر.. خلى ربنا يكرمننا.  
كان جادًا في كلماته، ولم يستطع محمد عطية أن يمنع نفسه عن الضحك في هذه اللحظة رغم توتره، ولم يفهم المعلم سيد سر ضحكة محمد، ولم يبال أيضًا في الوقت نفسه..

## حصريات صفحة روايات مصرية للجيب على الفيس بوك by Ramo

- إيه اللي حصل؟ قلقتي..
- أنا عرفت مين القاتل يا خالد..
- بتقول إيه؟ أنا كنت فاكرك بتهرتل زى عادتك.. وبعدين ما تروح لفؤاد الأسيوطى.
- أنا مش قادر اتحرك من ساعة ما عرفت.. أنا لسه يدوب متأكد من شوية، وبعدين انا ما كنتش بقول أى كلام.. صدقتى انا متأكد من اللي عرفته.

- ومين هو؟
- لا، لا، الموضوع ما ينفعش فى التليفون.. المسألة صعبة أوى وطويلة..
- عايزك بس تتصل بفؤاد الأسيوطى رئيس المباحث.. خليه يجينى على شقتى فى الزمالك.. أنا هناك دلوقتى.. أصله ادانى الكارت بتاعه ومش لاقيه.. أنا مش عارف اركز فى أى حاجة.. وتعالى بسرعة علشان افهمك على كل حاجة.

- بس..
- أرجوك يا خالد.. اسمع الكلام ونفذه بسرعة.
- إنت فين دلوقتى؟
- ما قلت لك فى شقتى فى الزمالك.
- ماشى ماشى.. هتصل بفؤاد دلوقتى.. وانا جبيلك اهو.. بس أقول له إيه؟

- قول له انى عايزه علشان اكشف له القاتل.. ماتقاطعنيش بقى واستنى.. والله هتعرف كل حاجة بس بسرعة الله يخليك.

وأغلق الهاتف ونظر خالد مختار إلى الهاتف بشيء من الريبة وسكن للحظات، ولكن سرعان ما استفاق من تفكيره واتصل بفؤاد الأسيوطى وهو

فى صباح اليوم التالى جلس يوسف أباطة فى شقته وقد وضع على ملامحه القلق الشديد والتعجب أيضًا، كان وجهه باهتًا مرهقًا حيث بدا أنه لم ينل أى نوع من الراحة أو النوم، كانت السجائر الملقاة فى مطفأة السجائر تتعدى تصورهِ هو نفسه، فلو سألوهُ من دخن كل هذا لقطع جازمًا بأنه ليس هو على الإطلاق، كان الدخان يلفُ الغرفة فى شكل يبعث على الكآبة والغموض، كان يجلس أحيانًا، وأحيانًا أخرى يذرع الغرفة جيئةً وذهابًا، يمسك بهاتفه ويحاول الاتصال بأحدهم ثم يملكه التردد فيهِز رأسه مستنكرًا الفكرة، ثم أطلق زفرة مريرة تنم عن فيض الكيل، نعم فقد فاض به الكيل من تلك الأفكار التى تتأكد له كل لحظة عن ماهية القاتل، ولكن هناك شيئًا غريبًا يجعله متعجبًا بشأن الأمر كله، فقد جزم من قبل بمعرفته بالقاتل بل ومعرفة الجميع به، ولكن ما الذى يجعله متعجبًا فى هذه اللحظات.. أخيرًا قرر أن يتصل بخالد مختار، وبالفعل قد كان..

"ألو"

- أبوه يا يوسف عامل إيه؟
- مش بخير يا خالد، مش بخير.

ينزل في المصعد من شقته متجهًا إلى يوسف أباطة كما أخبره، وعندما رد فؤاد الأسيوطي قال له خالد:

"إزيك يا فؤاد بيه، أرجوك تعال دلوقتي على شقة يوسف أباطة.. لأنه شكله عرف القتال، وعازب يعرفك التفاصيل، هو في حالة سيئة جدًا وكان مرتبك جدًا وهو بيكلمني".

- ماقال لكش أى حاجة تانية..!؟

- أبداً ماقال ليش أى حاجة.. كل اللي قاله انه عازبك تجيله دلوقتي حالاً.

- وانت فين دلوقتي؟

- أنا في شقتي ورايح له حالاً.

- طيب رايح له حالاً

- هو في شقته التانية

- طيب ادبنى العنوان.

وأعطاه العنوان وأغلق الهاتف.. وانطلق فؤاد الأسيوطي خارجاً من مكتبه هو الآخر ومتجهًا إلى شقة يوسف أباطة.

## الفصل السادس

## حصريات صفحة

### روايات مصرية للجيب

### على الفيس بوك

by

Ramo

- 1 -

كان خالد مختار واقفاً في مكانه دون حراك، عيناه جاحظتان، مشدوهاً لا يصدق ما يراه، بل وضع كأنه جثة ميتة وهو يقف في مواجهة جثة يوسف أباطة الذي كان منبطحاً على ظهره فوق الأرض. والدماء تسيل من رأسه بفزارة شديدة، عيناه مفتوحتان عن آخرهما بشكل يبعث الرعب في النفس، وكان بجواره مسدس ٩ ملى... إنه نفس نوع المسدس المستخدم في قتل عماد عز الدين، لم يلمس شيئاً من شدة خوفه، وحينما وصل فؤاد الأسيوطى بعد دقائق لاحظ أن الباب مفتوح فدخل سريعاً ففوجئ بما رأى، ونظر إلى خالد مختار ولم يتفوه بكلمة، ثم نظر إلى جثة يوسف أباطة طويلاً واقترب منه ونظر في عينيه للحظة؛ فبعض المحققين لديهم اعتقاد بأن عين الضحية تسجل آخر مشهد رآه قبل وفاتها، ولكن لم يكن هناك تسجيل رقمي أو فوتوغرافي في عيني يوسف أباطة الضحية.

وبعد ثوانٍ من مسح مسرح الجريمة بعينين دقيقتين للغاية من قبل فؤاد الأسيوطى قام بالاتصال من خلال هاتفه بأحد الضباط وأعطاه بعض الأوامر، وبعد أن أغلق الهاتف التفت ناظرًا إلى خالد مختار الذي كان كالصنم اليوناني الذي يزين أحد أركان الشقق الباهظة التكاليف، لكنه كان صنمًا عقيمًا للغاية. واقترب منه بهدوء قائلاً:



"أستاذ خالد.. أستاذ خالد".

لكنه لم يرد؛ حيث كان في مكان آخر لا يعلمه هو نفسه، ووضع فؤاد الأسيوطي يده على كتفه فانتفض خالد مختار من مكانه وهو ينظر إلى فؤاد الأسيوطي الذي لم يشعر بوجوده إلا في هذه اللحظة، وحاول أن يتكلم حيث تحررت شفاته ولكن توقف كل شيء، فقال فؤاد الأسيوطي:

"إنت جيت إمتي؟"

فنظر إليه خالد طويلاً ثم قال وقد استحوذ عليه الشرود:

"دلوقتي".

- ودخلت هنا ازاي؟

- لقيت الباب مفتوح.

- ماسمعتش أى حاجة.. أى صوت؟

- لا - كان يردّ شاردًا.

فأخرج فؤاد الأسيوطي مسدسه من الجراب الخاص به وانطلق بحذر تام يفتش في الشقة التي كانت مرتبة بشكل جميل وراق، ولم يلاحظ أى شيء، يشد الانتباه أو أى خيط يدل على وجود إنسان هنا، كانت التساويزات تولد وتكاثر في عقله بلا توقف، وحين انتهى من مسح الشقة كاملة انطلق إلى المطبخ اللعين سر شقائه في هذه القضية، فوجد الباب مفتوحاً على مصراعيه، ففكر في نفسه "يلعن أبو الشق اللئيم باب يدخل ويخرج منه القاتل وقت ما يجب.. أمال فين أهل البيت؟"

وانطلق خارجاً وهو يقول وما زال المسدس في يده:

- "هو ساكن لو حده؟"

- آه.. أصل دى شفته الخاصة اللي بيحب يقعد فيها لما يحب يشتغل أو يحب ينفرد بنفسه بعيداً عن أرف المكاتب والمشاكل العائلية.

- إم.. هو مين اللي بيخدمه؟ أصلى شايف يعنى الشقة مرتبة!

- مرات البواب يتيجي من وقت للتاني تنضف الشقة.

- إم.. هو قال لك إيه بالظبط في التليفون؟

- زى ما قلت لك.. مقال ليش حاجة زيادة.

- إنت عندك سلاح يا أستاذ خالد؟

نظر إليه خالد شاحباً ومتعجباً من السؤال ثم قال:

- لا.. أنا مافيش عندى سلاح، ولا اعرف حتى ازاي أستعمله.

- ما اطنشن انه محتاج تعليم علشان تعرف تستعمله.

- قس.. قصدك إيه؟ - قالها بتوتر.

- ولا حاجة.

وصلت قوتا الشرطة والإسعاف حيث دوى الشارع بأصواتهم التي تبعث الخيفة والقلق في النفس، وبعد دقيقة تقريباً اكتنظت الشقة برجال الشرطة والإسعاف وفريق البحث الجنائي.

وقف خالد مختار كنفس المشهد الأول في ركن من الأركان، كانت تدور في عقله الكثير والكثير من الأفكار والتساؤلات، عيناه ثابتان على اللاشيء، فأحياناً تلمح جثة يوسف أباطة المغطاة بغطاء أبيض ملطخ بالدماء من ناحية الرأس، بينما كان فؤاد الأسيوطي يتحدث إلى مجموعة من رجال الأمن بشكل جاد وقد بدا أنه يأمرهم بشيء ما ويوجههم بأمر مختلف، وأحياناً كان يشرح لهم بعض تكهناته عن هذا الحادث المأسوي، وبعد أن أتمه كل منهم إلى عمله أخرج عليه السجائر وأشعل لفاقة تبغ وهو يرمق خالد مختار بنوع من الفحص والدراسة ثم فكر في نفسه: "يا ترى يوسف أباطة اتصل بخالد مختار فعلاً علشان يقول له انه عايزني؟!.. يا ترى يوسف أباطة كان عايز يقابلني فعلاً علشان يقول لي سر الجريمة ويكشف لي القاتل؟! ولا الحكاية كلها من تدبير خالد مختار؟! بس إيه السبب؟!.. إيه الدافع ورا قتل يوسف أباطة هو كمان؟! معقول يكون يوسف كشف خالد.. فقام خالد عامل الحدوتة دى علشان يقتله

وبالمرّة يبرأ نفسه أدامى؟ جازير أوى يكون كلمه في التليفون وواجهه وحصل  
اللى حصل بعد كده.. الغربية ان الشقة مافيش فيها أى محاولة لاقتحام، وده  
معناه ان المجنى عليه على معرفة بالقاتل؟.. ما هو مش معقول يوسف أباطة  
فى توتره ده هيفتح الباب لحد جاى يقتله!.. إمم .. القضية عمالة تكبر وكل  
يومين واحد يقتل لى.. لحد دلوقتى مش متأكد ان خالد مختار هو اللى قتل،  
بس بعد قتل يوسف أباطة مااندرش أقول غير ان خالد مختار يا إما قاتل ذكى  
جداً، يا إما شخصية منحوسة جداً وفى الحالاتين انا لازم احفظ عليه.. تحفظى  
عليه هيبقى فى صالح القضية".

أغلق باب أفكاره ثم أجمه إلى خالد مختار وناوله لفافة تبغ وهو يقول:

"أنا آسف يا أستاذ خالد بس مضطر انى احفظ عليك.. وده أمر روتينى  
وعادى جداً.. المرة الأولانية كانت الأدلة ضدك ضعيفة.. بس المرة دى  
اسمح لى.. شخص واحد بيقى شاهد فى أقل من أسبوع على جرمين قتل  
وكمان لأعز اصحابه.. ده بس بيحصل فى الروايات البوليسية اللى بيضحكوا  
بيها على الناس".

فحملق فيه خالد مختار وقد وضع عليه الغضب قائلاً:

"انت بتقول إيه يا فؤاد بيه؟.. بتتهمنى بقتل أعز أصدقائى؟.. أنا  
ماعملتش حاجة ومش شايف ان حظى السيخ اللى رمانى مرتين علشان  
ابقى أول واحد موجود فى مسرح الجريمة سبب فى إنك تشك قياً وتدينى  
بقتلهم؟.. أنا ماقتبلش، والبلد مش سايبه".

- أنا آسف يا أستاذ خالد، بس صدقتى المناقشة مش هتغير حاجة، أنا  
خدت قرارى خلاص - قالها بجديّة وحزم.

امتعض خالد مختار وهو يهز رأسه مستنكراً ما يسمعه وقائلاً بغضب  
وانفعال:

"أظن طبعاً انى اقدر اتصل بالمحامى بتاعى ولأدى كمان ممنوعة.. وأنا  
مش هسكت على الإهانة دى.. أنا شخصية معروفة ومعروف مصداقيتها  
بين الكل، ولينا سمعتى اللى الدنيا باللى عليها ماتساويش جنبها حاجة".  
تركة فؤاد الأسبوطى لينضم إلى فريق البحث الجنائى قائلاً وهو يدير ظهره  
بلا مبالاة:

- اتصل باللى انت عايزه.

امتعض خالد مختار وهو يتمتم مستنكراً بكلمات غير مفهومة، وأخرج  
هاتفه ليتصل بمحاميه..

بينك وبين يوسف أباطة في التليفون بالطيظ.

أطرق خالد مختار برأسه بشكل جانبي وكأنه يقرب في ذكرياته، وبهدوء

قال بعد لحظات:

"يوسف كان متوتر أوى.. أنا أول مرة أشوف يوسف كده.. كل اللي قاله "أنا عرفت القتال يا خالد، وعازيك تكلم فؤاد الأسيوطي علشان يجيلي وافهمه كل حاجة واكشف له القتال" .. ولما قلت له: طيب ما تروح له، قال لي "أنا متوتر أوى ومش قادر اركز في حاجة ولا قادر حتى ادور على الكارت بتاعه.. يقصد الكارت بتاعك اللي انت أدتهوله" .. بس مش عارف ليه حسيته خايف من حاجة متحصّله".

- قصدك خايف من القتال يقتله لأنه كشفه؟

- ما عرفت صدقتي.. كل اللي اعرفه إنه كان متوتر أوى وخايف.

صمت فؤاد الأسيوطي للحظات ثم قال:

"قول لي يا أستاذ خالد.. ليلة قتل عماد عز الدين.. إيه اللي حصل تاني لمر الحناقة؟.. أقصد حناقة عماد عز الدين وأشرف زيدان".

رمش خالد بعينه كثيرًا وكأنه يحاول التذكر، وكان يهمس قائلاً "ليلة قتل عماد الدين"، ثم سرعان ما قال:

"ما فيش أكثر من دردشتنا العادية" - وهز منكبيه.

- تمام أوى، وبأ ترى في الليلة دي ماجبتوش سيرة حاجة معينة لفتت انتباهك؟.. شوف يا أستاذ خالد أي معلومة انت شايفها تافهة ممكن

تكون مهمة أوى بالنسبة.. فعازيك تفكر وبهدوء إيه اللي اتكلمتوا فيه بالطيظ يومها.

- مواضيع عادية يا فؤاد بيه.. يعني مثلاً مجدى مالتجوزش لحد دلوقتى

وكتنا بنلومه على تأخيره ده زى أى صحاب.. وموضوع زعل عماد من هند وخصوصًا انه على طول مزعلها، غير بقى المواضيع الأدبية

- ٢ -

وقف خالد مختار في مواجهة فؤاد الأسيوطي في مكتب الأخير حيث كان كان فؤاد الأسيوطي في هذه اللحظات جالسًا يقرب في بعض الأوراق أمامه ويقرأ بعض الملاحظات الخاصة بالقضية، ثم نظر فجأة إلى خالد مختار وهو يقول:

"أقعد يا أستاذ خالد.. لسه يومنا طويل".

جلس خالد مختار بريية وهو يتأمل فؤاد الأسيوطي، كان يشعر بأن بركانًا يثور في عينيه، ولكنه حتى هذه اللحظة استطاع أن يكبح جموحه، وبعد برهة من الصمت قال فؤاد:

"يوسف أباطة اتقتل هو كمان.. يا ترى بقى انت شايف يوسف أباطة اتقتل ليه؟"

صمت خالد مختار للحظات حيث كانت الصدمة تستحوذ عليه ثم قال بصوت يعكس انهياره:

"أنا ما بقتش فاهم أى حاجة بجد.. كل يوم واحد من صحابى بيتقتل.. أنا تعبان أوى ومش عارف اركز".

- ما هو انت لو مركزتش يا أستاذ خالد مش بعيد تبقى ضلع أساسى فى القضية.. أنا عازيك تهدى وتركز أوى وتقول لي إيه اللي حصل

والفنية التي يتكلم فيها على طول.

ساد الصمت للحظات كتب خلالها فؤاد الأسيوطي شيئاً أمامه ثم قال:  
"هو صحيح مجدى ما يتجوزش ليه لحد دلوقتى؟"

- مانعرفش، بس هو مش عايز يتجوز.

- مافيش حد مش عايز يتجوز من غير سبب. إيه.. مايعرفش مثلاً.  
اعذرني.. أصلها غريبة أوى.. يعنى مجدى ميسر مادياً ومعروف إلى  
حد ما، ويشغل شغل محترم، وناس كثير بتحبه، وعنده صحاب  
محترمين.. يعنى مش ناقصه حاجة ولا فى حاجة تعقده مثلاً من الجوار  
غير انه يكون مايعرفش أو يمكن يكون من اياهم.

- إياهم!؟

- إياهم يا أستاذ خالد.. يعنى شاذ.

- إيه!؟ لا لا لا.. إنت دماغك راحت بعيد.. هو بس متعقد من أبام  
الكلية بسبب قصة حب ماكملتش.

صمت فؤاد الأسيوطي للحظة وهو ينظر إلى خالد مختار بعيون متوهجة،  
حيث دار فى عقله بعض الذكريات خلال تحقيقاته، فابتسم ابتسامة باهتة ثم  
قال:

"هو للدرجادى الموضوع مائر فيه ومغليه متعقد بعد كل السنين دى؟"

- الصراحة آه، وخصوصاً انها أدامه دليماً.

- قصدك إيه؟

- مجدى كان مرتبط بهند الألفى قبل ما عماد يتجوزها.

نظر إليه فؤاد الأسيوطي حيث تقابلاً مما يسمع ثم قال:

"بس دى كانت أيام زمان.. لعب عيال يعنى.. وحب الجامعة اللي  
يخلص بكلمة "ماينعش" و"الظروف" و"غصب عنى"، وما افطنش ان

حاجة زى دى ممكن تأثر عليه لحد دلوقتى.. وبعدين لو كان الموضوع كبير  
كده كان عماد ما يتجوزهاش بما إنها كانت مرتبطة بصاحبه".

أخذ خالد مختار نفساً عميقاً ثم قال:

"شوف يا فؤاد بيه.. الحكاية زى ما بتقول بالظبط.. بالنسبة لعماد كانت  
كده، وخصوصاً ان عماد كان عقله كبير وشايف انه عادى.. ده غير انه كان  
يبحبها من قبل ما مجدى يصرح لها بحبه، وارتبطوا فترة بتاع سنة أيام الجامعة  
وبعدين سابوا بعض.. وجه من بعده عماد واتقدم لها ووافقت واتخطبوا،  
وأول ما خالصنا جامعة اتجوزوا".

- طيب خالصنا نفرض يا أستاذ خالد ان موضوع هند الألفى هو السبب  
فى عدم جوازه.. هل معقول عماد مش واخذ باله من الحكاية  
دى!؟.. ماتناساش ان عماد شخصية ذكية وشكاكة جداً، ولو كان  
شاكك فى مجدى الزينى للحظة واحدة كان بعده عن حياته.. صح ولا  
انا غلطان؟

- عندك حق يا فؤاد بيه.. بس ماتناساش انا صحاب أوى من قبل حتى  
ما نعرف هند، ومش بنفكر بالشكل ده.

- يعنى إيه؟

- يعنى الموضوع ده اتنسى من زمان أوى.. أنا متأكد من كده، وزى ما  
قلت حضرتك لو عماد شاكك كان بعد مجدى عن حياته.. الحكاية  
وما فيها اتى أقرب واحد لمجدى وعارفه كويس ومن سنين.. هو لما  
بيشوف هند يتعب وبحسه ندمان انه سابها.. إحنا طبغاً مش بنتكلم  
فى حاجة زى دى احتراماً لعماد قبل أى حاجة ولهند كمان.. بس ده  
صاحبي واعرفه أكثر من أى حد.

- إم... تمام - وهز رأسه بالإيجاب ثم قال:

"يوسف أباطة ليه أعداء؟"

- أبداً يا فؤاد بيه.. يوسف بالذات محبوب من الكل، وفي حاله وشغله ويس.

- طيب.. مين يشهد انك دخلت العمارة اللي ساكن فيها يوسف وقت ما انا وصلت.. مش يمكن تكون كلمتي من عنده لما اتصلت بيا؟

- مش معقول هسحب في إيدى شاهد يا فؤاد بيه علشان يثبت لك اني ماقتلتش صاحبي.

- ما هو برده يا أستاذ خالد احسبها انت معايا.. آخر واحد يشوف عماد عز الدين حي، وأول واحد يكتشف موته.. وآخر واحد يكلم يوسف أباطة، وأول واحد يكتشف موته.. ومافيش شهود إثبات تثبت عدم وجودك وقت ارتكاب الجرمين.. لو انت مكاني هتعمل إيه؟

بدا خالد مختار يحرك شفثيه بشكل عصبي ويعض عليهما من فرط الغضب ولم يجد ما يقول، وسرعان ما سمع فؤاد الأسيوطي يقول:

"يا عسكري.. خد المتهم ده على زناتته.. معلش يا أستاذ خالد.. لا يوجد حل آخر" - قال جملته الأخيرة بنوع من السخرية وهو يشير بيديه بما يعنى أنه لا حيلة له..

شرح فؤاد الأسيوطي في تدوين ملاحظاته، ولا نستطيع أن ننكر بأنه كان يشعر ببعض التفاؤل بعد التحقيق الأخير رغم مقتل يوسف أباطة الذى بدا غامضاً هو الآخر.. غموض يفوق غموض مقتل عماد عز الدين، وشرح يحدث نفسه في هدوء:

"يوسف أباطة اتقتل لأنه عرف القاتل، سواء كان القاتل خالد مختار او غيره، المهم انه اتقتل لأنه عرف الحقيقة.. الواضح كمان ان يوسف أباطة كان متوتر جداً وخايف بمجرد انه عرف القاتل.. إهم.. طيب أكيد القاتل

عرف ان يوسف أباطة كشفه، وبالتالي كان الحل الوحيد هو الخلاص منه نهائياً.. معنى كده ان يوسف أباطة اتصل بالقاتل وواجهه، والقاتل ماكدبش خبر وقته علطول.. الواضح كمان ان القاتل يعرف يوسف أباطة كويس؛ لأن مافيش أى أثر لانتحام، وبجانب ده يوسف مش هيفتح الباب لحد وهو خايف منه.. معنى كده ان فى عشم بين القاتل والمجنى عليه، أو على الأقل سابق معرفة.. أو يمكن يكون يوسف أباطة كلم الإنسان الغلط علشان يحكي له ومخيل انه هيساعده، وبدل ما يساعده راح وقته؛ لأنه القاتل الحقيقي..

أظن ان الحكاية مش هتطلع بره الدائرة دى، واطن إن الأمور بدنت توضح، بس فى حاجة الأول لازم اتأكد منها.. حاجة هتوضح كل شىء."

ثم قام بالاتصال بضابط المباحث هانى وأعطاه الرقم الخاص ليوسف أباطة وأمره بأن يتقصى عن جميع الأرقام التى اتصل بها يوسف قبل مقتله.



كل الأحوال.. سواء تكلم أو لا، فإن النهاية ستكون وخيمة ومهلكة.  
وفي هذه الأثناء، رشق أحدهم لكمة قوية في أنف سعد الذي كانت  
الدماء تنسيل منه بلا توقف وكأنك تقف أمام دمية يلهو بها الأطفال في عيد  
"الهالوين"، دمية كل ما ينقصها هو الحرق والرقص حولها احتفالاً بانتصارهم.  
دخلت ثلاث سيارات جيب يتوسطها سيارة مرسيدس سوداء زجاجها لا  
يُظهر من في الداخل ثم توقفت، ورغم أن قدرة سعد على الرؤية كانت صعبة  
للاغاية من تأثير الضرب المتواصل والدماء التي غطت وجهه، إلا أنه استطاع  
أن يتكهن بالقادمين، نعم إنها المسيرة التي ستحدد لحظته الأخيرة في الحياة.  
ترجل أدهم أبو العز من السيارة وسار بخطوات وثيقة للغاية ويعيون  
غامضة لا تحمل أى معنى، لم يكن طويلًا ولا قصيرًا، متفخخ البطن، عريض  
المنكبين، له شعر أسود خيمت عليه بعض الشعيرات البيضاء على الجانبين،  
يرتدى حلة سوداء كذلك التي تراها في الأفلام البوليسية التقليدية، ولا أعلم لم  
ذلك الملبس دائمًا؟! ولكنه يبدو الزى الرسمي لهذه الأفلام..

اقرب أدهم من سعد درويش يهدوء وجاهه أحدهم بكرسى فيجلس عليه  
في مواجهة سعد الذي كان مطأطأ الرأس من أثر الضرب، ومربوطًا إلى أحد  
الكراسي بحرفية، وكان هذا الفأر يمكن أن يفر من هذه الأسود الضارية التي  
لم تجرد سوى فأر كوجبة للعشاء، وبعد أن أشعل سيجارًا غليظًا قال مستكبرًا  
ومتعجبًا وهو ينظر إلى سعد:

"مش فاهم انا صحوبية إيه دى الذى تعمل فى صاحبها كده"؟

وبعد لحظات كان أدهم أبو العز فيها يتأمل سعد الذى لم يرفع رأسه للحظة  
ولكنه كان مازال واعيًا قال:

"يا ابني انت ميت.. ميت، فالأحسن ليك ولينا ماتعبناش وتتعب نفسك  
معانا.. الوقت عمال يمر وانا مش فاضيلك انت وصاحبك.. بلاش تعمل

رغم محاولات المباحث المستمرة بالضبط والترهيب على سعد صديق  
محمد عطية إلا أنه لم يفصح عن مكانه قائلًا أكثر من مرة "أنا آخر مرة شفته  
من كام يوم كده وهو معاه لمواخدة شتلة فيها هدومه، ولما سألته رايح فين  
يا محمد؟ قالى لقيت شغل فى ديماط وبتاع، وده - والله - كل اللى اعرفه  
يا باشا"، وحاولوا أيضًا أن يعرفوا منه مكان تواجد محمد عطية ليلة مقتل  
عماد عز الدين فقال: "مش فاكتر"، ورغم ابل أساليب الضغط المختلفة التي  
استخدمتها المباحث إلا أنهم لم يستطيعوا الحصول منه على معلومة واحدة.  
وعند استجواب أمه بهذا الشأن قالت: "أنا ست مريضة وقاعدة عطلول  
فى السرير، ولا بروح ولا باجى، ده غير اتى ما اعرفلوش مواعيد شغل؛ لأنه  
عطلول بيتنقل من شغلانة لشغلانة، ولو جه متأخر مش بيجاول يقلقنى  
عشان عارف انى تبانة ونائمة".

ولكن كان هناك من يراقب كل شىء، عن كتب ودون أن يغفل له رمش،  
إنهم رجال أدهم أبو العز الذين كانوا في انتظار خروج سعد من التحقيقات  
فاختطفوه فى سيارة وذهبوا به إلى أحد المخازن التابعة لمصانع أدهم أبو العز،  
وقد لاقى منهم أشد أنواع الهوان والضرب والعذاب؛ أمليْن أن يحصلوا منه  
على شىء واحد، ولم يكن سعد غيبًا على الإطلاق فقد كان يعلم جيدًا أنه فى



لى فيها بطل؛ لأن بىك هجيبه ومن غيرك هجيبه.. ها.. قولى بقى صاحبك  
فين؟"

والثفت ينظر لى رجاله وهو يضحك ضحكة شريرة قد نفذ صبرها، ولكن  
سعداً لم يكن يعلم سوى شيئاً واحداً بأنهم هم الآخريين يريدون معرفة مكان  
صديقه محمد عطية، ولكنه لم يكن يعرف السبب الحقيقى وراء بحث هو لا،  
عنه، فقال بصعوبة بالغة وقد بدا صوته مكتوماً:

"ماعرش.. ماعرش.."

فانحنى أدهم أبو العز تجاهه وهو ينصت لى كلماته قائلاً بشكل مخيف:

"ها.. بتقول إيه يا بابا؟.. مش سامع.."

"فرقع سعد رأسه بصعوبة بالغة وهو يردد ثانية:

"ماعرش.."

رفع أدهم أبو العز رأسه قليلاً وزفر زفرة طويلة وقد فاض الكيل به:

"لو انت مش عارف أمال مين اللى يعرف؟! انت ممكن تضحك على  
الحكومة وتصدقك.. لكن مش تتعرف تضحك عليا.. قول لى مكانه فين  
يا ابنى وانا اوعدك انى هسيبك حى.. وده وعد شرف منى".

نظر إليه سعد طويلاً وكأنه يفكر ثم ردد قائلاً:

"ماعرش حاجة.. ماعرش حاجة".

فنهض أدهم أبو العز من مجلسه غاضباً ووجدته بنظرة حادة ثم انطلق  
ناحية السيارة وهو يقول:

"اقتلوه.. الظاهر ما فيش فائدة منه".

فصرخ سعد قائلاً:

"لا.. لا.. هادلكم على مكانه بس بشرط".

فالتفت أدهم أبو العز مرة أخرى ثم عاد إليه ووقف أمامه قائلاً:

"إنت كمان هتتشرط يا روح امك.. أظن انك فى وضع مايفتحش تشرط  
ليه، بس عموماً قول اللى عندك".

- أنا عايز حقى فى العملية دى.

صمت أدهم أبو العز للحظة ثم قال:

"إم.. هديك اللى انت عايزه".

- عايز أرنب..

فأجبه أدهم أبو العز نحو سيارته مرة أخرى وهو يقول:

"هديهولك يا سعد بس بشرط يكون محمد صاحبك بين إيدينا النهارده  
وحى.. ولو ما عملتش اللى بقولك عليه يا سعد وحياة امك لاكون قاتلك  
انت وهو وأهاليكوا كمان.. وافتكر ان الفلوس فى انتظارك.. بس اعمل  
اللى عليك".

وقبل أن يغادر أعطى بعض الأوامر لعدد من رجاله وانطلق فى طريقه مرة  
أخرى.

- أنا مش فاهمة أنا هنا ليه أساساً، ومش فاهمة ليه قبضتوا عليا.
- معقول يا مدام هند مش فاهمة ليه اتقبض عليكى؟ إنتى متهمه يا هاتم بقتل جوزك وقتل يوسف أباطلة.
- إيه.. إنت بتقول إيه؟
- أقول لك يا هاتم بقول إيه.. أولاً آخر حد اتصل بيه يوسف أباطلة قبل قتله بالبطب كان انتى بس وخالد مختار.. وواضح كمان ان علاقتك القديمة عماد مانسيهاش، ومن كتر معاملته السيئة ليكى ماتحتملتيش وقتلتيه، ولما يوسف كلمك وقال لك انه عرف القاتل.. وعلى ما يبدو انه كان بيكلمك بحسن نية لأنه مش متخيل ان هند البرينة الطيبة والمقهورة هى اللى قتلت جوزها.. رحتي وقتلتيه هو كمان بيروود اعصاب.. مش دى الحكااية يا هند هاتم؟
- لأ طبعاً - قالتها بتوتر وحدة.
- أمال إيه.. تقسرى بايه قتل يوسف أباطلة بعد ما كلمك وبعد ما قال لك انه عرف القاتل؟
- يوسف فعلاً كلمنى وقال لى انه عرف القاتل واننا لازم نتقابل علشان نشوف نتعمل إيه، ولأنه كمان ماكانش متأكد..
- حد سمعك وانتى بتكلميه؟
- مجدى الزينى كان قاعد، بس كلامى ماكانش واضح بكلم مين ولا بقول إيه.
- مجدى كان قاعد؟!
- أيوه كان جاي يعزىنى.
- متأكدة انه معرفش انتى بتكلمى مين؟
- أيوه متأكدة.

- ٤ -

وصلت قوة من الشرطة تحت منزل هند الألفى، وترجل من سيارة الشرطة فؤاد الأسيوطى وتبعه العديد من رجال الأمن، وحين وصولوا أمام الشقة دق الباب، ففتحت دعاء فوجدت فؤاد الأسيوطى واقفاً أمامها وقد وضحت ملامح جادة وحادة على وجهه، وسرعان ما قال:

"عندنا أمر بالقبض على مدام هند الألفى".

فتفوّضت ملاحظتها من هول المفاجأة وصدرت عنها صرخة مكتومة وهى تقول:

"إنت بتقول إيه!؟.. ليه!؟ هى هند عملت إيه علشان تقبضوا عليها!؟"

وسرعان ما جاءت هند مهرولة على صوت أختها وهى تقول:

"فى إيه يا دعاء!؟ فى إيه يا فؤاد بيه!؟"

- عندنا أمر بالقبض عليكى يا مدام هند.

- إيه؟ - قالتها بعيون جاحظة غير مدركة لما يقول.

ولم تستفق إلا وهى فى عربة الشرطة ورجال الأمن يحاصرونها من كل جانب، وحينما وصلت إلى قسم الشرطة أجلسها فؤاد بكل هدوء ثم قال لها:

"إزيك يا مدام هند.. عاملة إيه؟.. إحنا مش عابزين نضّيع وقت بعض، فياريت تكونى صريحة معايا فى كل حاجة".

- طيب حكيتي لحد تانى عن المكالمه دى؟

- ماما وأختى دعاء.

- وإيه اللي قالهولك بالظبط؟

- كل اللي قاله ليا انه شاكك فى حد معين بس مقالش أسماء، وكان عايزنا نتقابل علشان نتناقش، لكن والله انا لا قتلته ولا قتلت عماد.

- وعلاقتك بمجدى الزينى قبل الجواز وكره عماد ومعاملته السيئه ليكى بسبب ومن غير سبب.. تقسرها بإيه؟

ذهلت هند فى هذه اللحظات مما يقوله فؤاد الأسيوطى؛ فلم تتخيل ولو للحظة أن يكون على علم بهذه المعلومة، كان فؤاد الأسيوطى يواجهها بحدّة بالجرائم التى ارتكبتها ولكنها لم تكن تسمعه على الإطلاق بل كانت فى عالم آخر، عالم الماضى اللعين الذى ظل شبحًا يطاردها طول حياتها، وفجأة انتبهت من غفوتها حين سمعت فؤاد الأسيوطى يقول:

"المسدس جيبته منين يا هند؟.. اعترافك ممكن يدعم موقفك فى المحكمة".  
فظفرت إليه لولهة قصيرة ثم قالت:

"أنا ومجدى كنا مرتبطين ببعض.. علاقة محترمة زى أى علاقة بين اثنين، كنت بحبه أوى أوى وماكنتش شايفة حد غيره رغم انى كنت عارفة ان عماد بيعبئنى.. بس القلب وما يهوى.. وفى يوم اسود كنا خارجين سوا وحصل اللى حصل فى شفتهم، وبعدها مجدى بدأ يتهرب منى، وكل شوية يقول لى ماتقلقيش هنتجوزك، لحد ما زهقت ومابقتش عارفة اععمل إيه، ووقتها عماد كان يحاول يتقرب منى على أد ما يقدر، رغم انه كان عارف انى بحب مجدى.. ولما قلت لمجدى لغيت رد فعله غريب أوى وقال لى انا مش هنقدر نكمل مع بعض، وان ظروفه ماتمسحش بالجواز دلوقتى، وللأسف بقيت بين نارين، وسبت مجدى وبقيت مرعوبة من اللى جابى، ووقتها ماكانش أدامى أى حجة لرفض بيها عماد اللى كان مستعجل، وبعدها اتجوزنا واكتشف

انى مش بـ.. بـ.. بنت، وطبعًا الحكااية ماكانتش محتاجة ذكاء علشان يعرف مين اللى عمل كده، وستر عليها ومافضحنيش، بس ماقدرش يكتم غضبه اللى اتحوّل بعد كده لكده ليا ولمجدى".

وسكنت للحظات وهى تكفكف دمעהا ثم قالت:

"عماد ماكانش وحش زى ما الناس متخيلة.. وانا عمري ما فكرت انى أذيه لا من بعيد ولا من قريب.. إزاي هأذى اللى ستر عليها.. وكنت يستحلم أى حاجة بيعملها فيا.. ويمكن ده السبب اللى ناس كثير مستغربة بسببه.. وبتسال انا إزاي مكلمة معاه رغم كل اللى بيعمله فيا!"  
تنهد فؤاد الأسيوطى تنهيدة طويلة ثم قال:

"طيب بعد ما عرف.. إزاي بقى على مجدى من ضمن صحابه"؟

- عماد كان شكاك أوى، وكان شايف ان وجود مجدى أدام عينيه أحسن مليون مرة من إنه يكون بعيد عنه، وكان علطول بيبضايقه ويحاربه فى شغله لحد ما تقريبا مجدى مايقاش موجود فى الصورة..  
تقدر تقول انه قضى عليه ككاتب وكانسان كمان.

- طيب.. وإيه اللى يخلى مجدى يستحلم ده كله؟

- ماعرفش بس أكيد مجدى حس ان عماد عرف اللى حصل بينى وبين مجدى.. ويكده مجدى خان صداقته فمكشش قادر يتكلم..

- لأ فى حاجة تانية؟

- إيه..

- إن مجدى لسه بيبحك وعلشان كده مستحلم رزالة عماد، وإلا ليه مجدى لحد دلوقتى ماتجوزش؟!

- مش عارفة بس والله انا ما قتلنش حد، وبعدين مجدى بالنسيالى شخص عديم الضمير.

- تقدرى تروحي يا هند هاتم.

- إيه؟!

- زى ما بقول لك كده.. تقدرى تروحي.

- مش فاهمة حاجة!

- إنتى ماكانش مقبوض عليكى ولا حاجة، بس الاعترافات بتاعتك

دى ماكانتش هتطلع غير بالشكل ده.. اعذرينى.. أنا بشوف شغلى.

حاولت هند أن تعبر عن غضبها بشتى الطرق، ولكنها شعرت بأن هناك شيئاً يلجم فمها، فأثرت الصمت وهى تنظر إليه بعينين تقذفان شرراً، أما هو فكان فى هذه اللحظات يجلس بارداً يطالع بعض الأوراق أمامه دون أدنى اهتمام.

خرجت هند تجر ساقها غير مصدقة لما جرى، بينما رفع فؤاد الأسبوطى رأسه مبتسماً ابتساماً غامضة وهو يهز رأسه بهدوء.

- ٥ -

كانت دعاء فى هذه اللحظات فى حالة مزرية للغاية، تبكى بعنف هستيرى، مطأطأة الرأس، وجهها عمر كسيخ احترق فى بؤرة من نار، ويقف فى مواجهتها مجدى الزينى صامتاً لا يعلم ماذا يفعل أمام هذا المشهد، متوجساً وقلقاً للغاية ومقتضباً أيضاً، هكذا كانت تبدو ملامحه، كان يشعر بأن أية كلمة لن تحل شيئاً بل ستزيد الأمر سوءاً، كان ما يجب عليه فى هذه اللحظات هو مجرد الصمت؛ حيث إنه الحل الوحيد فى مثل هذا الموقف، وبعد دقيقة تقريباً مرت كعام رفعت دعاء رأسها ونظرت إليه بعينها المحمرتين ولونها الأبيض الذى تحول للأحمر من شدة البكاء وقالت له:

"أنا مش عارفة بأى حق دايماً كده بتقرر مصيرى، وفى كل مرة بسمع الكلام زى العبد على أمل انك تفهم إنى بعمل كده مش علشان أنا ضعيفة.. أهدأ يا مجدى.. لازم تفهم انى بعمل كده بس لأنى بحبك".

و لم يعرها جواباً بل ظل صامتاً وقد أشاح بوجهه قليلاً ممتعضاً وكأنه لم يعجبه الكلام، بينما استرسلت فى حديثها وهى تنهض من مجلسها:

"أنا عايزة افهم دلوقتى.. اللى بينا ده هيفضل سر لحد إمتى؟! لا إمتى يا مجدى؟! ففهمنى!"

أفكار مشتتة متناقضة، نعم كانت مخيفة، فلم يتخيل للحظة أن يصل الأمر إلى هذه الصورة، طالع ذكرياته بألم وخوف معاً، شعر بالاستياء، وفجأة انتزعته من كل ذلك صوت دعاء التي كانت تتكلم دون توقف، فسمعها تقول في هذه اللحظة:

"سكوتك ده مش معناه غير حاجة واحدة بس".

فقطر إليها دون وعي ولم يتفوه بكلمة؛ حيث كانت الأفكار مازالت مسيطرة على رأسه، فأردفت قائلة:

"بس انا مش هسكت يا مجدى.. فاهم".

فاستفاق من شروده قائلاً وهو يتسمم ابتسامه غريبة:

"دعاء.. إنتى بجد حامل، يعنى انا هبقى أب".

فظفرت إليه ولم يعنها أى شيء آخر فى ملاحظه ثم ابتسمت وهى دامعة العينين:

"أيوه هتبقى أب.. وأنا هبقى أم".

ساد الصمت للحظات وهو يحتضنها ثم قال:

"لازم فى أقرب فرصة نعلن جوازنا، بس لازم نرتب الأمور الأول".

فمالت بصدرها للخلف وهى تنظر له بريية:

"يعنى إيه ترتب الأمور؟! وأمور إيه اللي بتتكلم عنها؟!.. الموضوع مش محتاج ترتيب يا مجدى.. أنا حامل انت مش فاهم ولا إيه؟!.. إنت مش

حاسس بالمصيبة اللي انا فيها؟!"

فقال وهو يفك ذراعيه عنها:

"بس الموضوع مش سهل زى ما انتى متخيلة يا دعاء.."

فانكمش ما بين عينيها وكأنها تحاول أن تفهم ثم قالت:

"مش فاهمة.. يعنى إيه؟!"

- ما اعرفش يا دعاء.

- ومين اللي يعرف إن شاء الله؟!"

- كل اللي أعرفه ان الوقت مش مناسب دلوقتي يا دعاء - قالها بعصبية وهو يعطى ظهره لها.

- وما ترى بقى إيه هو الوقت المناسب؟ ها.. قول لى.. جاوبنى يا مجدى.. إيه هو الوقت المناسب؟!.. ما انت مش فى مكاني..

وبصراحة انا ما بقتش فاهمة انا إيه بالضبط..! اللي بعمله ده صح ولا غلط؟!.. انا ما بقتش طايقة ابص لوشى فى المراية.. كرهت نفسى..

أنا خلاص بقيت خاطية.. اللي بنعمله ده حلال ولا حرام؟!.. إحنا ما بيجمعناش غير السرير - وصمتت للحظة ثم أردفت تقول بعصبية:

"أنا ما بقتش احس بيك وانت فى حضنى.. بصراحة بقيت حاسة انى مجرد بت وسخة بتفكرك بذكريات زمان".

فاحتدم وجهه وهو يستدير نحوها قائلاً:

"إنتى بتقولى إيه؟!"

- بقولك اللي كان لازم يتقال من زمان يا مجدى.. بقول اللي حاسباه بين ضلوعى وبتعذب بسببه كل يوم وانت ولا حاسس بأى حاجة..

أقول لك انك بتدوب جسمك فى صورة ذكرى.. ذكرى شايفها فها يا مجدى.

- بالله عليكى كفاية يا دعاء، الموضوع مش زى ما انتى فاهمة خالص.

- طيب إيه هو الموضوع يا مجدى؟!.. ده انت رافض الاعتراف بيئا.. يا ترى هترفض الاعتراف باللى فى بطنى كمان؟!"

كان الدهول المصحوب بالمفاجأة يخيم على كل ملامح مجدى الزينى، شعر وكان الأرض تتبلعه، غاب عن الوعي للحظات وغاص فى أفكاره،



- أنا مش قصدى حاجة بس الموضوع محتاج شوية وقت، وخصوصاً  
فى الظروف اللي احنا فيها دى

فقالت غاضبة وبطريقة حادة وهى تشير بسبابتها فى وجهه:

"إسمع بقى اللي هقولك ده، إنت ممكن تخدع أى بنى آدم فى الدنيا  
بس مش هتعرف تخدعنى يا مجدى وانت عارف ده كويس أوى.. وخليك  
عارف كويس انى مش هسب حقى فى الاعتراف بالطفل اللي فى بطنى  
ده.. إخرس واسمعى كويس.. أنا الشيطان نفسه لما بيغضب، واطن ان  
دى كمان انت عارفها.. أنا معايا ورقة جوازنا العرفى وعائزك تتخيل بقى  
الفضايح اللي هتبقى على عينك يا تاجر.. ده غير انى ممكن ادخلك السجن  
وده مش صعب.. إياك تلعب بيا يا مجدى.. أنا مش ذكرياتك.. أنا الحاضر  
بتاعك ومستقبلك كمان.. سواء قبلت ده أو رفضته.. أدامك أسبوع تحدد فيه  
مصيرك.. إياها تنقد نفسك، إياها تستنى بقى السجن والفضايح.. فاهم..  
السجن يا مجدى."

فظفر لها وهو يحاول أن يتفوه بكلمة ولكنها لم تعط له الفرصة وهى  
تتشلل حقيقة يدها من على إحدى الأرائك، وسرعان ما صفت الباب خلفها  
وتركته وحيداً تنهشه أفكاره، وبعد لحظات من الذهول حاول جاهداً أن  
يجمع شتات نفسه وفكر: "إيه الحظ الوسخ ده بس؟!، مش فاهم بجد إيه  
اللى وقعتى فى ده كله؟! أنا كان ناقصنى المشكلة دى كمان؟!.. إن كيدهم  
عظيم.. كل واحدة فى الأول تحمل ضعيفة وغلبانة لحد ما تتمكن من اللي  
هى عايزاه.. وآه لو فكرنا نخدعهم.. يحرقوا بينا الدنيا من غير تفكير ولا  
رحمة.. بقى هى دعاء بتاعة الحريات؟!.. مش دى دعاء اللي مابتخفش  
من الناس ولا فارق معاها حد؟!.. مش دى اللي مش مؤمنة بأى دين؟!..  
دى ملحدة.. دى بتعتبر ان الدين ضعف.. مش ده كان تفكيرها برده؟!..

فجأة كده بقت بتتكلم عن الخطيئة والحلال والحرام.. وفجأة برده بقت  
خايفة من ربنا.. مش دى اللي كانت بتقول ان الإنسان لازم يشتغل ويتعب  
علشان يحقق اللي هو عايزه ومايفش حاجة اسمها الانسان مسير؟!.. وان  
الإنسان مخير فى كل حاجة.. إم.. يعنى كانت لابسه توب واحدة ساقطة  
علشان توصل لى.. بلعن أبو النسوان كلها.. كلهم مش بيبيجى من وراهم غير  
المشاكل والأرف.. ماشى يا دعاء.. ده انا اخترتك انتى بالذات لأنك بتحببى  
بجد وتمسكة بيا..

خليك صريح مع نفسك شوية يا مجدى.. إنت عارف كويس أوى انك  
كنت واخذ دعاء جسر علشان تحقق بيها اللي انت عايزه.. مش هنكر انها  
بتفكرنى بكل حاجة فى هند اللي مش عارف اخلص منها ومن جيبها.. هند  
اللى بغاوتى اتنازلت عنها..

أنا عارف كويس أوى ان رقم اثنين وثلاثة واربعة كلهم بيبيجوا بعد رقم  
واحد.. وأى رقم بيبيجى بعد رقم واحد بالنسبالي هو الرقم الأخير، وأنا دائماً  
الأخير فى كل حاجة.. الأخير فى حياتى، والأخير فى شغلى.. ودلماً بتنازل  
لحد ما بقت حياتى سلسلة تنازلات.. أنا بقيت حاسس انى مجرد حجر فى  
وسط بركة ميه.. كل اللي عايز يعدى لازم يدوسه الأول علشان مايقعش..  
ودلوقتى إيه اللي جاي؟!.. حنة بت مستهترة سابت نفسها للشيطان جاية  
تقضى على اللي باقى منى.. بس إيه العمل؟!.. هتصرف ازاي يا مجدى؟!..  
هتخرج من الورطة دى ازاي؟!.. إزاي؟!..



ده كله؟ ١٩ واشمعنى الأوراق بس اللي اتسرقت من الشقة؟ يا ترى محمد عطية كان فعلاً أداة.. ١٩. فى خيوط لازم ترتبط ببعض.. لو حسبتها بالعقل هلاقي القاتل آدمى وواضح، بس لما باجى اراجع تفكيرى واربطه بالأوراق بلاقى الموضوع بيزيد صعوبة وغموض.. عمومًا هانت وكل شيء هيوضح قريب أوى".

دق جرس هاتف فؤاد الأسيوطى فى هذه اللحظات:  
"الو".

- أنا ماقتلتش حد.  
- مين معايا؟  
- أنا محمد عطية المتهم بقتل عماد عز الدين، ومش بعيد كمان اكون متهم بقتل يوسف أباطة.  
جمع فؤاد الأسيوطى أفكاره ولم يعنيه كيفية حصول محمد على رقمه الخاص للحظات ثم قال:

"إنت فين يا محمد؟ ولو انت فعلاً ماقتلتش.. ليه هيران؟"  
تهند محمد تهيدة مريرة ثم قال:

- أنا شاب عادى جدًا ما فيش حيلته أى حاجة، وقّعتة ظروفه السودة فى الكارثة دى، وكل اللي كنت بدور عليه تكاليف عملية امى العيانة اللي يتموت كل يوم ادم عنيبا.. وانا واقف متكئ وبتفرّج عليها ومش عارف اعمل لها أى حاجة.. اللي زينا يا فؤاد بيه اتخلقوا علشان يتفرجوا على الدنيا من بره بس.. ومش مسموح لهم انهم يشاركوا فى المسرحية الكبيرة اللي اسمها الدنيا.. إحنا اللي بندفع التمن علشان غيرنا يتسلى.. واحنا علينا نسقلهم بعد ما ندفع التمن، ومش مهم بقى المسرحية تعجبنا ولا لا.

-6-

كانت الشرطة فى هذا التوقيت تكثف جهودها فى جميع الاتجاهات بلا توقف، وقد شعر فؤاد الأسيوطى بأن هناك أشياء لا بد من فهمها حتى يمكن الوصول إلى أطراف الخيوط التى تحل الغازها المعقدة، واكتفى باتهام خالد مختار وفى انتظار استجواب أشرف زيدان الذى تم القبض عليه بعد اكتشاف جثة يوسف أباطة بساعة ونصف تقريبًا، كان قد عاد ليلة الجريمة الثانية، ولكن فؤاد الأسيوطى كان يدرك جيدًا أنها لم تكن جريمة ثانية بل استكمالًا للجريمة الأولى، ويعلم جيدًا أن هناك رابطًا قويًا بين الجريمتين، كانت إفادة هند فيما يخص القضية هامة جدًا ومفاجئة إلى حد ما؛ فلم يعد فؤاد الأسيوطى بعد تلك الأيام الماضية يتعجب كثيرًا كلما سقط قناع من أفتة أبطال قضيته المشؤومة التى يغلفها الغموض.

كان يفكر: "خالد مختار اتصل بيا علشان يقول لى ان يوسف أباطة عرف القاتل، وفى الآخر يوسف أباطة اتقتل بالطريقة نفسها وبالسلح نفسه اللي اتقتل بيه عماد عز الدين.. مسلسل ٩ ملى.. معنى كده ان القاتل مش بعيد وعارف خطوات الكل كويس أوى ودارسها كمان.. ده على اعتبار ان القاتل مش خالد مختار رغم شكى فى الحكاية دى.. خالد مختار ماعندوش أى دافع لقتل عماد أو يوسف.. يا ترى مين؟ يا ترى الأوراق ليها صلة باللى بيحصل

- أفهم من كلامك ده انك قررت تشارك فى المسرحية ويقالك دور..  
 ودور كبير كمان.. الحكاية كده بقى؟
- ماتظلمنيش يا فؤاد بيه.. أنا ماقتلش حد.. والله العظيم ما قتلت حد.. كل الحكاية انى سرقت صندوق مجوهرات ماقيش فيه أى مجوهرات.
- صمت فؤاد الأسيوطى للحظات وأمسك بقلمه ووضع فى حالة الاستعداد على إحدى الأوراق أمامه ثم قال:
- "الأوراق اللي معاك فيها إيه يا محمد؟! أنا اقدر اخلصك من ده كله بس ساعدنى علشان اقدر اساعدك".
- أنا مايهمنيش اخلص من اللي انا فيه.. أنا كل اللي يهمنى انى اكون برىء أدام أى حد وخصوصاً منكم انتم يا رجاله الحكومه.. نفسى تكون زمتى بريئة أدام أى حد علشان لو حصل لى أى حاجة.
- وإيه اللي تخليك تقول كده.. يحصل لك حاجة ليه يعنى!؟
- المهم.. انت مصدق انى ماقتلش؟
- صمت فؤاد الأسيوطى لوهلة ثم قال بصوت هادئ متردد:
- "أيوه.. مصدقك".
- إنت فكرت قبل ما ترد يا فؤاد بيه.. يعنى بتلعب بيّا ومش مصدقتى..  
 إنت زيك زيبهم.. ماتفرقش عنهم فى حاجة.. مع إنهم قالوا لى إنك غير كل رجاله الحكومه.. راجل بتدور على الحقيقة مهما كلفتك..  
 حتى لو كلفتك الوصول ليه حياتك.. الظاهر انى كنت غلطان.
- يا محمد.. الحكاية مش زى ما انت فاهم..
- ولم يكمل فؤاد الأسيوطى كلماته حتى انقطع الخط فشرد للحظات، وسرعان ما عاود الاتصال بالرقم نفسه فوجد الهاتف مغلقاً ولم يحاول أن

ينادى أحدهم للتقصى عن صاحب الرقم؛ لأنه يعلم جيداً أن الرقم بلا عقد؛  
 فمثل هؤلاء دائماً لا يمكن أن تفوتهم تفصيلاً كهذه، وشرع يفكر مرة أخرى  
 فى هذه المحادثة غير المتوقعة على الإطلاق، فعندما أخبره محمد ببرائه كان  
 يصدقه ولا يعرف لم، فإن حدسه لم يكذبه قط ولم يخطئ مسعاه يوماً،  
 بل كان دليله دائماً لفك شفرات الغموض فى كل جريمة كانت تواجهه،  
 هناك شيء ضائع من هذه الدائرة التي لم تكتمل بعد، أدرك فؤاد الأسيوطى  
 أن اللعبة تكرر يوماً بعد يوم، والدائرة تتسع لتشمل العديد من الأحداث  
 والشخصيات، فخرجت القصة كاملة عن عالم الرواية، وصارت مجرد آلة  
 حادة تتخبط فى حجر لا يمكن أن يلين تحت أية قوة وأى ضغط. ولعن غباه  
 حيث لم يستطع الحصول على معلومة واحدة تفك شفرة من شفرات قضيته  
 المعقدة، ولكنه فى قرارة نفسه كان يعلم أنه اهتدى إلى طريق ما وكان يؤمن  
 بلا سبب أو دافع بأن محمداً سيتصل به ثانية، ربما كانت حاسته سبباً وراء هذا  
 الإيمان غير المبرر.

- واظن برده ان التهديد سيكون بس بين الأعداء!؟ صح ولأ انا غلطان؟
- قصدق إيه!؟ - قالها بدهشة.
- قصدقى انك هددت عماد عز الدين ليلة قتله!؟ - قالها بنيرة متحدية وحادة.
- أنا ماهددتوش.. انا كنت برد على عجرفته وقله أدبه اللي مالهاش حدود.. الله يرحمه بقى.. وبعدين الحكاية دى بتحصل عادى يعنى فى أى موقف بالشكل ده.. وانت عارف الموضوع ده كويس يا فؤاد بيه.. وفى الآخر كله كلام.. مش أكثر من كلام بيخرج ساعة غضب من غير ما نحس.. وبعدين انا مش غيبى أوى كده.. هو فى بنى آدم فى الدنيا بيهدد حد وبعدين يروح يقتله عطلول!؟
- كل شىء وارد.. نسبة كبيرة أوى من التهديدات دى بتصدق..
- ما اطنش يا فؤاد بيه، وخصوصاً لو الحكاية مرتبطة بالقتل.. زالا بقى كنا عشنا فى غابة.. كل واحد قال له كلمتين فى وقت غضب بقى متهم بجرمة قتل.
- إنت عندك سلاح شخصى؟
- نظر إليه أشرف زيدان بتأمل وهو يخلع عويناته السوداء التى تضى على نوعاً من الوقار ثم قال:
- "أيوه".
- نوعه إيه؟
- مسدس عيار تسعة..
- ٩ ملى يعنى؟
- أيوه.
- استخدمته قبل كده؟

## -V-

- "أهلاً يا أستاذ أشرف".
- أهلاً يا فؤاد بيه.
- كنت اتمنى اننا نتقابل فى ظروف أحسن من كده.. لكن ما باليد حيلة.
- ابتسم أشرف زيدان ابتسامة عصبية دون أن يرد على فؤاد الأسيوطى بكلمة بينما قال الأخير:
- "إنت عارف طبعاً انت هنا ليه؟"
- طبعاً عارف، بسبب قتل الزميل عماد عز الدين.
- ويوسف أباطه كمان..
- جحظت عينى أشرف زيدان حيث وضحت عليه الصدمة حيث بدا جاهلاً بأمر مقتل يوسف أباطة، بينما قال فؤاد الأسيوطى الذى لم يهتم كثيراً بتعبيرات أشرف زيدان:
- بس من اللى اعرفه يا أستاذ أشرف ان عماد عز الدين بالنسبالك ماكانش زميل وبس.. ده كان تقريباً المنافس الوحيد ليك..
- ده شىء عادى.. المنافسة دليماً بتكون بين الزملا أو أبناء المهنة الواحدة، أما الحرب فتكون بس بين الأعداء.

- لا أبداً، عمري ما استخدمته..

- ومحتفظ به فين..؟

- ليا شقة في اسكندرية.. سايبه هناك فيها.

- مفهوم.. إنت آخر مرة رححت اسكندرية إمتي؟

- من حوالى تلت أسابيع تقريباً.

- إنت إمتي مشيت من القهوة ليلة قتل عماد عز الدين؟

- حوالى الساعة اتناشر ورعب بعد نص الليل.

- وكنت فين ليلة الحادثة؟

- خرجت علطول بعد خناقتي مع عماد.

- أبوه يعني رححت فين؟

- رُوحت البيت - قالها بتردد.

- قصدك الفيليا؟!

- بالضبط كده.

- يا ترى فيه حد يشهد على كده؟

- ما اظنش.. البواب كان نام لما رجعت، والمدام كمان كانت نائمة.

- ماحصلش أى حاجة غريبة ليلة الحادثة؟ أو قبلها مثلاً.. لو تفهم انا

اقصد إيه؟ أصلها غريبة.. إيه السبب اللي خلّك تدخل في خناقة

مع المحنى عليه ليلة الحادثة.. أكيد فيه سبب - وأشعل لفافة تبغ وهو

يقول:

- أصل مش معقول هتروح القهوة وتدخل علطول على عماد عز

الدين، وفجأة توجه له الكلمات دي من غير سبب.. وبعدين يرد

عليك بطريقته المعروفة.. فترد عليه انت بعصية وتهدهه.. في حاجة

مش فاهمها.

لم يتفوّه أشرف زيدان بكلمة ثم قال بعد لحظات من التفكير:

"أيوه.. في حاجة حصلت".

فانحنى فؤاد الأسويطى بعيون لامعة وهو يقول:

"إيه هي بقى الحاجة دي؟"

- أنا جاني اتصال ليلة الحادثة.. حوالى الساعة ١١ بالليل.

- من مين؟

- ماقالش اسمه.

- وقال لك إيه؟

- قال لي حاجات كتيرة ودقيقة جداً عن أفكار كتبتها قبل كده في

مفكرتي، وكنت ناوي اكتب عنها في الفترة اللي جاية.. الغريبة إنه

قالها بالتفصيل.. وقال لي ان عماد عز الدين ناوي يكتب من خلال

نفس الأفكار دي وبنفس النص والطريقة تقريباً.. أنا دائماً بسجّل

أفكارى في مفكرة خاصة بيّا.. معظم الكتاب والصحفيين بيعملوا

كده.. المشكلة بقى ان المفكرة دي اتسرفت من حوالى شهر ونص..

- وازاي أتأكدت ان عماد هو اللي سرقها؟

- بصراحة ماكتش مصدقه، بس كلامه كان منطقي، وده اللي خلّاتني

بسرعة أبصّ في الجرنال اللي بيكتب فيه عماد.. وقرئت خير يقول

"انتظروا تحقيق صحفى عن الفساد الإدارى يجريه الصحفى الكبير

عماد عز الدين"، وده التحقيق اللي انا شغّال عليه دلوقتى.. لأن بعد

ما اتسرفت المفكرة قعدت بسرعة وجمعت أفكارى وحاولت افكر

اللى كنت كاتبه فيها.

- وازاي اتسرفت منك؟

- كنت في محل بشتري علبة سجائر.. وحطيت شنطتى جنبى علشان

اطَّلَع فلوس احاسب بيها صاحب المحل.. وبعد ما حسابه بمد يدي  
اخذ الشنطة.. مالتهاش.. والمشكلة ان المحل كان زحمة..

- وكان إمتي الكلام ده بالظبط؟

- زى ما قلت لحضرتك من شهر ونص.

- أفهم من كده انك رحيت لعماد وانت مترفض وعصبي، وقررت انك  
تواجهه؟

- أيوه..

- وإيه اللي حصل؟

- بصراحة فى الأول ماكانش عندى الجرأة الكافية انى اتكلم معاه فى  
حاجة زى كده ادم الناس.. أنا بطبعي ما بحبش الغضايح.. ولو ان  
عماد كان يستاهل.. المهم انا كنت عارف كويس أوى انه بيتردد على  
القهوة دى، ولما دخلت ولقيته قاعد فى وسط صحابه اللي اعرفهم  
كلهم معرفة شخصية.. قررت انى لأجل الموضوع للصيح.. بس  
للأسف طريقته فى الكلام هى اللي خلتنى اقول له كده.. وخصوصاً  
انى كنت متعصب جداً بس انا مسكت أعصابى بالعافية ومشيت..

- بس انت مش عارف طبعاً ان القاتل استخدم مسدس ٩ ملى فى  
قتل عماد؟ وان القاتل ماسرقتش غير شوية أوراق، ومش بعيد تكون  
مفكرتك مع الأوراق دى.. عمومًا الكلام اللي بتقوله ده كلام مهم  
جداً - وصمت للحظات وقد نفذت عيناه وهو ينظر بتجد إلى أشرف  
زيدان، ثم قال بهدوء وثقة:

"والمفاجأة بقى ان يوسف أباطة اتقتل بنفس السلاح اللي اتقتل بيه عماد  
عز الدين"!!

صمت لوهلة وهو ينظر إلى أشرف زيدان الذى بدا واجمًا غير مصدق لما  
يقوله فؤاد الأسيوطى، الذي أكمل:

"مش صعب عليك تثبت انك كنت فى البيت.. على حد اعترافك..  
بتقول ان البواب كان نام والمدام كمان كانت نائمة.. بس بقى اللي انا  
متأكد منه.. انك ماكنتش فى البيت تحديدًا فى التوقيت اللي اتقتل فيه عماد  
عز الدين.. والسؤال اللي بيلخ عليًا دلوقتي.. إيه اللي رجعتك ليلة قتل يوسف  
أباطة بالذات.. ده لو ماكنتش انت اللي قتلته؟!.. رغم إنه كان باقى يوم على  
الأقل علشان ترجع القاهرة يا أستاذ أشرف!.. إحنا عرفنا من المجموعة اللي  
كانت مرافقة ليك فى الأقصر انك فجأة قررت انك ترجع لأمر مهم.. يا  
ترى بقى يوسف أباطة كُلمك وواجهك بقتل عماد عز الدين فرجعت بسرعة  
علشان تلحق نفسك وتمسح أى دليل يدینك!؟.. أظن ان الحكاية كده.

- إنت بتقول إيه؟! - قالها بحدّة.

- إنت متهم بقتل عماد عز الدين ويوسف أباطة.. كل الشواهد ضدك  
يا أستاذ أشرف.

- مستحيل إنى اعمل حاجة زى كده.. مستحيل - قالها منهازًا.

- مافيش فائدة يا أستاذ أشرف.. تقدر تجيب شاهد إثبات على وجودك  
فى البيت ليلة قتل عماد عز الدين زى ما بتقول؟! تقدر تقول لى ليه  
رجعت بالذات وفجأة من الأقصر ليلة قتل يوسف أباطة؟!.. طبعاً  
مافيش إجابة.. إنت هتكون ضيفنا لحد ما اعرضك على النياحة، بس  
قبل أى حاجة.. عايزين نأخذك فى رحلة معانا لاسكندرية علشان  
تجيب لنا سلاح الجريمة، رغم إنى عارف ان مافيش سلاح فى الشقة.  
نكس أشرف زيدان رأسه قائلاً بامتعاض:

"أنا برى، وماعملتش حاجة يا فؤاد بيه، بس عمومًا أنا عايز أكلم المحامى  
بتاعى".

- آه طبعاً طبعاً بكل سرور.. ده حقك.. علشان بس ما تقولش اننا  
بنعامل المواطنين بشكل سيئ ولا حاجة.



وبعد دقيقة جاء أحد رجال الأمن واصطحبه إلى الزنزانة.

جلس فؤاد الأسيوطي في مكانه يرتب أوراقه وهو يدخن بهدوء ويفكر فيما توصل إليه، كان يشعر بشيء غريب، شيء ناقص لا يفهمه على الإطلاق، بدا في رسم دائرة وكتب فيها بعض الأسماء:

محمد عطية

شخصية مرتبطة بالأوراق

أشرف زيدان

مجدى الزيني

دعاء الألفي

خالد مختار

طرف نسائي لم يظهر بعد..

ثم أشعل لثافة تبغ أخرى وشرع يفكر في نفسه:

"دايرة الشك عماله تكبر وكلهم عندهم دوافع للقتل.. محمد عطية..

علاقته بعماد لحد دلوقتي مش فاهمها.. إيه اللي كان يعملها عند عماد في

وقت زى ده؟!.. ويا ترى الأوراق اللي معاها دي تخص مين؟! وإيه معنى

كلامه ليا في التليفون لما قال لي.. لو حصل لي حاجة؟!.. وأشرف زيدان

اللي فجأة قلب لي القضية من فوق لتحت.. ما هو مافيش حد يبهدد وينفذ

تهديده عطلول.. مافيش نظرية من نظريات الجريمة ممكن تقتنعني بعكس ده..

وأشرف زيدان مش بالغباء ده.. إحساسى يقول لي إنه كيش فدا.. عموماً أنا

مهخليه في الوضع ده.. يمكن اكون غلطان! أما بقى خالد مختار المنحوس..

فمافيش عنده أى دافع، ولا ظهر أدامى أى سبب يخليه يقتل أعز صحابه..

بس برده مافيش نحس بالشكل ده.. واحد يبقى أول شاهد على قتل الاتنين

من صحابه.. عموماً الاتنين في الحبس، لو واحد منهم هو القاتل فعلاً يبقى

انا الكسبان، ولو الاتنين فعلاً مالهمش علاقة بالجريمة فده هيفيدنى في إني

أدى مساحة للقاتل الحقيقي انه يقع في الغلط بعد ما يطمئن انه بقى في أمان..

الغلطة المعروفة اللي لازم كل قاتل يقع فيها بعد ما يحس انه قُلت بعملته..

الغرور.. كل المجرمين لما يحسوا انهم قدروا يفتلوا من العدالة يحسوا

بالغرور.. والغرور دلئماً بيوقع صاحبه في الغلط..

وأخذ نفساً ثم دفن سيجارته في المكان المخصص لها وهو مازال يفكر:

"دعاء الألفي بقى.. البت دي لازم تراقب.. البت دي غريبة.. كانت

فرحانة جداً بقتل عماد.. يمكن تكون كانت فرحانة ان اختها خلصت من

راجل غبى وقاسى؟!.. بس هو في حد يبين فرحته أوى كده بقتل حد؟ وأدام

مين؟!.. طباط الشرطة!.. مااعتقدش.. ده غير ان كان واضح من لهجتها

كرهها الشديد لعماد.. أما بقى الفيلسوف الكبير مجدى الزيني.. اللي عماد

كان يبغذب فيه بعد اللي عمله مع مراته.. يا ترى هو اللي عمل كده?..

وخصوصاً انه كان مستعد يقتل عماد..

بتمنى محمد عطية يتصل بيّ تانى.. عايز افهم الأوراق دي مرتبطة بمين؟!..

وإيه علاقته بعماد؟ وإيه اللي وّاه في الليلة دي بالذات؟!.. موضوع الأوراق

ده أكيد هيكشف حاجات كتير أوى.. يا خوفي لو الموضوع كله ينتهى

بواحدة من عشيقات عماد.. قتلته في لحظة غضب.. بس مش معقول..

أمال يوسف أباطة اتقتل ليه بقى.. مالك يا فؤاد؟!.. فين ذكائك؟!..

وأسند مرفقيه إلى المكب واضعاً رأسه بين كفيه ومفكراً بعمق، وقد شعر

أن معركة دامية تدور في رأسه بلا توقف.. وبلا رحمة.



الفصل السابع

حصريات صفحة  
روايات مصرية للجيب

على الفيس بوك

by

Ramo

- ١ -

كان القلق يعتصر سعد رغم هذيانه الذى بدأ واضحًا من أثر الضرب المبرح الذى لاقاه، ولم يكن يفكر فى شيء آخر سوى محمد صديقه، وما طمأنه قليلاً هو أن هؤلاء الرجال لا يسعون لقتله بقدر ما يسعون إلى ما فى حوزته، فقد لعب لعبة الموت معهم ولكنه كان على ثقة فى أعماقه أنه من المستحيل أن يقتحم أحدهم عالم المعلم سيد بهذه السهولة، فهو لم يبيع صديقه ولكنها الماطلة التى لا يملك غيرها فى هذا الوقت العصيب.. ولكن ماذا إذا وصلوا إلى ما يسعون إليه؟ وما هى التعليمات التى تلقاها هؤلاء الرجال القساة الذين ينفذون الأوامر دون تفكير؟ إنهم آلات بشرية قاسية.

فى هذه اللحظات وبينما كان رجال أدهم أبو العز يتشرون قرابة المكان الذى يختبئ فيه محمد عند المعلم سيد، ذهب المعلم سيد سريعًا إلى الشقة التى يختبئ فيها محمد وقد كان مستلقياً على أريكة فقال له بحدة وتوتر:

"قوم بسرعة.. عندنا ضيوف".

فاقتضب ما بين عينى محمد غير فاهم فقال المعلم سيد:

"جاين بعدد كبير.. ومش ناويين على خير.. ومش هيمشوا من هنا من غيرك.. يا قاتل يا مقتول".

- وإيه.. إيه العمل يا معلم؟! - قالها محمد بتوتر.

# حصريات صفحة

## روايات مصرية للجيب

### على الفيس بوك

by

## Ramo

- ولا حاجة، هيريك من هنا، وأنا مطبّط الدنيا زى ما قلت لك..  
المكان اللي هتروحه ده مش هيخطر على بالهم ولا حتى على بال  
الحكومة، ومش عايزك تتحرك.. لا تروح هنا ولا هنا لحد ما الأمور  
تهدا شوية، وأنا هبقى أطمئن عليك.. يعنى مش عايزك تتصل بيا.. أنا  
اللى هتصل بيك.

- يعنى هروح فين مش فاهم؟ - قالها مرتعداً.

- يا عم قلت لك ماتخافش واهدى كده، أنا مجهز لليوم ده من زمان،  
وكت مستينه واهو جه.. يله بسرعة بقى..

هرع محمد يللمل حاجياته، واطمان بسرعة على الأوراق التي معه، بينما  
وقف المعلم سيد بجانب الشاب وهو يطالع الأمر في الخارج خلسة ثم قال  
بخفوت:

"يله يا محمد.. ما فيش وقت."

وبالفعل انطلق محمد مع المعلم سيد من باب خلفي للمنزل، ونزلا إلى  
شارع ضيق للغاية واستمر في طريقهما عدواً حتى بلغا طريقاً ترابياً، وكانت  
في انتظارهما سيارة ربع نقل اتجهت ناحيتها، ثم ركب محمد ونظر إليه المعلم  
سيد نظرة طويلة قائلاً:

"قبل ما تمشى عايزك تفهم ان اللي باعك هو أعز صحابك".

فجحظت عيني محمد وهو يقول هامساً بتعجب "سعد" بينما استرسل  
المعلم قائلاً:

"ما فيش وقت للزعل دلوقتي.. لأنه لا هيوذى ولا هيجيب.. علطول  
اللعبة بالشكل ده.. يا قاتل يا مقتول.. ومش عايزك تثق في أى حد خالص  
وانا لسه على عهدي معاك.. ماتقلش.. بس عايزك تعمل اللي قلت لك عليه  
بالظبط.. فاهم يا محمد.. بالظبط."

فاوما محمد برأسه ممتناً ثم قال:

"حاضر.. حاضر يا معلم".

- اتفد بجلكدك من هنا وانفذ امك.. ماتفكرش غير فى كده.. وافتكر  
كلامي ده كويس.. آخر ناس بتفكر فيهم هما أول ناس ممكن  
تساعدك..

- مش فاهم؟ - قالها متحيراً وغير فاهم.

- فكر كويس وانت هتعرف انا قصدى إيه، بس أهم حاجة اعمل  
الصح.. واحنا كده كده كنا عارفين ان اليوم ده هيجى.

أوما محمد برأسه بسرعة خائفاً وكأنه يؤكد كلمات المعلم سيد، بينما فجأة  
دوت أصوات طلقات نارية فصاح المعلم سيد فى السائق قائلاً:

"يله اطلع بسرعة للمترح اللي قلت لك عليه.. وعايزك تأمن لى عليه لما  
توصل، واونى ترجع هنا غير لما الأمور تهدى.. أمان".

- أمان يا معلم - رد السائق.

وبمجرد خروج السيارة من مرمى بصر المعلم سيد أخرج مسدساً كان  
مخشوراً بين حزام البنطال ووسطه ثم انطلق يعدو تجاه مكان دوى الأعيةرة  
النارية واختبأ في مكان يستطيع من خلاله أن يرى كل شىء، وتبادل الجميع  
ضرب الأعيةرة النارية من الجهتين.. رجال أدهم أبو العز وكذلك رجال المعلم  
سيد، استشعر في هذه اللحظة بأنك أمام حرب لا نهاية لها إلا بخسارة  
جميع الأرواح وتحويلهم إلى جثث.. الرجال يتساقطون من الجانبين؛ فمنهم  
من يصاب فى رأسه، والآخر فى ذراعاه، وأحدهم فى قلبه، لم يكن أي من  
الطرفين يدرى لم هذه المعركة الدامية؟! فرجال المعلم سيد لا يفهمون شيئاً  
سوى أن بعض الرجال يحاولون اقتحام مملكتهم ربما للحصول على شحنات  
من الحشيش أو الأسلحة المخبأة بالمخازن - حرب عصابات - بينما رجال  
أدهم أبو العز يعملون أنهم فى حالة بحث عن شخص ما قد يكلفهم حياتهم،

ولكن لم يكونوا على علم بأن ما يبحثون عنه لا يعنى لولى نعمتهم سوى بضعة أوراق.. لكنها أوراق تعنى له الحياة.

بعد نصف ساعة تقريبًا من تبادل ضرب النار صرخ أحد رجال أدهم أبو العز قائلاً:

"يا معلم سيد، إحنا معانا واحد من رجالتك.. "سعد" هنا معانا.. فمافيش داعى للعنف يا معلم.. إدينا اللي إحنا عايزينه واحنا نمشى من هنا، ويا دار ما دخلك شر".

وكرر كلماته مرة أخرى فأمر المعلم سيد بوقف ضرب النار، ثم نزل إلى الساحة رافعًا سلاحه وهو يقول:

"اللى بتدوروا عليه مش هنا".

- يا معلم سيد مافيش داعى للمماطلة، إحنا عارفين انه عندك وانث عيبه، سلمه لينا نسلمك سعد.

- أشوف سعد الأول..

فقال أحدهم بلهجة امرأة:

"هاتوا سعد".

وبعد ثوان كان سعد يمشى بصعوبة تامة مكبل اليدين يترنح من أثر الضرب في اتجاه المعلم سيد الذى كان ينظر إليه بنظرات ثابتة متخيلاً ما قاموا به، ثم قال أحدهم وهو يصوب مسدسه على سعد:

"فين بقى محمد عطية؟ أنا نَقَدْتِ اللى انت طلبته، دورك بقى يا معلم تفذ انت كمان وإلا والله اقتل لك سعد.. افق مكانك يا سعد.. مالمشيش أكثر من كده".

ساد الصمت للحظات كانت فيها أسلحة رجال أدهم أبو العز مصوبة نحو سعد، بينما ظل المعلم سيد ناظرًا إلى سعد القادم نحوه ثم قال بلهجة

صارمة وقذف له سلاحًا:

"حاسب يا سعد..".

وقتها تردد رجال أدهم أبو العز مما قاله المعلم سيد حيث لم يكن متوقعًا، ولكن سرعان ما قام المعلم سيد بالجري ناحية سعد وهو يضرب النار على

رجال أدهم أبو العز، وقام بسحب سعد بسرعة في أحد الأركان حيث كانت النيران تلاحقهما حتى أصابت رصاصة ساق المعلم سيد فأصدر أتينا قائلاً بغضب وألم أيضًا:

"يا ولاد الكلب".

بينما استمر ضرب النيران، ولم يجد رجال أدهم أبو العز سبيلًا وهم يتساقطون واحدًا تلو الآخر، فانسحبوا إلى سياراتهم بسرعة تاركين المكان

غارقًا في بقعة من الدم، وخرج من نجا من رجال المعلم سيد وكل منهم قلقًا ينظر حوله وهم يتبادلون النظرات ويمعنون النظر في أصدقاءهم الذين لا قوا

حتفهم، بينما خرج المعلم سيد في هذه اللحظات وهو يعرج قائلاً:

"لازم نسيب المكان ده دلوقتى حالًا.. لازم نزوح أى حته تانية نندارى فيها لحد ما الليلة دى تخلص.. لأنهم أكيد هيرجعوا، بس المرادى هيرجعوا

ومش هيجلوا فينا ولا واحد حى على ضهر الأرض".

فقال أحدهم متهكمًا:

"بس مين دول يا معلم؟!.. ماتقوليش ان رجالتنا ماتت كده علشان واحد غريب مانعروفش".

فاقترب منه المعلم سيد وهو يقول بجدلة:

"إنت الجحنت يا روح امك.. نسيت نفسك ولآ إيه؟! إحنا هنا بندافع عن نفسينا يا حبيبي.. مافيش بنى آدم خلفته امه ينفع يتهجم علينا لآى سبب وإلا هيبنتا هتروح.. فاهم يا كلب، وبعدين انا مش فاهم انت بتتكلم

معاً كده ازاي؟! إنت نسبت أنا جيتك منين وحميتك من مين؟ مش كانوا برده كلاب زى الكلاب دول.. إمبشى من وشى دلوقتى وماتورينيش وشك تانى".

ثم نكس رأسه ممتعضاً حيث كان الجميع يخشاه حتى وهو مجروح، ثم قال وهو يشير بيديه:

"مش عايزكوا تعلقوا يا رجاله، دمنا مش هيروح ببلاش كده.. وحقنا هناخده بالقوة لو ماكانش هيبجى بالحسنى.. بس هى حكاية وقت مش أكثر"، ثم نظر الى سعد والشرر يتطاير من عينيه قائلاً بغضب:

"وانت بقى بعننا بالساهل كده يا كلب بلى مامرش فيك الخير" ١٩

- والله أبداً يا معلم.. ماظلمنيش.. دول كانوا هيقولوني.

- تقوم تجيبهم يقتلونا احنا علشان تنفذ انت بجلدك!؟

- يا معلم أنا طول عمرى خدأكم وانك عارف انى جدع وعمرى ما ابيع ابن كارى لأى حد أبداً.. وكنت عارف انكم هتردوهم فى اتنين كلام.. يعنى من الآخر كده محدش يقدر على المعلم سيد.. واهو.. كله تمام.. وبعدين يا معلم أنا بين إيديك هو.. عايز تخلص عليا.. خلص وتقطع الايد اللي تمنعك حتى لو كانت إيدى..

نظر إليه المعلم سيد وهو يتأمله ومازال الغضب مستحوذاً عليه ثم قال:

"غور من وشى دلوقتى".

- أمرك يا معلم.

وبعدما ابتعد الجميع وهم يسحبون أرجلهم ليتفقدوا الجثث وينقذون ما يمكن إنقاذه، وقف المعلم سيد يتأمل المكان الذى تلون بالدم وابتسم فى نفسه ابتسامة ساخرة وفكر: "بيضحى برجائه علشان شوية ورق.. وموتلى كمان رجالة.. الموضوع مايقاش موضوع فلوس يا أدهم بيه.. والله ما يتشفى غليلي غير لما اشرب من دمك يا أدهم الكلب".

- ٢ -

"فى واحدة برّه عايزك يا فؤاد بيه".

- واحدة!؟.. ماقلتش عايزه إيه؟

- كل اللي قالته إنها جاية بخصوص قضية عماد عز الدين.

- خليها تدخل بسرعة.

دخلت امرأة ثلاثينية العمر تملك جمالاً أخاذاً، كانت طويلة القامة لها

عينان حادتان لا تخلوان من جاذبية خاصة، وشعر أسود طويل يغطي ظهرها،

وتطلعت فى فؤاد الأسيوطى للحظات ثم قالت:

"حضرتك فؤاد الأسيوطى رئيس الباحث"؟

- أيوه يا فندم.. اتفضلى.

- أنا ياسمين الجوهرى.

- أهلاً وسهلاً.. حضرتك قلنى بره إنك عايزانى بخصوص قضية عماد

عز الدين؟

- أيوه.

- إيه الموضوع بقى؟

- أشرف زيدان.

- ماله!؟

- أنا مراته.

- أهلاً وسهلاً..

- أقصد مراته الثانية.

- مش فاهم.

- إحنا متجوزين عرفى ودى قسيمة الجواز - وناولته القسيمة.

شرح فؤاد الأسيوطى ينقل بصره ما بين القسيمة وياسمين الجوهرى بريبة

وتأمل، ثم سرعان ما قال وهو يضع القسيمة أمامه:

"وإيه علاقة ده بالقضية!؟"

- علاقة كبيرة أوى.

- إزاي بقى؟

- ليلة ما اتقتل يوسف أباطة.. أشرف كان عندى فى البيت فى مدينة

نصر وماخرجش خالص.

- قصدك إيه؟

- قصدى ان أشرف ماقتلش يوسف ولا حاجة.

- وإيه اللي بيثبت انه كان عندك ليلتها وماخرجش خالص لحد ما وصلنا

وقبضنا عليه؟

- كثير أوى.. البواب والجيران يشهدوا بكده.

- إيم، مفهوم.. طيب تبررى بإيه رجوعه من الأقصر فجأة كده بدون أى

مقدمات؟

أخذت نفساً عميقاً ثم أطرقت برأسها وقد ظهرت فى عينيها لمحة من

الذكريات ثم قالت:

"فى الفترة الأخيرة كنا بتتخانق كثير أوى.. لأنى عايزة أعيش فى النور،

وكان بيطلب منى اتى أصبر شوية لحد ما يلاهى الوقت المناسب اللي يعلن فيه

جوازنا ويسوى أموره مع مراته الأولانية.. وكنت باضطر اسكت واصبر..

لحد ما الشيطان فى اليوم ده التملك منى وقت له: لو ماجتشت دلوقتى حالاً

وأعلنت جوازنا هتلاقينى بكره فى الجريدة اللي انت بتشتغل فيها وهطلع

قسيمة جوازنا وافضحك واقول انك متجوزنى عرفى.. وفعلاً أخذ أول

طيارة وكان عندى، وماخرجش خالص، وتانى يوم اتقبض عليه.. وماكتش

يعرف أساساً ان الأستاذ يوسف أباطة - الله برحمه - اتقتل."

تطلع إليها فؤاد الأسيوطى ساكناً دون حراك، لا يتكلم، بل يفكر، لم يشعر

بمفاجأة كبيرة؛ ففى أعماقه كان يشعر بأن أشرف زيدان برى، ولكنه لم يتوقع

أن يكون الأمر على هذه الشاكلة، سقطات الرجال قد تعرضهم للفناء، هكذا

بدا الأمر بالنسبة له، ثم ابتسم قائلاً:

"إحنا هنتأكد من كلامك ده كله بطريقتنا، ولو اتضح ان كلامك ده كله

صحيح.. هنخلي ذمته فى الحال وبدون أى ضمانات."

- متشكرة جداً.

- بس ليا سؤال.

- إتفضل.

- إشمعنى دلوقتى؟

- اعترفت بعنى؟

- أيوه.

- يعنى قلت اسبيه شوية علشان يعرف قيمتى، وكمان كنت مترددة إبنى

آجى.. بصراحة حسيت للحظة إنه مايستحقش.

هز رأسه مبتسماً ابتساماً باهتة وهو يقول فى نفسه "الستات".. وبعدما

ذهبت جلس فؤاد الأسيوطى على كرسيه واتصل بالضابط هانى وأعطاه بعض

الأوامر ثم قال فى نفسه "دلوقتى أشرف زيدان برى.. إهمم."



ضحك أدهم أبو العز بعصية وهو يقول:

"إنت اللي بتحطّ الشروط دلوقتي، إم.. بس إيه اللي يضمن لى ان مافيش معاك نسخة من الأوراق؟"

- أنا مش غبى يا أدهم بيه علشان اضيع نفسى تانى بسبب شوية ورق.  
- إنت كده كده ضايع يا ابنى.. ماتحاولش.. بس واضح انك عارف كويس أوى انت بتتحدى مين، وواضح انك بدأت تفهم اللعبة كويس.  
- تلميذك يا كبير..

- إم.. طيب بص بقى واسمعنى كويس.. أنا سمعت شروطك، ودلوقتي عايزك تسمع شروطى.. يا إما تقبلها يا إما تيلّ الورق اللي معاك وتشرب ميته.  
- إيه هى الشروط دى؟ - قالها متعجبًا ومستكبرًا أيضًا.  
- شرط واحد مافيش غيره.. تسلّم نفسك وتعرف انك قتلت عماد عز الدين ويوسف أباطة.

تفاجأ محمد عطية مما سمع وغاب في عالم آخر؛ حيث لم يتصور أن يكون الشرط على هذه الشاكلة، فشرط كهذا سيكلفه حياته كاملة، ودار بعقله الكثير من الأفكار، وسرعان ما سمع صوت أدهم أبو العز يقول بهدوء وبلهجة ماهرة:

"إنت هتضحى علشان أهلك يعيشوا يا محمد.. تخيل الفلوس اللي هيتمعوا بيها من بعدك، ده غير انك هتتقدّ أمك العيانة من الموت.. وافتكّر الفقر والذل اللي ممكن يعيشوا فيه لو مانقّذتش اللي انا عايزه.. أنا مش عايز حاجة أكثر من إن القضية دى تتفعل بعيد عنى.. يبقى انت أمّنت أهلك، وانا كمان أمّنت نفسى.."

- ٣ -

كان محمد عطية يجلس في إحدى الغرف على سطح أحد المنازل بوسط البلد، يفكر في كل شيء وقد اتناثه العديد من المشاعر المتناقضة، كان مرتعدًا ولكن لا وقت للخوف الآن؛ فقد دخل المرحلة النهائية من تلك اللعبة، اتصل بأحد أصدقائه واطمان على والدته، وبعد لحظات من التفكير كانت كالصراع الدامى فى رأسه قرر أن يتحدث إلى أدهم أبو العز، وبالفعل اتصل به ثم قال ببرة حادة:

"والله لأدفعك التمن غالى أوى يا أدهم بيه.. لا انت ولا غيرك هيقدر بمعنى.. يا انا يا انت فى البلد دى."

فرد أدهم أبو العز غضبًا بشدة:

"لا عاش ولا كان اللي يهدد أدهم أبو العز يا حيوان يا ابن الكلب."

- كفاية أنزحه بقى واسمعنى كويس، ادامك فرصة واحدة بس.. وإياك تلاعبنى المرادى وإلا وحياة أسمى لاكتب شهادة وفاتك بايديا.

- وفاة مين يا..."

- إخرس واسمعنى كويس، هتتحطّ الفلوس اللي اتفقنا عليها فى شنطة وتسيبها فى أمانات فندق رمسيس اللي فى وسط البلد.. وأول ما استلم الفلوس وابتقى فى أمان اقول لك على مكان الأوراق.

- قصدك انك عايز تقتل القتييل وتاخذ عزاه؟
- أحبك وانت فاهمني.. إيه رأيك بقى يا بطل؟
- أخذ محمد نفساً عميقاً حزيناً ثم قال بعد لحظات من الشroud:
- موافق.

أوما أدهم أبو العز برأسه راضيًا ثم قال:

"تمام أوى يا حماده يا حبيبي.. معادنا بكره الساعة عشرة بالليل.. أدبك الفلوس وتدينى الأوراق.. وبعدها يا كبير تسلمنى نفسك بقى علشان أطمئن انك هتسلم نفسك للحكومة.. وبعدها انت براءة.. ماليش عندك أى حاجة.. ولا كأننا قابلنا بعض فى يوم من الأيام.. وانا من ناحيتى هقوم لك بحامى كبير يدافع عنك.. بس بقى لو حاولت انك تماطل أو تلعب بديلك.. والله لأتلك حتى لو كنت فى بطن امك.. فاهم؟"

- هستناك بكره يا أدهم بيه.. أستلم الفلوس.. بعدها أنا تحت أمرك.

- وهو كذلك.. قول لى العنوان بقى؟

- بكره يا أدهم بيه.

اتسم أدهم أبو العز بعدما أغلق محمد الهاتف وهو يقول لأحد رجاله بطريقة غريبة:

"أنا حبيت الواد ده أوى، جرى، وذكى.. ومتهور كمان، ويمكن ده اللى غلبنى احيه.. التهور النادر اللى قليل أوى لما تلاقيه فى الطبقة دى بالذات.. أد إيه انا حزين ان نهايته هتكون بالشكل ده".

## - ٤ -

كانت دعاء تجلس فى منتصف غرفتها على الأرض وهى تقلب على حاسوبها المحمول "اللاب توب" الصور التى تجمعها مع مجدى الزينى، رجعت بذاكرتها للوراء قبل ذلك بسنوات عديدة حينما كانت مجرد صبية فى الثانوية العامة وقبل أن تدخل إلى كلية الطب، كانت مشدوهة به ويقوامه المشوق وعينه العسليتين وملامحه التى تشبه نجوم السينما، لقد أحبه منذ رآته لأول مرة حينما كان صديقاً لعماد عز الدين وأختها هند إبان أيام الجامعة، ولم تخيل نفسها مع رجل غيره، وحينما كبرت وأصبحت فتاة جميلة يطلب ودها كل الشباب صارحته بحبها، ورغم رفضه فى البداية إلا أنه وبعد مدة انصاع لها ووافق على الأمر على أن يكون فى الحفاء، ولم تر فى هذا عيباً ما دامت ستكون مع فارس أحلامها، وحطمت كل عقيدة تؤمن بها لأجله، وفعلت من أجله المستحيل ليرضى عنها، ولاقت منه جميع أنواع اللامبالاة والتسلط ولم تندمر، لكن لكل يركان خامد ثورة، وقد جاءت ثورتها؛ فقد حملت منه مرتين قبل ذلك وأجهضت نفسها ولم تخبره بذلك حتى لا تعكر صفوه، ولكنها كانت تسأل نفسها دوماً: لم تفعل ذلك؟! لم لم تصارحه بحميلها الأولين؟! هل كان خوفاً من ردة فعله أن ينكر الأمر؟ أم خوفاً من أن

يتصل منها؟ أم لأنها تدرك في أعماقها بأنه بالفعل لا يحبها وتخاف مواجهة هذه الحقيقة؟! فكم تكره أن يكون مرغماً على أن يكون أباً لطفل يكرهه، طفل سفاح! إنها أخيراً ليست أكثر من شابة ساذجة وقعت في حب ذنب آثر مصّ دمانها واستغلالها بلا توقف تحت اسم الحب.

شرعت دموعها تنهمر بغزارة وهي تفكر في الأمر، كانت الأسئلة تتخبط في عقلها فتهرب منها بلا جدوى، أى عقل يمكنه الهرب من كارثة كهذه؟! فقدان الابن والحبيب!..

وبعد ثوانٍ لاح على ملاحظها غضب شديد واقتضاب ينقر أى إنسان من النظر إلى وجهها وقالت فى تحدّ:

"يا ويلك يا مجدى لو حاولت بس تفكر انك تلعب بيا.. يا ويلك".

كانت تدرك جيداً أن مجدى يفكر بكل طريقة شريرة للتخلص منها، ولكن فى جزء منها كانت تتشبث بالأمل.. الأمل الذى لا ينضب من قلب أية امرأة وخصوصاً إن كان الأمر يتعلق بمن يحبين، فأحياناً تدخل بعض الفتيات قصص حب مع علمهن بفشلها منذ البداية، ولكن برغم هذا هناك ذلك الأمل الديكتاتور العالمى الذى لم يخسر هيئته ولا مكانته المرموقة أبداً رغم خسارته لجميع قضاياه.

ومع كل ذلك بدأت تخطط فى عقلها أن تأخذ حذرهما من كل شىء، عاد إليها الهدوء، وبراءة الإناث كشفت عن بطنها والمستها بحنان وكأنها تطمئن طفلهما الذى ينتظر المجهول.

- ٥ -

كان محمد عطية يجلس فى هذه اللحظات فى صمت غريب، يحاول أن يجد مخزجاً مما هو فيه، وشعر ببعض الاطمئنان بعد مكالمته المعلم سيد الأخيرة له، كان العنكبوت ينسج خيوطه فى هدوء على أحد الجدران، شعر بأنه فغ يحمل معنى خاصاً جداً فى نفسه، كان عليه أن يفكّ خيوط العنكبوت، ولكن تلك الخيوط لم يكن لها وجود إلا فى مخيلته، هكذا كان الأمر فى هذه اللحظات، وخلال تفكيره تذكر كلمات المعلم سيد له حينما كان على وشك الهروب من قبضة رجال أدهم أبو العز:

"انفذ بجلدك من هنا وانقذ أمك.. ماتفكرش غير فى كده.. وافتكر كلامى ده كويس.. آخر ناس بتفكر فيهم هما أول ناس ممكن تساعذك" فانتشل هاتفه بسرعة.

دق جرس الهاتف وسرعان ما انتشله فؤاد الأسيوطى قائلاً:  
"ألو".

- أنا محمد عطية يا فؤاد بيه.
- كنت عارف انك تتصل.
- فؤاد بيه، أنا مش قادر أتق فى أى حد.. يا ترى أقدر أتق فيك ولأ برده لسه مش مصدقنى؟

- أنا عازيك تكون متأكد يا محمد انك مش هتندم.. وانا مصدق كل كلمة قلتها لى - كانت لهجته صادقة.
- أنا لا قتلت عماد عز الدين، ولا قتلت يوسف أباطة.
- عارف يا محمد.
- عارف؟!
- أبوه عارف ومش عازيك تسألنى عن التفاصيل دلوقتى.. فى حاجات مش مفهومة.. فى أكثر من حاجة ضايعة.. الأوراق اللي معاك دى تدين مين؟ وإيه اللي فيها بالظبط؟
- الأوراق اللي معايا تخص رجل أعمال مشهور اسمه "أدهم أبو العز".
- وفيها إيه الأوراق دى؟
- كلها أوراق تثبت فساده وفساد ناس ليها نقلها فى البلد.. ومش فاهم الصراحة إزاي الأوراق دى وصلت لعماد عز الدين.
- خيلنا نتقابل واخدها منك وانا أنهى الموضوع ده كله بالكامل.
- الحكاية مش بالبساطة اللي انت متخيلها يا فؤاد بيه.. رجالة أدهم أبو العز زمانهم فى كل حته بيدوروا عليا، ده غير الحكومة اللي زمانها قالبة الدنيا علشان نجيبها.
- شكلك نسيت انى واحد من الحكومة - قالها باسمًا اتسامه خفيفة.
- لأ مش ناسى يا فؤاد بيه.. بس اللي بيدوروا عليا حكومة تانية لابسة ميرى لكن شغلها فى الضلمة، ودول لو وقعت فى ايديهم قول عليا السلامة... أنا متأكد.. واكيد انت عارف أنا بتكلم فى إيه كويس.. الناس دى مش سهل تقع.. مش بالبساطة اللي انت متخيلها.
- استنى، استنى.. فيه حاجة مهمة مش واضحة.. إيه علاقتك من الأساس بعماد عز الدين؟

تهد محمد بمجراة ثم قال:

"أنا مش هقدر احكيك كل حاجة دلوقتى، بس ببساطة.. أنا شاب ربنا وبه موهبة جميلة.. موهبة الكتابة.. وزى ما انت عارف انى فقير وماقدرش ادخل المجال ده من غير ما يكون معايا فلوس علشان اقدر انشر الكتب والروايات اللي بكتبها.. وفى يوم سمعت ان فى كاتب كبير اسمه عماد عز الدين بيتبنى المواهب.. وابقابلنا أنا وهو.. بعدها الأستاذ عماد حس انى عندى أفكار كبيرة أوى وميزة.. فعرض عليا انى أديله أفكارى.. يعنى أفكار الكتب والروايات والتحققات اللي ممكن يكتب فيها.. ومن وقت للتانى كنت بديله الأفكار اللي كانت بتيجى على بالى أو بكتبها ليه مخصوص.. وأصاده ده كان بيدبني مبلغ محترم.. وزى ما انت عارف يا فؤاد بيه.. إنك علشان تشتهر لازم يكون عندك مقومات كثير وكلها مش عندى.. أنا يدوب حته واد موهوب وده كل اللي.ملكه.. وعماد عز الدين يعتبر علامة تجارية.. فانا أكتب وهو يحط اسمه على انا بكتبه.. وحضرتك متخيل الباقي".

تهد فؤاد الأسويطى متعصًا ثم قال:

"وليه رضيت بكده.. ليه رضيت تسرق حتى دماغك بعته يا محمد.. هو ده الرد على إحسان ربنا ليك؟"

- أرجوك يا فؤاد بيه.. أنا مش قادر والله ولا ناقص أى كلام.. إحنا الفقرا ما بنحسبهاش بالشكل ده.. كل اللي بتفكر فيه هو الفلوس.. إزاي نجيبها.. إزاي يبقى جيبى مليون علشان إخواني ما يتدلووش ولا يتهانوا.. أنا عندى كوم لحم محتاج ياكل ويشرب ويلبس ويتعلم وغيره وغيره.. أما بقى حكاية الشهرة والأضواء ما كنتش تهمنى من الأساس.. الفلوس بالنسبالى هى أهم حاجة وكل حاجة.. وكنت مستعد إنى أقدم أكثر من كده لو كان انظلب منى.. وبعدين الأفكار

دى أنا لا بشرتها ولا بتعب فيها.. يعنى كانت تجارة ما بتخترش ولا بتكلفنى حتى قرش واحد.. وبعدين أنا كنت شايف ان عماد عز الدين ده راجل مجنون أو معتوه علشان يدينى فلوس أصدا شوية أفكار.. لو كان فعلاً موهوب زى ما هو معروف يا فؤاد بيه.. ليه مايفكرش إنه يتعب ويعمل نفسه بجدة.. حتى على الأقل يحترم نفسه وهو بيص حلفتة فى الماية.. ده عالم فاسد يا فؤاد بيه.. واللى انت شايفهم نجوم مجتمع دول مش أكثر من شوية تعابين مستخبية فى بدل وفساتين بالشىء الغلاتى.. شوية أفنعة يا باشا - أنهى كلماته بمرارة شديدة.

- وإيه اللي وداك فى الليلة دى لعماد؟

سكن محمد للحظات ثم قال:

"كنت رايح اقلته واسرق أى حاجة تساعدنى".

- يعنى ماكنتش رايح تسرق بس.

- أنا باكره عماد عز الدين.. إزاي يبقى معاه كل حاجة.. الفلوس والشهرة وحب الناس، وانا ولا حاجة.. مع إنه من غيرى مايسواش أى حاجة.. الفرق بينى وبين عماد عز الدين إنه عرف يلعبها صح.. وصدقتى يا فؤاد بيه أنا أول ما وصلت شفته اترعبت، وكل اللي فكرت فيه اتى أسرق أى حاجة واهرب..

- إنت ناوى على إيه دلوقتى؟ إنت كده كده نهايتك قربت يا محمد وانا خايف عليك.. يا إما متقع فى إيدينا يا فى إيدين رجالة أدهم أبو العز.. ولو وقعت فى إيده مش هيسيبك تعيش لحظة واحدة بعد ما ياخذ اللي هو عايزه.. أدهم أبو العز مستحيل هيرحمك، ولو كان وعدك بحاجة إوعى تصدقه.. هيبقتك يا محمد، وساعتها القضية هنتفقل ولا حد هيسأل عنك.. وكأنك أساساً ما تولدتش ولا كنت موجود على وش الدنيا.

- أنا مستعد اسلم نفسى، مستعد كمان انى اعترف بقتل عماد عز الدين ويوسف أباطة، بس تعهد آدمى انك تنفذ أمى من الموت.

تفاجأ فؤاد الأسيوطى بما سمع فقال بحدة:

"إنت مجنون، رايح للموت برجيلك علشان تنفذ أمك اللي كده كده هتموت سواء دلوقتى أو بعدين؟!.. وللأسف انت بتحمى مين..!؟.. بتحمى راجل فاسد اسمه أدهم أبو العز.. الراجل اللي لاي بس عباية الأخلاق والتقوى والدين.. وهو يدوب حشرة تننته بتمص فى دمي ودمك ودم كل غلبان فى البلد دى كل يوم".

- ما فيش آدمى حل تانى.

- لأ أدامك.

- إيه هو؟ - قالها بلا مبالاة.

- إنك تسلمنى الأوراق وتسلم نفسك، وقتها أقدر أدين أدهم أبو العز بقتل عماد عز الدين ويوسف أباطة؛ لأنه المستفيد الوحيد من قتلهم.. ده غير قضايها الفساد اللي فى الأوراق.

- وانت متخيل بقى انى هقدر أفلت من الحكاية بالبساطة دى يا فؤاد بيه!؟.. حتى لو كنت بينكم انتم يا رجالة الحكومة؟ وانت متخيل انك تقدر تقبض عليه أو تحاسبه على اللي عمله أو حتى على الأقل تدينه.. يا فؤاد بيه انت عارف أصول اللعبة فى بلدنا، وعارف كويس هى ماشية إزاي.. لازم اسلم له الأوراق علشان احمى أهلى على الأقل - أنهى كلماته بمرارة.

- يعنى تسلمه الأوراق أصدا عمرك اللي لسه ماعشتوش.. إدينى الأوراق وانا هأمن لك الحماية انت وأهلك - قالها راجياً.

- ماتخيليش اندم على اتصالى بيك يا فؤاد بيه.. أنا عارف انى مش



هأمن شره.. ولو ضمنت الحماية دلوقتي مش هضمناها بعدين..

- أمال انت اتصلت بيا ليه؟

- اتصلت بيك لأنك الوحيد اللي هيصدقني، والوحيد اللي ممكن أتق فيه.

- عايزني أوافق على المدبحة دي.. تسلمه الأوراق بالسهولة دي أصاد انك تليس الأحمر وتنفذ أمك.. إنت أكيد مجنون.

- لأ مش مجنون.. أنا واحد دخل النار برجليه.. ولو ماعملتش اللي بطلبه منك في إنك تعمل العملية لامي همحكك ذنبي.

- هتسلمه الأوراق إمتي؟ قالها محاولاً الحفاظ على هدوته.

- لما هسلمه هقول لك.. أكيد هتعرف يا فؤاد بيه.

- هتقولني.. ده لو كنت لسه حي - قالها ساخرًا بمرارة - محمد.. قولي على مكان التسليم والميعاد.. هيقولك يا غبي.

- كل اللي أقدر أقوله إن الميعاد الساعة عشرة بالليل بكره.. وصبتك أمي يا فؤاد بيه - وأغلق الهاتف.

جلس فؤاد الأسيوطي على كرسيه محاولاً أن يجمع أفكاره المشتتة، ثم

نهض من مجلسه بسرعة وأمر أحد الضباط بالتقصي عن هذا الرقم، لم يكن يريد صاحبه، بل كان يريد موقعه بالضبط ربما يوصله ذلك لشيء ما، فقد كان

في حاجة ملحة لطرف خيط.. مجرد طرف خيط لينفذ ما يمكن إنقاذه، ففكر في الإلقاء القبض على أدهم أبو العز أو حتى إعاقته.. ولكن بأية تهمة؟! فليس

لديه - حتى الآن - أي شيء يدينه، كما أن اقتحام عوا لم هؤلاء الأشخاص ليس بالشيء الهين، وقد تكون نهايته هو في حد ذاته وخيمة، فمن هم مثل

أدهم أبو العز قد يفعلون أي شيء وكل شيء ليحافظوا على أنفسهم.

في هذه الأثناء كان محمد عطية واجماً وقلقاً للغاية؛ فقد كان اتصاله مهيباً

لشيء يدور في رأسه، فلقد أعطاه الله نسبة من الذكاء تساعده على حل تلك المشكلات التي تشبه الكوارث، كان هناك مخطط يتمنى في أعماق قلبه أن يتحقق كما رسمه، لكنه كان وحيداً بلا حماية، وفي أية لحظة قد تهاجمه إحدى الفرقتين التي تمسح كل الشوارع بحثاً عنه بأسنان ضارية وبلا رحمة؛ فإن وقع في أيدي رجال أدهم أبو العز الذي لن يهدأ له بال حتى مواعده به ستكون نهايته بلا رحمة، وربما سيمنى الموت فلا يناله، وإن وقع في أيدي رجال الشرطة التي تسعى لإغلاق ملفي جريمتي القتل سيكون مصيره حبل المشنقة، ولن يكلف أحدهم نفسه بالدفاع عنه.. نعم قد يكون سقوطه في أية لحظة.

Roman



- ها..  
- البت دى غريبة فى كل تصرفاتها.. بس فى حاجة غريبة لسة عارفينها  
النهاردة يا باشا.. جاي أقول لك عليها، بالإضافة طبعًا لموضوع  
السلاح..

- إيه هي؟  
- من خلال مراقبتنا لقينا البت دى خارجة من عمارة، وبعد كده  
لقيناها اترددت على نفس العمارة مرتين ثلاثة فى يومين ورا بعض..  
المفاجأة بقى يا باشا اننا اكتشفنا انها على علاقة بمجدى الزينى؛ لأنه  
جه مرة لنفس العمارة اللي البت دى بتتردد عليها.. وواضح انها  
علاقة مشبوهة.

فنظر إليه فؤاد الأسيوطى طويلاً وكأنه يفكر ثم قال:

"فصدك إيه من كلمة "مشبوهة" بالظبط؟"

- قصدى يا باشا ان الشقة دى مفروشة وانا جرت من سنة تقريبًا..  
ومن تحرياتنا عرفنا انهم بيتقابلوا من وقت للثاني فيها.. يعنى مرة ولّا  
مرتين كل أسبوع..

- أنا ماهيمنش إذا كانت علاقة مشبوهة ولّا مش مشبوهة.. كل اللي  
يهمنى دلوقتى انك تراقب لى الاتنين كويس أوى.. واضح ان القضية  
دى فتحت أبواب مقلولة كثير - قال جملته الأخيرة وكأنه يحدث  
نفسه.

- واضح يا باشا، بس إيه حكاية أشرف زيدان؟.. مافهمتش سيادتكم  
تقصد إيه!

أطرق فؤاد الأسيوطى برأسه مفكرًا للتحظات ثم قال:

"أشرف زيدان قال انه مشى من القهوة ليلة قتل عماد عز الدين وراح

- ٦ -

كان ضابط المباحث هانى فى هذه اللحظات يدق باب فؤاد الأسيوطى  
الذى كان يرسم بعض الخطوط ويكتب بعض الأسماء على صفحة أمامه،  
كانت الغرفة معبأة بدخان السجائر، وكان المنظر موحشًا وغامضًا، وحين  
دخل هانى قال فؤاد الأسيوطى بهدوء:

"طبعًا مالتقوش السلاح فى شقة أشرف زيدان".

- أبوه يا باشا.. إنت شكلك ماتمتش خالص يا فؤاد باشا؟

لم يُعر كلماته اهتمامًا وقال:

- كنت متأكد.. الحكاية مش محتاجة لبناهة.. السلاح اللي لقيناه فى

مسرح الجريمة هو نفسه سلاح أشرف زيدان.

- وده اللي بيثبت التهمة عليه يا باشا.

ابتسم فؤاد الأسيوطى ابتسامة باهتة وهو يرفع عينيه لأول مرة منذ دخول

هانى ثم قال:

"فصدك دليل على براءته".

- إنت بتقول إيه يا فؤاد بيه؟! - قالها جاحظًا عينيه.

- إنت راقبت البت اللي قلت لك عليها؟

- دعاء.. طبعًا يا باشا.

على بيته عطلول، وان البواب ومراته كانوا نائمين.. فعلاً ماكانش بيكذب..  
ومن التحريات اللي عملناها بعد كده.. ظهر إن أشرف زيدان كان عند مراته  
الثانية في مدينة نصر ليلة قتل يوسف أباطة.. الأستاذ متجوز عرفي، واحنا  
قبضنا عليه بعد الحادث، والواضح انه ماكانش يعرف بموضوع قتل يوسف  
أباطة.. مراته الثانية كانت هنا وأقرت بالكلام ده.. ده غير اننا استجوبنا  
البواب وعدد من الجيران وأكادوا فعلاً إنه كان عندها ليلة قتل يوسف أباطة  
وماخرجش خالص.. واضح ان المسكين يخاف من مراته.. شكلها مسيطرة  
أوى (وابتسم)..

- ده غبي.

- ومانقولش ليه انه عالم وسخ.. الكل فيه لابس قناع الطهارة، والحقيقة  
إن الكل نجس ووسخ من جواه؟!

أوما هاني برأسه موافقاً، بينما قال فؤاد الأسيوطى وهو يشير بيديه:

"وبما إن أشرف زيدان ماقتلش يوسف أباطة يبقى بالتأكيد ماقتلش عماد  
عز الدين.. يوسف اتقتل لأنه عرف مين اللي قتل عماد.. وده اللي ثبت ان  
أشرف زيدان برى، من كل التهم."

- طيب ولسه حايسه ليه يا باشا؟

- لأنى محتاجه ليومين بس.. عايزه بس جوه فى الزنزانة مش أكثر..  
والصحافة بقى هتقوم بدورها.. إنت عارف شغل الصحافة وتكبير  
المواضيع.. يعنى البهارات.. بس المرادى بالذات البهارات دى  
هتساعدنا.. فاهم انت طبعاً أقصد إيه.. الكاتب أشرف زيدان متهم  
بقتل غريمه عماد عز الدين، والمناشطات السخنة دى.. هي اللي هتحل  
قضيتنا.. أشرف زيدان كارت خاص جداً.. مش ممكن أخسره.

- مش فاهمك يا باشا.

- هتفهم كل حاجة قريب أوى.

ساد الصمت للحظات معدودة تخللها إشعال فؤاد الأسيوطى سيجارة ثم  
قال هاني:

"طيب وخالد مختار؟"

ضحك فؤاد الأسيوطى ضحكة قصيرة وهو يقول:

"ده فقرى ومنحوس، ده يا سيدى واحد معلوم الحظ، كان موجود فى  
المكان الغلط والمعاد الغلط.. ومرتين.. وحتى بصماته مش موجودة غير فى  
المطبخ لما دخل شقة عماد".

- بس فيه أدلة تدينه!

- كلها أدلة ممكن تنتسف من جذورها لو جاب محامى شاطر.. لا فى  
بصمات ولا فى دافع ولا حتى كان عنده سلاح فى يوم من الأيام..  
ده غير ان واحد زى ده مش هيغلب فى إنه ييؤظ القضية كلها.. وانا  
مش عايز أضيع وقت، ولا عايز امشى فى السكة دى.

أوما هاني برأسه موافقاً ثم قال:

"طيب وبعدين؟! لحد دلوقتى ماوصلناش لحاجة يا باشا، حتى العيل  
الهربان اللي اسمه محمد عطية.. الوحيد اللي ليه بصمات فى مسرح جريمة  
عماد عز الدين.. والوحيد اللي عليه شاهد إثبات.. لحد دلوقتى مانعرفش إيه  
قصته بالضبط ولا وصلنا ليه!"

ابتسم فؤاد الأسيوطى وهو يقول:

"محمد مش بعيد يا هاني بيه.. عايزك تكون متأكد من الحكاية دى..  
وعايزك تكون مستعد فى كل لحظة وى لحظة؛ لأن القضية دى هتتغل  
قريب أوى.. ده غير انى عرفت القتائل.. ومش عايز أسئلة..".

- مش عايز أسئلة ازاي يا باشا؟ - قالها باسمها ثم استرسل يقول:

"ده أنا لازم اعرف الحكاية كلها وافهم.. ومنكم نستفيد يا باشا..

القضية دى بجد مش شايف لها مدخل، ودلوقتى جاي تقولى سيداتك  
عرفت القتال، وكمان مش عايزنى اسأل.. طب تيجى ازاي دى؟! "

شعر فؤاد الأسيوطى بالزهو ثم قال:

"عايزك تركز فى الكلام اللي هقوله دلوقتى وتسمعه كويس؛ لأن اللي  
هقوله لولك ده هو حل رموز القضية بالكامل."

- سامعك كويس أوى يا باشا.. اتفضل.

أشعل لفاقة تبغ أخرى ورمى الأولى من يده ثم نظر إلى هانى وقد لمعت  
عيناه ثم قال:

"دلوقتى لو بصينا للقضية اللي أماننا هنلاقي انها متفرعة أوى وداخله فى  
بعضها.. يعنى عندنا بصمات لواحد الموش أى علاقة بعماد عز الدين، أو  
هنقول انها علاقة مشبوهة، بالإضافة لسلاح استخدم فى الجريمةين.. مسدس  
٩ ملى.. بملكه أشرف زيدان اللي أساساً ماقتلش، ده غير ان فيه أوراق مهمة  
ماتعرفش طبعا تخص مين ولا تعرف تخص إيه؟.. تمام."

- تمام يا باشا.

- تمام أوى.. بالنسبة لمحمد عطية.. حكايته غريبة شوية.. الواد ده حتة  
شاب موهوب.. عماد عز الدين كان يستغل دماغه علشان يجدد  
من نفسه.. وطبعاً الواد ده غلبان؛ يعنى أى لقمة هترمي له هياخذها  
ويحمد ربه عليها كمان.. مش بس كده.. ده كمان هيفتكر ان عماد  
عز الدين راجل مجنون وغيبى لأنه بيديله شوية فلوس على شوية كلام  
فارغ من وجهة نظره.

ثم أخذ نفساً عميقاً من لفاقة التبغ واسترسل فى حديثه قائلاً:

"يبقى الواد ده يا هانى بيه.. كان موجود فى المكان الغلط والمعاد الغلط."

- تقصد يا باشا ان الواد ده راح كده وفى الساعة دى بالذات بالصدفة؟!

- بالظبط.

أطرق هانى برأسه مفكراً ثم قال:

"كَمَلْ يا باشا."

- أشرف زيدان بقى هو مربوط الفرس.. أشرف زيدان يجيله اتصال  
تليفونى ليلة قتل عماد عز الدين.. الاتصال من مجهول يقول له إن  
عماد عز الدين سرق مفكرتك.. واضح جداً ان المتصل عارف إن  
أشرف زيدان هو العدو اللدود.. أو هنقول بيكرهه.. وولاد الكار  
الواحد لا يمكن يحبوا بعض.. وكمان عارف ان أشرف ماعندوش  
أعلى من أفكاره.. فيروح أشرف زيدان بعصبية ويهدد عماد عز الدين  
فى وسط الناس ويقول له "نهائيتك قربت أوى يا عماد".. ولما رَوَّح  
أشرف للأسف ماحدث شافه، ومافيش حد ينقى وجوده فى مكان  
الحادث.. ولو افترضنا انه حصل فمافيش غير البواب ومرات المتهم  
اللى أكيد هيتشكك فى أقوالهم، ده غير ان ماحدث تانى يثبت وجوده  
فى مكان تانى غير مكان الجريمة، وهيدخل فى دوامة، ومش بعيد فعلاً  
يلبس القضية.. وبما إن صاحبنا مراقب أشرف زيدان كويس فعارف  
انه عنده سلاح ونجيبه فى اسكندرية.. واللى أكيد اتسرق قبل الجريمة  
علشان تبان أماننا ان أشرف زيدان هو الذى قتل.. وبكده يلبس أشرف  
الليلة كلها..

- إهمم..

- يعنى دافع وأداة.. قضية جاهزة واضحة وضح الشمس..

- يعنى يا باشا أشرف زيدان اتسقرت مفكرته قبل الجريمة، وبعدها اتسرق

المسدس بتاعه، وماكانش ناقص غير انه يشعل الفتيل فى الوقت اللي

القاتل عايزه؟

- بالظبط كده.. وفعلاً القاتل اختار الوقت المناسب.

- طيب والجريمة الثانية؟!

- الجريمة الثانية دى بقى كان فيها جانب كبير من الحظ.. للأسف أشرف زيدان ليلة قتل يوسف أباطة اتخافق مع مراته الثانية.. اللى متجوزها عرفى.. وهددته انها هتفضحه.. فخاف من الفضيحة ورجع فوراً.. وقتها القتال كان انكشف ليوسف أباطة اللى كان واضح انه تحت تأثير الصدمة.. وللأسف ماناقش منها خالص لأن القتال مادالوش مساحة وقتله.

- طيب يا باشا مين اللى عمل ده كله.. وليه؟

- اللى عمل ده كله.. أنا عارف مين.. ليه بقى!؟ دى مش واضحة أدامى بالطيب، بس لو حسبتها بالعقل هتلاقها بالشكل ده.

- إزاي يا باشا بقى؟

- اللى عمل ده كله مش بعيد يا هانى.. ده قريب جداً وعارف خطوات الكل بدقة متناهية ودارسهم كويس.. لأ والأكثر من كده انه عايش فى وسطهم.

- مين يا باشا؟

- مجدى الزينى.

- إيه!؟

- زى ما بقولك كده.. مجدى الزينى.

- طيب ليه؟

- مجدى الزينى لما كنت بحقق معاه وقع أكثر من مرة من غير ما يقصد.. لما سأته عن الأوراق وعماد بيخبيها فى.. قال لى بيحطها فى بنك.. رغم ان مراته أكدت إن كل صحابه عارفين مكان الأوراق المهمة، وانهم عارفين انه مش بيشيها غير فى البيت.. ده غير انه قال لى جملة للأسف ماخدتش بالى منها غير متأخر.. قال لى إن الفرصة ما بتجيش

غير مرة واحدة، والغنى بس هو اللى فاكر ان الفرصة ممكن تيجى مرتين.

- طيب ليه مجدى الزينى يقتل أعز صحابه؟

- مجدى الزينى مش صاحب عماد ولا حاجة.. الاتنين مش يطبقوا بعض، بس بيربطهم شىء غريب جداً.. الست..

- الست!؟

- أقصد هند الألفى زوجة المجنى عليه.. مجدى كان مرتبط بيها قبل ما عماد يتجوزها، وواضح ان مجدى غلط مع هند وعماد اكتشف الحكاية بعدين، وبدأت شرارة الكره تكبر بين الاتنين، لكن واضح ان عماد كان شايف انه تعذيبه ليهما الاتنين هو أنسب انتقام منهم.. هند كان يبذلها كل يوم.. ومجدى مايقاش ليه وجود على الساحة تقريباً.. تقدر تقول ان عماد دمره كإنسان وككاتب وصحفى.. ده غير التكبر عليه وإذلاله..

- أفهم من كده يا باشا ان مجدى استعان بدعاء علشان ينفذ مخططه ده؟  
- مالهش حل تانى؛ لأن يوسف لما عرف القتال اتصل بهند، ووقتها كان مجدى موجود، ولما سألتها بالمتغى كده مين اللى بيكلمك مقاتلوش.

- أمال عرف ازاي؟

- عرف من دعاء.. لأن هند قالت لدعاء على المكاملة.. مالهش تفسير تانى..

- مش يمكن يوسف أباطة قال لخالد مختار وخالد قال لمجدى إن يوسف عرف القتال؟

- لأ.. خالد ماقالش لمجدى أى حاجة..

- طيب ليه يا باشا ماقبضتش عليه لحد دلوقتي؟
- لأن مايفيش دليل قاطع ضده يا هانى بيه.. لا بصمات ولا أداة .. ده غير إنه مامن نفسه كويس، وليه حجج غياب.
- والحل؟
- الحل سهل جداً..
- إزاي؟؟!
- دلوقتي مجدى فاهم انه نفذ، وخصوصاً بعد ما عرف ان خالد مختار هيفرج عنه.. وان أشرف زيدان متهم بالجرميتين.. لازم تكون متأكد يا هانى انه هيفلظ وغلطه ده مش بعيد، وماتساش ان معانا دعاء.. وهى كارت مهم، واطن بشوية ضغط هتتعرف بكل حاجة.
- طيب ما نجيبها ونخليها تعترف.
- خليك صبور لأنى حاسس ان الموضوع مش كده بس.
- بمعنى؟
- بمعنى ان مجدى الزينى مش هيعمل ده كله لمجرد انه ينتقم والسلام.. مجدى الزينى مش الشخصية اللي ممكن تقتل ببلاش.. فيه حاجة خلته يدبر ده كله، واطن ان الحكاية دى مرتبطة كلها بموضوع الأوراق.
- وسيادتك عرفت الأوراق تخص مين؟
- أدهم أبو العز.
- رجل الأعمال؟!
- أيوه.
- إهم.. قصد سيادتك تقول ان ممكن يكون أدهم أبو العز استغل مجدى الزينى علشان يوصل للأوراق اللي مع عماد.. يعنى أكيد عرف طبيعة العلاقة اللي بينهم.
- وماتقولش ليه إن مجدى الزينى هو اللي استغل أدهم أبو العز وعمل المخطط ده، وفي الوقت نفسه يطلع بمبلغ يعيَّشه ملك بقية حياته؟!
- يعنى وجود محمد عطية وقت وقوع الجريمة بالطبظ خلى مجدى يهرب وماياخدش الأوراق؟
- بالطبظ.. ودلوقتي بقت المساومة بين محمد عطية وأدهم أبو العز.
- إيه!؟.. سيادتك بتقول إيه؟
- زى ما بقولك كده.. عايزك بكره تحضَّر لى قوة على الساعة تسعة؛ لأن الساعة عشرة بالطبظ هتقبض على محمد عطية وأدهم أبو العز.
- مش فاهم يا باشا؟
- محمد عطية كلمنى وكل اللي قاله ليا.. إن الساعة عشرة هيسلم أدهم أبو العز الأوراق.. أنا متأكد انه كان متصل علشان يوصل لى الرسالة دى.. مش علشان حاجة تانية.. وخصوصاً لما وصانى على امه.. الواد ده عايز يخلص، وفي نفس الوقت يخلص من أدهم أبو العز اللي يبشكِّل خطر عليه طول ما هو بره السجن.. يعنى عايزه يتمسك متلبس..
- يا ابن اللعينة - قالها شارداً.
- بتقول إيه يا هانى بيه؟!
- لا، ولا حاجة سيادتك.
- بله روح بقى ونقذ اللي قلت لك عليه، وماتساش بطل قضيتنا..
- إوعى تشيل عينك من عليه.
- نظر إليه هانى بتأمل ثم قال:
- "أقدر أقول دلوقتي انى مابقتش فاهم أى حاجة.. بس تحت أمرك يا باشا، وهنقد اللي قلت لى عليه.. أستأذنك أنا علشان اروح اشوف شغلى".

- إتفضل انت وفتح عينيك.  
وانطلق هانى خارج الغرفة مفكرًا، بينما دهس فؤاد الأسيوطى سيجارته  
بجدائه مبتسمًا ابتسامه المتصر وهو يقول فى نفسه: "دلوقتى بقى نقدر نبدأ  
العد التنازلى".

حصريات صفحة

روايات مصرية للجيب

على الفيس بوك

by

Rama

الفصل الأخير



كان مجدى الزينى فى هذه اللحظات يجلس فى مواجهة دعاء فى منزلها، كان مبتسماً تلك الابتسامة الساحرة التى تأسر القلوب. كان الحنان يقفز من عينيه ليحتضنها، بل كان كل شىء فيه يناديها بحب ولكن بصمت تحتار الأفلام فى وصفه، بينما كانت دعاء مشدوهة غير مصدقة لما تراه أمام عينها، عشاء فاخر، أضواء الشموع تزين الشقة فى كل مكان وكأنهما زوجين فى أول يوم من شهر العسل، ورغم كل هذا كانت الريبة مملوؤها وهى تنظر إليه من وقت لآخر بتعجب وحذر دون أن تتكلم، وقد لاحظ ذلك فقال مبتسماً: "هى غريبة انى أعامل حبيبتى ومراتى وأم ابنى بالطريقة دى يعنى"؟! وصمت للحظة وهو ينهض من مجلسه ليقتبل جبينها ثم نظر فى عينها وهو يقول:

"بجد انتى مش عارفة أنا سعيد أد إيه.. أخيراً هبقى أب.. عايزك تعذرينى يا دعاء.. أنا عارف انى كنت سخيف أوى معاكى آخر مرة.. وعارف انك اتحملتى كتير أوى معايا.. وعمرك ما ختتيني وكتتى سرى.. مش عايزك تزعلنى منى أرجوكى".

نظرت إليه وقد رق قلبها قليلاً - فالنساء هم النساء - يدخل الحب قلبهم

# حصريات صفحة

## روايات مصرية للجيب

### على الفيس بوك

by

## Ramo

دائمًا عن طريق الأذن - ثم قالت:

"ما كنتش متخيلة انك ممكن تسييني!"

- إنتي اجتنتي؟! .. ده مستحيل يحصل.

- عارفة.. إحنا قلدنا واحد يا مجدى، وانت عارف كويس أنا اقصد إيه - قالتها بثقة.

فابتسم ثانية وهو يجلس ثم قال:

"خلينا دلوقتي ننسي خلافتنا اللي مالهاش أى تلاتين لازمة.. وخلينا نبتدى من جديد.. ويله بقى ناكل قبل ما الأكل يبرد.. ده انا عامله كله بإيدى."

- ما كنتش عارفة انك بتعرف تطبخ يا مجدى! - وضحكت ضحكة قصيرة.

فابتسم لها وهو يشير بيديه ثم قال بلهجة مرحة:

"وحياتك عمائل إيدبا وحياة عينبا.. وبعدين ماتنسيش انى عابش لوحدى، وكثير أوى باضطر أطبخ لنفسى.. عيشة العزاب زى ما انتي عارفة."

- خلاص بقى ما انت هتودع حياة العزوبة قريب أوى..

- أكيد - وابتسم.

شرعا فى تناول الطعام وهما يتسامران ويتبادلان النظرات من آن لآخر، كان كل منهما ينظر للآخر فى هدوء، كان الأمل يخلق فى قلب دعاء، بل كان قلبها كالطائر الذى ظفر بالسماء بعدما أعاد له صاحبه حرته من خلف قضبان القفص الذى طالما عاش فيه، وتبخت نفسها على كل تلك الأفكار السوداء التى فكرت فيها، بل وتبخت نفسها لمجرد التفكير.

كان مجدى لا ينفك يشهر ابتسامته التى لا تقاوم، بل كان مراقبا لها بشكل غريب، عيناه لا تنزل عنها وهو يتناول طعامه، وبعد قليل انتهيا من تناول

الطعام، ثم جلسا لبعض الوقت يتسامران فى مختلف الأمور، وبعد لحظات أخبرها أن لديه موعدًا هامًا وقد أجله لأجلها، والآن عليه أن يغادر، فقالت له: "إنت هتجيلنا إمتى البيت؟ إنت عارف الموضوع مش متحمل أى تأخير".

- بكره.

نظرت إليه بعيون لامعة اغرورقت بالدموع من فرط الفرحه، ثم احتضنته بشدة قائلة بحرارة:

"بحبك يا مجدى، بجد أنا بموت فيك".

- وأنا كمان بحبك أوى يا دعاء..

انطلقا سويًا خارج المنزل، وودعها على الباب وظل ينظر إليها حتى ركبت سيارتها وانطلقت، فابتسم بطريقة غامضة وانطلق إلى سيارته وغادر هو الآخر، لم يكن مجدى الزينى يعلم أن هناك من يراقبه ويراقب دعاء أيضًا عن كئيب دون أن يفغل لهم رمش.. إنها الشرطة؛ حيث انطلقت سيارة خلف دعاء، وانطلقت سيارة أخرى خلف مجدى.

حاول محمد أن يجمع رباطة جأشه ويحصل على أقل قدر من القوة، ثم قال بصوت لا يخلو من الخوف:

"وفين الفلوس؟"

ابتسم أدهم أبو العز ثم هز رأسه واستدار لأحد رجاله الذى كان يحمل حقيبة، وأشار إليه إشارة برأسه تعنى "ضع المال"، وبالفعل قام الرجل بوضع الحقيبة أمام محمد عطية وفتحها.

نظر محمد عطية للمال بعيون متوهجة غير مصدق لما يرى؛ فقد كانت من فئة الدولار أيضًا، فقال أدهم أبو العز:

"الفلوس أهي ودولارات كمان.. علشان بس أثبت لك إني بحبك.. وكمان علشان أثبت لك حسن نيتي.. فين بقى الأوراق؟"

- وإيه اللي يضمن لى اتكوا مش هترجعوا علشان تقتلونى؟  
- نفتلك ليه يا ابني!؟.. إنت كده كده ميت.. فالحكومة تفتلك أحسن.. لكن أنا عن نفسى مش ناوى اوسخ إيدى.

فنظر له محمد بتوجس وخوف ثم قال:

"عايزنى إمتى أسلم نفسى؟"

- بمجرد ما تكون جاهز يا بطل.

وفجأة دوت طلقات نارية اخترقت المكان من كل جانب، فاحتسى أدهم أبو العز فى رجاله وقد أصابه الذعر، بينما احتسى كل منهم بحائط، وصاح أحدهم وكان صوته معروفًا لمحمد حيث ميزه بسهولة فقال صائحًا:

"معلم سيد، أنا هنا."

صاح المعلم سيد قائلاً:

"أدهم باشا.. محمد يخرج سليم ومعاه الفلوس.. نسلملك الورق.. غير كده.. محمش هيخرج من هنا غير على الأرافة."

- ٢ -

كانت الساعة تدق العاشرة مساء عندما دخل أدهم أبو العز وبعض رجاله غرفة محمد عطية فوق إحدى سطوح العمارات بوسط البلد، كانت الليلة قارسة البرودة مع بدايات شهر فبراير، وقف محمد عطية ينظر لهم جميعاً بشك وريبة، تنتقل عيناه فيما بينهم، وشعر بالخوف الشديد وارتجف جسده من هيئتهم التى تبدو غامضة وجادة أيضًا، فهذا المشهد بالنسبة له لا يمكن رؤيته إلا فى الافلام البوليسية التى أذمن رؤيتها، وسرعان ما سمع أحدهم يقول وهو يشعل سيجاره الغليظ:

"إنت بقى محمد عطية؟"

فقال متلعثمًا:

"أه.. أليه.. أنا.. أنا محمد عطية."

فاتبسم أدهم أبو العز ابتسامة غامضة وهو يقول:

"أهلاً يا محمد، تعبتنا معاك يا راجل.. وتعبتني أنا بالذات.. بس مش مشكلة.. أنا مسامحك ولسة عند كلمتى ومش هخلف وعدى معاك."

نظر إليه محمد دون أن ينطق، بينما أردف أدهم أبو العز قائلاً وهو يقترب منه:

"قولى بقى.. فين الأوراق يا بطل؟"

صاح أدهم أبو العز قائلاً:

"ماشي ماشي، بس إيه اللي يضمن لي انك هتتغذ كلامك لو أدتيكوا الفلوس؟"

- وعد شرف يا باشا.. وعد بجد مش زى وعودكوا الإزاز اللي بتتكسر من أقل طوية.

- ده على كده اتوا هنا من زمان؟

- إنت شايف إيه يا باشا؟

- ماشي.. ماشي، موافق.

- اخرج يا محمد - صاح المعلم سيد.

أمسك محمد بحقيبة النقود وبحذر شديد مشى خطوات وثيدة محاولاً ألا يصطدم بالمنبطين أرضاً على أرضية الغرفة التي انقطعت الكهرباء عنها لإصابة الأضواء بها بأعيرة نارية، وحينما وصل إلى الباب قام أدهم أبو العز من مجلسه وأطلق عباراتاً ناريةً عليه وهو يقول:

"مش تعشعش يا محمد، تبقى مجنون لو كنت فاكّر اني هسيك تعيش.. يا انا يا انت".

فأصابه فسقط وهو يتأوه، وبدأ ضرب النار بقوة بين الجانبين، وفجأة احتشد الشارع بالناس بسبب صوت طلقات الرصاص، بينما كانت قوات من الشرطة تخترق المكان وتصدت تباعاً، وفي ثوان معدودة كانت الشرطة تطوّق المكان ويتوسطهم فؤاد الأسيوطى وهو يصيح:

"عايز أدهم أبو العز حى".

وبدأت أفراد من قوات الشرطة تتوافد وصيحات فؤاد الأسيوطى فى الميكروفون تأمرهم بوقف إطلاق النار حيث سقط معظم رجال أدهم أبو العز، وسرعان ما توقف ضرب النار أمام قوات الشرطة التي قتلت العديد من الرجال

بينما استسلم البعض الآخر خوفاً على حياتهم، وقد أصيب المعلم سيد أيضاً أصيب أدهم أبو العز فى أعلى صدره، وانطلق فؤاد الأسيوطى سريعاً حيث وجد محمد عطية ملقى على الأرض وحوله بركة من الدماء، فجثا على الأرض بركبتيه ورفع له صدره وهو يقول:

"ماتتش يا محمد، أنا قلت لك تسلم نفسك.. ليه؟.. ليه تعمل فى نفسك كده؟"

فقال محمد بصعوبة بالغة وهو يحاول تجميع أنفاسه حيث بدت إصابته بليغة:

"فؤاد بيه؟"

- أبوه أنا فؤاد يا محمد..

- وصيتك أمى.

- ماتقلشش يا محمد.. مش هتموت.. قول لي فين الأوراق؟

- فى صدرى.

تعجب فؤاد الأسيوطى للحظات، ثم فتح السترة السوداء "الجاكت" التي يرتديها محمد فوجد الأوراق وقد أغرقها الدم، فقال محمد باسمًا ابتساماً مفعمة بالوجع تُبكي من يراه:

"حمتها بدمى يا باشا، ماتقلشش، بيتشال.. ما احنا دمننا رخيص.. ويتمسح بسرعة".

فابتسم فؤاد الأسيوطى ابتساماً باهتة ومريرة وهو يقول:

- ماتقلشش من حاجة يا محمد.. وماتكلمش.

وفجأة سقطت رأس محمد على ذراع فؤاد الأسيوطى الذى امتعض وهو ينظر إليه صانعاً:

"الإسعاف بسرعة".

ونقلوا من نجا إلى عربات الشرطة، بينما نقل الإسعاف الباقين تحت حراسة  
مشددة حيث كانت تحيطهم قوات الشرطة من كل مكان، وفجأة دق هاتف  
فؤاد الأسيوطي فوجد هاني يقول:

"بسرعة يا فؤاد به".

- في إيه يا هاني؟

- دعاه بتموت في المستشفى.. واضح انها حالة تسمم.. أكيد مجدى  
الزبني اللي عملها.. انتقلت للمستشفى بعد ما كانت معاه بحوالى  
ساعة.

- هتعيش؟

- مش عارف يا باشا، بس واضح ان الحالة خطيرة.

- اقبض على مجدى الزبني بسرعة قبل ما يحاول الهرب.

- محام يا باشا.

- ٣ -

كان مجدى الزبني يجلس فى إحدى أركان الزنزانة فى ركن خيم عليه  
الظلام، جامدًا بلا حراك، وجهه مبيضًا كيباض من باتوا فى ثلاجة الموتى،  
تم القبض عليه بهدوء تام فى مطار القاهرة حيث كان مغادرًا إلى لندن بحجة  
العمل.

كانت الأفكار تتخبط فى عقله، لم يجب على أسئلة أشرف زيدان وخالد  
مختار رفيقا حياة ما خلف القضبان، كان هناك شيء ما يسرى فى أعماقه يجعله  
يرتعد بل ويرتجف من آن لآخر، تلك الرجفة التى تأتيك فى الشتاء بلا سابق  
إنذار وبلا مبرر، قد تكون بالنسبة لك ممتعة ولكنها خلف القضبان قد تختلف  
كثيرًا فى معتها وقوتها التى تهز جسدك.

مرت ساعة تخللها حديث دار بين أشرف زيدان وخالد مختار عن موقفهما  
المرح، كان كل منهما يحاول طماننة الآخر، ولكن كان هناك سؤال حرج  
ل للغاية، سؤال يحوم كالغراب الذى ينذر بالشؤم، ولكن لم يصرح أحدهما به،  
كان كل منهما يوجهه للآخر فى صمت:

"لو ماكتش انت اللى قتلت.. يبقى مين اللى قتل"؟

وبعد هدوء ثقيل مرّ عليهم قال خالد مختار مستكترًا وموجهًا كلامه

لمجدى الزينى:

"طبعًا مالمقبوض دليل ضدك.. فقالوا يقبضوا عليك من باب الاحتياط.. بس يا ترى بقى الماردى اخترعولك إيه علشان يبقى مشتبه فيك انت كمان؟! إيه.. كنت بتبيع لعماد جوابات سرية وَلَا حاجة"!

ولم يرد مجدى الزينى ولم يلتفت حتى لخالد مختار أو يعيره انتباهًا، حيث كان مستندًا برأسه إلى أحد حوائط الزنزانة، فسار خالد حتى وقف فى مواجهته وقال:

"مالك يا مجدى؟!.. إنت مانطقش من ساعة ما جيت.. ماتنساش اننا كلنا على نفس المركب، واللى صايك صايينا".

نظر إليه مجدى الزينى فى هدوء ثم قال بخفوت:

"وإيه الفايده من الكلام يا خالد"!

فقال أشرف زيدان محاولًا أن يهون عليه قائلًا:

"ماتزعلش نفسك يا مجدى، وبعدين مافيش حاجة ضدك.. كلها إجراءات روتينية.. إن شاء الله هتخرج قريب.. ماتزعلش نفسك انت بس، وقول يارب".

نظر مجدى الزينى إلى أشرف زيدان ثم قال بلهجة متهمكة:

"يا أخى اللي يسمعك كده.. مايقولش انك متهم زينًا وفى نفس القضية".

نكس أشرف زيدان رأسه ثم قال بعد لحظة شعر فيها بالمرارة:

"ربنا اللي عالم انى ماقلتش حد.. ولا عمرى حتى فكرت فى حاجة زى كده".

- طب ليه محتفظ بمسدس فى شقتك فى اسكندرية؟

نظر له أشرف زيدان متعجبًا من سؤاله ثم قال:

"صدفتنى والله ما اعرف.. أنا اشتريته لأنى حسيت للحظة ان حياتى

فى خطر.. إنت عارف فوبيا الخوف.. ولما اشتريته ماقلتش ليه أى أهمية.. فسبته فى شقتى فى اسكندرية.. ربنا وحده اللي عالم انها الحقيقة".

- وليه مايعتوش أو اتخلصت منه؟

- عارف انت طبعًا نظرية حب الامتلاك.. يا ترى يا مجدى هتبيع حاجة اشتريتها؟ حتى لو مش عايزها.. مستحيل طبعًا.. ماتصليش كده..

صدفتنى دى الحقيقة.. إحنا عمرنا ما هتبيع حاجة ملكناها حتى لو كانت مالهاش أى تلاتين لازمة.. ويمكن نحارب كمان بكل قوتنا لو

حسينا انها هتروح من ايدينا رغم انها يا أخى لا هتقدم ولا هتاخر لو خسرتها.. بس احنا البشر كده.. جشع وطمع وأنانية.. دايماً بنحس

ان قوتنا بتزيد مع كل حاجة بنملكها.

قال خالد مختار محاولًا تغيير دفة الحديث:

"بس انت ماقلتش برده إيه الحججة اللي خلقوها لك علشان تبقى متهم معنا"!

- ولا حاجة - قالها بغموض.

- ولا حاجة! إزاي يعنى ولا حاجة؟! - قالها خالد مختار متهمكًا ومتعجبًا أيضًا.

- يعنى ولا حاجة يا خالد - رد مجدى الزينى بحدة.

- أول مرة أشوفك عصبي كده يا مجدى!

- أنا مش عصبي يا خالد، بس الوضع كله زفت فى زفت، واديك شايف - قالها بغفور وهو يقف مبتعدًا فى آخر الزنزانة.

مشى خالد مختار حتى وقف خلفه وهو يقول:

"ما انت لو قلت لنا اللي حصل ممكن نلاقي لك مخرج".

- ماحدث يقدر يخرجنى من اللي انا فيه.. القدر بس اللي يقدر



يخرجني من المصيبة اللي انا فيها.  
رفع أشرف زيدان رأسه قائلاً بخفوت:  
"القدر!"

بينما رفع خالد مختار حاجبه الأيمن متعجباً:  
"القدر.. قصدك إيه؟!"

- القدر يا خالد، إيه ماسمعتش عنه؟ - قالها صائحاً بغضب.
- فاهم يا سيدي، بس انت تقصد إيه بالظبط؟
- الموت يا صاحبي.. الموت - قالها بغموض.
- قصدك ان الموت هو الحل الوحيد للى انت فيه؟
- أيوه.. الموت بس هو اللي ممكن يخرجني من اللي انا فيه.
- أنا مش فاهمك.
- ولا أنا - قالها أشرف زيدان.

ساد الهدوء للحظات حيث كان خالد مختار وأشرف زيدان في حالة ترقب لما سيقوله مجدى الزينى الذى رفع رأسه متنهذاً تهيدة عميقة، ثم نظر إليهما وابتسم بفرابة وقال:

"دى الحقيقة يا أصدقائي، لو مات حد معين.. ممكن أخلص من كل اللي انا فيه.. ولو ماحصلش يبقى قولوا عليا السلامة".

- إم.. طيب سيبك من ده كله دلوقتي بما إننا مش فاهمين حاجة.. إنت رحنت لهند وأديت لها مفكرة عماد الله برحمه زى ما قلت لك؟..
- دى حاجة مهمة يا خالد وممكن تساعد الحكومة علشان يوصلوا للقاتل الحقيقي.. دول متخيلين انها اتسرتت.. بس الظاهر ان عماد نسيها معاها وسط ورقى فى آخر ليلة واحنا قاعدين مع بعض على القهوة.. المشكلة انى مالمقتهاش غير ليلة القبض عليا.. فجأة لقيتها

ظهرت وسط الورق - أنهى كلماته متعجباً وشارداً أيضاً.  
فقال أشرف زيدان بلهفة:

"إنت إمتى لقيت المفكرة دى بالظبط".

- قبل قتل يوسف أباطه - الله برحمه - يوم.. كنت رايح لهند الألفنى علشان اديهالها بنفسى بس اتصل يوسف هو اللي أخرنى، فسبتها فى البيت، وقلت لمجدى وانا فى طريقى ليوسف انه يعدى وياخذها ويديها بنفسه ليها.
- أكيد دى مفكرتى اللي سرقها عماد من مدة.
- سرقها عماد؟! دى إهانة. عماد عمره ما سرق حاجة من حد - قالها خالد بحدة.

- وإيش عرفه انى هاعمل تحقيق صحفى فى الفساد الإدارى؟.. وفجأة كده بقدرة قادر الأقيه سابقنى وعامل نفس التحقيق!!

- دى فكرة مجدى مش فكرتك.. مجدى قال له عليها قبل الحادثة بأسبوع تقريباً أو يمكن عشر تيام.. وعلطول عماد ابتدى يكتب فى المفكرة دى.. أيوه افكرتك.. قبل ما يموت عماد بعشر تيام فعلاً.. حتى الإعلان كان فى الجريدة ليلة قتله.

- إستنى.. إستنى - قالها أشرف زيدان بريية وهو ينظر إلى مجدى الزينى الذى بهتت ملامحه أكثر، ثم قال:

"فصدك تقول ان عماد عز الدين أخذ المفكرة دى من مجدى؟!"

- أيوه يا سيدي.. أمال انا بقول إيه من الصبح؟!.. حتى كلنا كنا موجودين لما مجدى قال المفكرة دى.. أنا وعماد ويوسف - الله يرحمهم - ومجدى.. إحنا ساعات كده بتبادل الأفكار، وفيها اللي بيعجبنا فنقوم نوظفه فى مجالنا.. وفى الليلة دى بالذات مجدى كان

يتكلم عن الفكرة بحماس كبير أوى، وده اللي خلى عماد يعتمد الفكرة.

- طيب لما هو كان متحمس أوى كده للفكرة.. ماكنبهاش هو ليه؟ ويا ترى بقى جتلك الفكرة دى منين يا مجدى؟ - قالها أشرف زيدان بتحد.

- فكرة زى أى فكرة - رة مجدى الزينى متلعنما.

- بس الاتصال اللي جاتنى ليلة قتل عماد.. قال لى ان مفكرتى اتسرت، وان عماد هيكتب فى الفكرة اللي انت كنت متحمس ليها وقتها لعماد.. مش شايف انها غريبة شوية!؟

ثم رمش بعينه وكأنه تذكر شيئاً ثم قال:

"وبعدن انت عرفت منين انى عندى مسدس فى اسكندرية؟ إزاي ماخدتش بالى!؟ ده انا غيبى أوى!"

نظر خالد مختار برية إلى مجدى الزينى وهو يقول:

- ليه ما ديتش لهند المفكرة يا مجدى!؟.. اللي يتكلم فيه أشرف كلام منطقي جداً.. وخطير.. فهمننا انت؟

- أنا ما كنتش مستعد لمواجهتها يا ناس.. ما انت عارف يا خالد..

- إنت كداب - قالها أشرف زيدان بحدة.

فاحتدم وجه مجدى الزينى وهو يصيح بغضب:

"أنا كداب يا ابن الكلب يا سفاح.. أنا مش عارف انت بأى وش يتكلمنى!؟ إزاي تتجرأ أساساً وتتكلم معايا وانت قاتل أصحابى، ولأ عايز

تقتلنى انا كمان!؟!"

أمسكه خالد مختار وهو يقول بحدة:

"إهدا يا مجدى.. إحنا مش عايزين أكثر من حقايق وكلام منطقي يتعمل..

أشرف متهم بقتل عماد ويوسف، وسلاح الجريمة هو نفسه السلاح اللي عنده.. والمفكرة اللي اتسرت دى هى مفتاح كل حاجة.. والواضح من كلام أشرف إنها مفكرته وفعلا عماد مش يبسجل حاجة.. إزاي فاتتنى حاجة زى دى!.. والحكومة فاكرة ان مفكرة عماد اتسرت مع الأوراق اللي اتسرت من الشقة.. ده غير انهم فاهمين ان يوسف عرف حقيقه القاتل.. فقام القاتل قتله.. وللأسف اشرف ليلتها كان رجع من الأقصر.. يعنى هو لابس الحكاية كلها.. فطبعي انه يشك فى كل حاجة.. قول لى بقى يا صاحبي إيه الحكاية بالظبط!؟.. فى حاجات كثير واضح اننا مش فاهمينها هنا".

- وانا ما فيش حاجة عندى اقولها يا خالد.. مادام انت شاكك قيا انا.. صاحبك.. وواقف جنب الكلب ده - قالها مجدى بنفور.

- إياك نعاول حتى تفكر تسبني تانى - قالها أشرف زيدان هائبجا.

- إهدوا بقى.. إهدوا بقى ارجو كوا.. الموضوع خطير بجد.. وبالطريقة دى مش هنوصل لأى حاجة.. لازم نساعد بعض علشان نطلع من الأزمة اللي احنا فيها دى.

- وانا مش هتكلم فى وجوده - قالها مجدى الزينى غاضباً.

- ماشى.. زى ما تحب، بس كفاية أوى اللي سمعته.. وعموماً الحقيقة هتبان قريب أوى.. وهنشوف مين فينا السفاح.

نظر لهما خالد مختار برية، كان يشعر بأن هناك شيئاً غير مفهوم على الإطلاق، لم ير مجدى غاضباً أو هائبجا بهذه الطريقة، كما أن موضوع المفكرة يبدو باكملة للرية، وهناك شىء مفقود، أو ربما شىء لا يريد أن يصدق.

أوما فؤاد الأسيوطى برأسه ثم قال للطبيب:

"مش عايز أى حد يعرف إنها توفت ولا حتى أهلها".

- إزاي يا فؤاد بيه؟ إذا كان أهلها هنا.. هقول لهم إيه بالضبط؟!..

حسب تعليمات هاني بيه.. أنا ماتكلمتش مع حد لحد دلوقتى..

وواضح انها جريمة قتل.. إزاي هقدر أخنى حاجة زى كده؟!!

ابتسم فؤاد الأسيوطى ثم وضع يده على كتفه وهو يقول بهدوء:

"يا دكتور.. إحنا أدام قضية مهمة جدًّا ولازم تساعدنا.. المعلومة دى لو

خرجت بره الأوضة اللى فيها دعاء دلوقتى.. القضية كلها هتبوظ، وبعدين

لو أهلها سألوك.. قول لهم انها فى العناية المركزة وبمَنوع عنها الزيارة،

وصدقتى.. الموضوع مش هياخد وقت.. اتفقنا؟!!

نظر إليه الطبيب، وأطرق برأسه مفكرًا ثم قال:

"اتفقنا".

- وهستنى تقريرك المفصل.

- تمام يا فؤاد بيه..

اتجه فؤاد الأسيوطى بصحبة هاني وبعض رجال الأمن نحو باب الخروج

وقال موجهاً حديثه لهاني وهو يشير بيديه بحزم:

"عايز حراسة مشددة على المستشفى.. لا حد يدخل ولا حد يخرج..

كل اللى عايزه محدش يعرف حاجة عن موت البيت دى.. القضية على كف

عفريت.. أى غلطة الحكاية كلها هتبوظ".

- ماتقلقش يا فؤاد بيه.. كله تحت السيطرة.

- مجدى فين؟

- زى ما قلت لسيادتك.. فى الحيس يا باشا..

- تمام أوى.. أنا رايح احقق معاه، وروح انت شوف شغلك.. واستنى

- ٤ -

"دعاء ماتت؟!!"

- للأسف كمية السم اللى دخلت جسمها امكنك منها بسرعة

واتوفت.. بس فى حاجة يا فؤاد بيه".

- إيه يا دكتور؟

- دعاء كانت حامل.

- إيه؟

- زى ما يقول لسيادتك كده.. حامل تقريبًا فى الشهر الثالث.

وقف فؤاد الأسيوطى مشدوها وشردت عيناه وهو يتأمل الطبيب ثم قال

بعد لحظات من التفكير:

"تقدر تحددل السم اللى خدته ده أخذته إمتى؟"

- آه طبعًا.. نوعية السم اللى خدتها دعاء نوعية قوية جدًّا، وأرجح

أنها أخذتها قبل وفاتها بساعة.. ده بالكثير أوى.. نوعية السم دى

خطيرة ومش بتاخذ وقت كثير على ما تنتشر فى الدم.

"معنى كده يا فؤاد بيه ان مجدى الزينى هو اللى حط لها السم زى

ما قلت لسيادتك؛ لأنها كانت معاه فى التوقيت اللى بيتكلم فيه

الدكتور - قالها هاني وهو يشير بيديه بوضوحًا.

منى تليفون.. آه قول لى.. أخبار محمد عطية وأدهم أبو العز إيه؟  
- أدهم أبو العز خرج من أوضة العمليات، والدكاترة يقولوا انه هيبقى  
كويس، أما بقى محمد عطية.. فيين الحيا والموت..  
أوما فؤاد الأسيوطى برأسه ثم قال بحزم:  
"شددل الحراسة على الاتنين يا هانى.. وممنوع الزيارة لأى حد فيهم..  
هانى.. مش هوصيك".

- مفهوم يا باشا مفهوم.. ماتقلقش سيادتك.. روح انت واطمن.  
أوما فؤاد الأسيوطى برأسه ثم انطلق فى طريقه حتى بلغ سيارة الشرطة  
وبحزم قال للسائق:  
"اطلع يا ابنى بسرعة على القسم".

-5-

كان فؤاد الأسيوطى جالسًا على كرسية يطالع بعض الأوراق أمامه حينما  
دخل عليه مجدى الزينى بصحبة أحد رجال الأمن، وبعد تروان معدودة أشار  
بيده لرجل الأمن بأن يذهب ويترك المهتم، ثم أشار إلى مجدى الزينى بيده  
بالجلوس، أوما مجدى الزينى برأسه شاكرًا دون أن ينطق بكلمة ثم نظر لفؤاد  
الأسيوطى وهو يشعل لفافة تبغ ثم أخرج لفافة أخرى أعطاها له وهو يقول:  
"مشرفنا يا مجدى باشا".

لم ينطق مجدى وسرت قشعيرية فى جسده؛ حيث بدت طريقة فؤاد  
الأسيوطى غريبة وغامضة، وسرعان ما سمع فؤاد الأسيوطى يقول:  
"معلم.. والله معلم".

- قصدك إيه؟! - قالها بريية.

- يعنى فلسفتك وقعتك يا أستاذ.. يا أستاذ يا كبير.. آخر حاجة كنت  
تخليها انك تقع طبعا.. أنا عايز اعرف الدماغ دى جيتها منين؟!..  
تقتل اتنين من أعز صحابك وعلشان إيه يا أخى.. شوية فلوس..  
وشوف جشعك يا أخى تحاول كمان تقتل شريكك فى الجرائم دى  
كلها.. ده إيه الجبروت اللي انت فيه ده؟!!

حصريات صفحة  
روايات مصرية للجيب

على الفيس بوك

by

Ramo

تلعثم مجدى الزينى وتغيرت ملامحه ثم قال:  
"انا.. انا مش.. فاهم.. سيادتك بتتكلم عن ايه؟!"

- إم.. مش فاهم.. افهمك.

دفن سيجارته وهو يقول:

"عايزنى افهمك ايه بالظبط بقى.. تحب نبتدى منين؟!.. ها.. نبتدى من زمان من ايام ما كنت مرتبط بهند الألفى مثلاً.. ولما.. ها.. فاهمنى طبعاً.. يقوم بقى عماد يعرف انك انت اللي فتحت الباب وعليت الجواب.. يقوم يذُلك ويعمل منك مضحكة فى كل حة.. ولأ افهمك بقى مثلاً ليه ما تجوزتش وانت أساساً مقضيها مع اختها.. اللي ضحكت عليها واستغلتها باسم الحب وخليتها شريكة ليك فى كل جرايمك.. ها قول لى يا مجدى باشا.. قول لى يا أستاذ.. عايزنى افهمك ايه كمان".

اضطرب مجدى بشدة وشرعت يدها ترتجفان وهو يدخن لغافة التبغ بنهم وينفخ بشدة، بينما استكمل فؤاد الأسوطى حديثه وهو ينهض من مجلسه ويضع يده على كتف مجدى الزينى:

"افهمك مثلاً انك اتققت مع أدهم أبو العز فى إنكوا تخلصوا من عماد وتجيب له الأوراق وتطلع بقرشين محترمين.. تحب افهمك كمان إن يوسف أباطة.. صاحبك.. اللي أكلت معاه عيش وملح.. عرف الحكاية كلها فمكذبش خير ورحت قتلته.. تحب أقول لك إنك لما حسيت ان دعاء بقت عب، عليك قررت تقتلها هي كمان.. كنت مسافر ليه بقى يا مجدى واحنا فى الظروف دى.. هريان من ايه؟"

قال مجدى محاولاً أن يدافع عن نفسه:

"انا.. انا مش عارف انت بتقول ايه وبتتكلم عن ايه؟"

- يا مجدى خلاص كل حاجة انكشفت، ودعاء اعترفت بكل حاجة.

- اعترفت بكل حاجة! - قالها دون وعى.

- اللي يكون سبب فى موت ابنها.. لازم تولع فيه.

- دعاء؟!!

- أبوه دعاء اللي حاولت تقتلها هي كمان، بس عناية ربنا بقى.. وعلى

فكرة هنعبرها شاهد ملك.

- ايه؟!!

- زى ما سمعت كده..

- بس انا ماكتش فى وعى.. عماد كان لازم يموت، ويوسف ماكانش

لازم يشغل دماغه.. انا..

- كنت ايه بقى.. قول لى علشان اساعدك؟

وعاد مجدى بذكرياته للوراء شارداً.

قبل قتل عماد عز الدين بسنوات

"مجدى انا تعبانة بجد.. مش عارفة اعمل ايه؟ وانت حاطط إيدك فى المية الباردة.. ارحمنى.. لازم تقدم لى.. إزاي ادارى اللي حصل لى وكل يوم عماد بيضغط علينا وعايز يتقدم لى، خصوصاً بعد ما الكل حس ان فى حاجة غلط بينا.. هو انت قلت لعماد حاجة؟"

- انا؟!.. لا أبداً يا حبيبتى.. هو ازاي يتجرأ ويكلمك فى حاجة زى

كده وهو عارف انى مرتبط بيكى؟

- يا مجدى ما انت بفالك مدة محبش بيشوفك فى الجامعة، ومن يوم

اللى حصل بينا مابتدش على تليفونانى..

- إسمعيني كويس يا هند.. انا.. انا بصراحة مش هقدر اتقدم لك

دلوقتي.

- إبيه؟!.. إنت بتقول ايه؟!!



- يا هند افهميني.. أنا ظروفي ماتسمحش بالارتباط دلوقتى..
- أنا مش مصدقة اللي انا بسمعه.. معقول يكون انت البنى آدم اللي انا حبيته.. معقول؟!
  - يا هند صدقتيني.. أنا لسه بيجبك.. بس..
  - بس إيه بقى.. أنا قلبى كان حاسس من الأول انك ندل وجبان..
  - هند؟!
    - أنا مش عايزة اشوفك تانى ولا حتى صدفه.. حسبى الله ونعم الوكيل فيك.

#### قبل الحادث بشهرين ونصف

- "الصحفى الكبير مجدى باشا هنا؟!.. منور مكتبى والله يا أستاذ".
- ده نورك يا أدهم باشا.. قالوا لى ان حضرتك عايزنى.
- آه.. أنا فعلاً عايزك، بس قول لى الأول: حد يعرف انك جايلى؟
- لا أبداً.. أنا ماقلتش لحد، وبعدين هو كان فيه فرصة أقول لحد؟!
  - ده بدوب سيادتك طلبتنى وانا ماكدبتش خير وجيت علطول.
  - شوف يا مجدى.. أنا راجل وقتى مش ملكى، وهادخل فى الموضوع علطول.. عماد صاحبك؟
  - ماله؟

- ما انت عارف ماله.. مش عايز يخف اللعب، ومفتح العيون علينا اليومين دول.. أنا لو عايز أفضعه كنت فصنته من زمان.. بس برده انا ماياخلصنيش كده..
- اعذرنى يا أدهم بيه.. أنا مش غبى أوى كده.. انت لو كنت عايز تقعص عماد من زمان كنت فعصته.. أكيد فى حاجة.. ده غير ان سيادتك عارف ان الدنيا كلها لو اتجمعت علشان عماد يرجع عن

- حاجة مقتنع بيها مش هيرجع..
- إيمم.. طيب أقول لك انا بقى على اللي فيها.. بص.. عماد صاحبك معاه أوراق مهمة جداً بيهددنى بيها.. كارت ييلعب بيه، والواضح ان كل الطرق بتاعتنا مش نافعة معاه وخصوصاً انه هدنى لو حصل له حاجة من بعيد أو قريب.. الأوراق هتنتشر فوراً.. أنا بصراحة وثقت فيك انت بالذات بعد ما عرفت حقيقة العلاقة اللي بينك وبينه.
- قصدك إيه؟! - قالها متهكماً.

- قصدى انت عارفه كويس.. وهجيلك من الآخر.. تعرف تجيلى الورق ده ولا اشوف غيرك؟
- بس الأوراق دى هتكلفك كثير يا أدهم بيه؟
- مش هنختلف يا مجدى..
- خمسة مليون.
- موافق.. هتسلمنى إمتى؟
- لأ.. إهدى عليها شوية لما أتكنك صح، واعرف أنا هعمل إيه؟
- خد وقتك، بس ماتطولش.
- تمام يا باشا.

#### قبل قتل عماد عز الدين بشهر ونص

- "معلش احنا هنتعب شوية.. بس أدبكي شايقة عماد دمر حياتى كلها ولازم انتقم لنفسى".
- يا مجدى اللي انت بتكلم فيه ده مستحيل.. عايزنا نقتله؟!
  - وهو انا بقول لك انك هتقتلى!.. إتنى هتساعدنى بس.. كل اللي عايزه نسخة من مفتاح الشقة.. بحكم ان هند على طول عندكوا.. أرجوكى يا دعاء.. أنا عارف انك بتكرهى عماد زى ما انا بكرهه..



خلينا على الأقل نخلص هند من ظلمه..

- بس يا مجدى..

- مافيش بس.. إنتى مابتحنيش؟

- هو انا لازم أقتل يا مجدى علشان أثبت لك انى بحبك!؟

- خلاص يا دعاء.. انا هتصرف.

- خلاص خلاص.. أعمل إيه ما انا بحبك.. بس انا خايفة عليك.

- ماتخافيش عليا.. أنا دارس كل حاجة كويس.. والحكاية كلها

هيلبسها أشرف زيدان.

- إزاي بقى؟

- شوفى يا ستى.. أشرف زيدان من مراقبتى ليه الكام يوم اللى فاتوا

عرفت انه متجوّز واحدة تانية، ومأحدش يعرف الحكاية دى..

ماتنسيش ان أشرف بيكره عماد وعماد بيكره أشرف.. كل اللى احنا

عايزينه بس خيط رفيع يخلى عماد وأشرف يقعوا فى بعض.

- مافيش غير اننا ندور ورا أشرف ونشوف إيه اللى ممكن يخليه يقلب

على عماد؟

- بالطبع.. يا ترى ممكن تكون إيه الحاجة دى؟

- شوف.. أنا اعرف إن الصحفيين والكتاب مافيش حاجة عندهم

أعلى من أفكارهم.

- قصدك إيه؟

- يعنى لو عرفنا نوصل لأفكار أشرف ونسرّبها لعماد، وبعدين نعرّف

أشرف ان عماد اللى عمل كده، يبقى كده وصلنا لى احنا عايزينه.

- إيه الدماغ دى..!

- عيب عليك.. تلميذتك..

- غير ان أشرف ليه شقة فى اسكندرية.. عموماً هبقى احاول أشوف

أى حاجة يمكن تنفعنا..

- خلاص مام.. وأنا فى أقرب فرصة.. هجيب لك نسخة من مفتاح

شقة عماد..

- خلاص مام..

بعد قتل عماد عز الدين بيوم

"إحنا ماتققناش على القتل يا مجدى".

"أنا مش عايز اسمع كلمة من حد وإلا والله العظيم ارواح المبلغ واقول انى

قتلته بالاتفاق معاك".

- طيب اهدى كده واسمعنى.. جيت الأوراق؟

- لأ.

- بتقول إيه!؟

- بقول لك لا يا أدهم بيه.. دخلت الشقة وقعدت ادور عليها ومالقيتش

حاجة، وكنت هتكشف لولا ستر ربننا.. فهربت من المطبخ.

- طيب حد شافك؟

- ماتقلقش.. ما اظنّش ان حد شافنى.

- طيب وهتعامل إيه؟

- ماتقلقش.. الأوراق هتكون عندك قريب أوى، وبعدين اللى انت

كنت قلقان منه مات.

- وأنا إيه يضمن لى انه ماكانش عاطى الأوراق لحد؟

- يا أدهم بيه ماتقلقش بقولك.

بعد قتل عماد عز الدين بأربعة أيام

"مجدى.. فى حد تانى كان معاك ساعة لما قتلت عماد!؟"

- أبدأً ليه؟

- أمال ازاي يا أستاذ فيه واحد بيهددنى بالأوراق؟

- إنت بتقول إيه يا أدهم بيه؟

- زى ما بقولك كده.. شكلك غرقتنا كلنا..

- يا أدهم بيه أنا قتلت أعز صحابى علشان خاطر الأوراق دى..

- يا حبيبي انت قتلت علشان الفلوس.. أدامك فرصة واحدة يا مجدى..

غير كده ماللكش حاجة عندى.. وانا لا شفتك ولا اعرفك..

- بقى كده يا أدهم بيه!!

- معلىش بقى يا حبيبي.. ما هى كده تبقى فى إيدك وتقسم لغيرك..

استفاق مجدى الزينى على صوت فؤاد الأسيوطى وهو يقول:

"وقد أمرنا نحن رئيس مباحث قسم العجوزة.. بإحالة المتهم مجدى

محمد الزينى إلى سرايا النيابة بتهم القتل العمد لسكل من: عماد عز الدين

ناصر، ويوسف عبد المجيد أباطة، ودعاء حسن الألقى".

- قتل دعاء؟!!!!!

- آه نسيت اقول لك.. دعاء ماتت.

- ٦ -

بعد يومين وقف فؤاد الأسيوطى فى مواجهة محمد عطية الذى كان  
مستلقياً على ظهره على أحد الأسرة فى أحد المستشفيات مبتسماً ابتسامة

عريضة، نظر إليه وأوماً برأسه ثم قال بود:

"حمدًا لله على سلامتكم يا محمد.. مش هطول عليك.. فيه حاجات  
صغيرة عايز أعرف إجابتها علشان أقفل القضية".

- تحت أمرك يا فؤاد بيه - قالها محمد عطية بوهن لكنه بدا أكثر نشاطاً  
رغم جرحه الخطير .

جلس فؤاد الأسيوطى على أحد الكراسى بجانب السرير ثم قال:

"ماتلقش على سيد.. هو طبعاً ضلع فى القضية، وهيتسجن، بس ده  
مش جديد عليه.. هو متعود على كده..".

أوماً محمد برأسه مبتسماً ابتسامة باهتة دون أن يتكلم، بينما أردف فؤاد  
الأسيوطى قائلاً:

"اتوجهت لأدهم أبو العز اتهامات كثير منها: الفساد، والتجارة غير  
المشروعة، ده غير ان فى ناس كثير أوى هتقع معاه.. من الآخر أدهم أبو العز

خلاص بقى منتهى الصلاحية وأيامه بقت معدودة هو واللى معاه.. حتى

عن بلاغ السرقة، وهنترك شاهد ملك طبعًا على أدهم أبو العز.

— إيه؟!

— زى ما سمعت كده.. وانا هرتب الحكاية كلها معاك لما تقوم  
بالسلامة.. دلوقتي يا بطل انت حر، بس أهم حاجة توعدنى انك  
متيأسش تانى.. إنت عندك موهبة جميلة يا محمد.. موهبة بجد..  
اتعب علشان تظهر للنور.. مافيش حد وصل للى هو عايزه فى يوم  
وليلة".

أوما محمد يرأسه ممتنا وقد بدا عليه النجمل ثم قال:

"مش عارف اقول لك إيه ولا أشكرك ازاي يا فؤاد بيه!"

— ماتشكرنيش.. اشكر ربنا لأنك لسه حتى لحد دلوقتي.. إصابتك  
ماكانتش هينة.

— الحمد لله — قالها برضا وهدوء.

— قولى بقى وانت فى شقة عماد عز الدين ملاحظتش حاجة غريبة؟  
— آه.. سمعت صوت بس كنت فاكهه من وحى خيالى.. زى ما انت  
عارف الواحد لما بيتقى مرعوب بيتهيا له حاجات كتير.. أنا فاكه  
كويس انى سمعت صوت مرتين.. ممكن يكون صوت عماد عز  
الدين قبل ما يتقتل.

— لأ ماكانش هو.. ده كان صوت القاتل الحقيقي، وغالبًا لما اكتشف  
وجودك اتلخبط وماكانش عارف يعمل إيه.

— ها..!

— زى ما بقول لك كده.. بس انت أكيد ماشفتش حاجة.

— أبدًا، أنا زى ما قلت لحضرتك كنت مرعوب، ومن رعى غلظت  
وأخذت الصندوق اللي وصلنى للى انا فيه ده.

اللى بيحموه يا محمد.. وانا عارف انك ذكى.. وأكيد عارف اللي انا بقوله  
ده أو على الأقل متوقعه بعد ما الأوراق وقعت فى إيدنا.. بس بقى اللي انت  
ماتعرفوش لحد دلوقتي مين اللي قتل عماد عز الدين ويوسف أباطة".

— مين اللي قتلهم؟

— أدهم أبو العز مش بالغباء ده علشان يقتل عماد عز الدين وهو عارف  
إن الأوراق معاه؛ لأنه ماكانش يضمن إيه اللي هيحصل بعدها، ولا  
كان يضمن إذا كان للأوراق نسخة ثانية أو لا، بس هو ليه يد فى قتل  
عماد عز الدين.

— ومين قتله؟.. أفصده.. مين اللي قتلهم؟! — قالها بلهفة.

— ماتلقلش.. أكيد مش انت — قالها مازحًا ثم أردف قائلاً:

"دى حكاية بطول شرحها ومسبك هتعرفها.. أنا جاي النهارده كمان  
علشان اقول لك إن والدتك هتعمل العملية إن شاء الله قريب.. أنا أعرف  
ناس كتير ليها فى الخبر وكلمتهم ووافقوا علطول يعملوا لها العملية.. الدنيا  
لسة بخير يا محمد".

ابتسم محمد ابتسامة عريضة ثم قال وهو يحاول أن ينحنى على يد فؤاد  
الأسيوطى:

"إيدك ابوسها يا فؤاد بيه".

طبطل عليه فؤاد الأسيوطى وهو يقول:

"أنا ماعملتش حاجة، بس انت طبعًا عارف انك متهم بتهمة السرقة؟"

— عارف يا فؤاد بيه — قالها بحزن.

— بس فى حاجة ثانية.

— إيه هي؟

— أنا اتكلمت مع مدام هند مرات عماد عز الدين ووافقنا انها تتنازل

أوما فؤاد الأسيوطي برأسه ثم قال:

- ماتساس اللي قلته.. محدش يبأخذ من الدنيا كل اللي هو عايزه.. ساعات بتتخيل اننا مستيرين.. ومافيش أي مجال للاختيار.. بس الحقيقة يا محمد اننا مخيرين في كل تصرفاتنا.. واللي مع ربنا عمره ما يبأخسر.. وافنكر كويس انك انت اللي ظلمت نفسك.. ورحت برجليك وبعث دماغك لعماد عز الدين.. بعثها بالرخيص.. وانت برده اللي قررت تقتله، ولما لقيت انك مش أدها قررت تسرقه.. كل دي كانت اختيارا انتك.. وبارادتك انت.. وماحدش ضربك على إيدك.

أوما محمد عطية موافقا وقد بدا عليه الأسى والحزن متأثرا بكلمات فؤاد الأسيوطي الذي قال قبل خروجه:

"اسيبك دلوقتي.. وانا هارتب الأمور علشان القضية وماتقلش من حاجة.. أنا عايزك بس تركز كده لأن مشوار القضية مش سهل.. اللي زى أدهم أبو العز ممكن يحرق الدنيا علشان مايوصلوش حاجة، واحنا في بلد.. ماحدش عارف فيها الكويس من الوحش.. كله لايس قناع.. مع السلامة يا محمد."

أوما محمد برأسه وهو يقول بخفوت وشروود:  
"مع السلامة."

في هذه الأثناء كان كل شيء هادئا للغاية، حتى أصوات المارة كان لها وقع غريب على أذني فؤاد الأسيوطي، كان عقله شاردًا ولكنه راض بهذه النهاية، مازالت هناك أسئلة تخلق في عقله ومع ذلك لم يحاول جاهداً ليفك طلاسمها بل أبقى عليها لعله باستحالة حلها في الوقت الراهن، وفي قرارة نفسه كان يؤمن بأن هناك دائما أشياء في الحياة لا بد أن تبقى على هذه الصيغة

وإلا انحدر العقل بأفكاره إلى بئر من الجنون، كان يعلم ذلك جيدا ولم يرهقه هذا العلم؛ فقد كان عاقلا بالقدر الكافي الذي يجعله يتقبل ذلك، فلكل شيء نهاية، وأحيانا تشابه الأحداث وتفرع في طرق مختلفة، وبعض الطرق تهدم وتسقط ليتكون لدينا في النهاية سلسلة من السقوط.

كان يدرك جيدا أنه مجتمع ساقط، ولكن هناك ذلك البصيص من الأمل، ربما لم يره في أي من شخصيات قضيته الأخيرة المشؤومة ولكنه كان يراه دائما بين هؤلاء المارة والتائهين في الشوارع المختلفة، فمنهم من لا يستطيع أن يبلغ وجهته، ومنهم من شرد عن وجهته، وبالتأكيد هناك من يعلم طريقه جيدا، كان يدرك تماما بأن هذا الشخص هناك بين هؤلاء من حوله، لا يهمه من هو، ولا يهمه وجهته، الأهم من كل ذلك أنه موجود ولم يكن يحينه شيء آخر، هكذا انتهت الحكاية التي قتلت ثلاثة: عماد ويوسف ودعاء، وكادت أن تودى بحياة آخرين لتستمر سلسلة الدم بلا توقف.

"هل كانوا يستحقون القتل؟!..." - كان ذلك هو السؤال الأخير الذي رده فؤاد الأسيوطي في قرارة نفسه، ولكن اكتفى بإبتسامة هادئة كإجابة وهو ينظر لهاتفه الذي كان يرن دون انقطاع فرد قائلا:  
"الو."

وجاء صوت على الجانب الآخر يقول:  
"فؤاد بيه.. فيه جريمة قتل في الزمالك."

أغلق الهاتف ونكس رأسه وأخذ نفسا طويلا ثم قال بهدوء وغموض:  
"انتهت حكاية.. ودلوقتي نبتدى حكاية جديدة."

تمت بحمد الله